






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
GNAFL 2.6.357





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.357



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.337





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.357


2. 6. 357

2 M. 6

XXXIV
HOLM







محكمة الرسول
الكاذب

SIVE

THEOLOGIÆ MU-
HAMMEDANÆ BREVIS
CONSIDERATIO.

In Qua

Præcipuè magni illius magnæ partis Orbis
Terrarum Seductoris, Muhammedis, imposturæ, frau-
des & absurditates ex Alkorano potissimum dete-
guntur, & ex verbo Dei secundum articulos
fidei refutantur,


AUCTORE

PETRO Golm /

Angermannia - Succo.

J E N Æ,

Typis & Sumptibus JOH. JACOBI BAUHOFFER,
ANNº clº lºc LXX.



SACR. REG. MAJEST. REGNIQVE SUECIAE
SENATORI AC CANCELLARIO MAGNO,
JUDICI PROVINCIALI WEST-GOTHIAE ET DALIAE,
UT ET

ACADEMIAE UPSALIENSIS CANCELLARIO,
ILLUSTRISSIMO ET EXCELLENTISSIMO HEROI
AC DOMINO,

DN. MAGNO

GABRIELI DE LA GARDIE,
COMITI DE Leczko/Arensburg
ET Pernau/

LIB. BAR. DE Ekholmen/ DOMINO DE
Hapsal/ Helsinget/ Magnusshof/ Hönen-
torp ET Wennergarn/

DOMINO CLEMENTISSIMO.



ILLUSTRISSE DOMINE.

Sunquam illos, qui tantos in tanto fastigio collocatos Viros accedere volunt, insolitus quidam timor, partim ex reverentia magnitudinis eorum, quos adeunt, partim ex propriae tenuitatis conscientia, corripere solet; illorum certe ego unus sum, quàm qui maximè. Nam præter hæc omnia, invidia insuper suscepti argumenti, laborare videor. Duxi, sed instinctu, impulsuque Plur. Rever. & Amplif. Dn. JOHANNIS ERNESTI GERHARDI, SS. Theolog. D. & Professoris Publici in Celeberrima hac Salana Famigeratissimi, Dn. Patroni, Præceptoris & Hospitis mei ætatem

tatem debito cultu observantiaque suspiciendi, prima li-
neamenta *Religionis* (uti plurimum vocant) *Turcica*.
Id ipsum, qui malè volent, inutilem laborem esse clami-
tabunt: satis hostium in Ecclesia esse, si vel non forinse-
cus accersantur: Fabulas istas hujus Impostoris non me-
reri ullum punctum temporis, quod aliis negotiis sub-
trahatur. Non levia sanè hæc! Verum, si horum unice
judicio standum sit, vereor, ne de aliis, etiam magno-
rum virorum, laboribus pariter conclamatum sit. Gen-
tilium enim Philosophorum quorundam & Poëtarum
Scriptis evolvendis tempus impendimus; hi turbam no-
tis Deorum Dearumque inferunt, quos tamen Alko-
ranus unà nobiscum merito damnat. *Valentini, Cerin-
thi, Manetis*, cæterorumque hæreticorum jam du-
dum demortuorum deliria, Muhammedicis hisce mul-
tò interdum infaniora, anxie ab ultima usque antiquita-
te inquiruntur. Majus nobis ab his, quam ab illis, im-
minet periculum, ni DEUS paternè averruncet. *Judei*
calumniantur Christum, dederuntque primam occa-
sionem omnibus ferè his, qui ejus Divinitatem aliquo
modo aggressi sunt: Leguntur tamen illorum libri, re-
felluntur tabulæ; quin etiam eorum commenta à Pa-
tribus, pro concione ad populum nonnunquam ex-
posita videmus, quemadmodum ex *Augustino, Chryso-
stomo*, aliisque claret. Debet, cum cæteris hæreticis,
tùm maximè *Judeis*, originem suam *Muhammedis-*
mus: nescio itaque, quid jure culpent in rivulo, quod
alias

alias laudant in fonte & Et cum totam historiam Eccle-
siasticam meritis evehant laudibus, huic ejus particulæ,
de Orientali scilicet Anti-Christo, tantopere sint infe-
sti? nam & hujus superstitionis notitia conducit, ad
intelligendum, quid Christus & alii Spiritu Sancto ho-
mines impulsæ, de postremis temporibus pronunciant,
Ezech. XXXIII. XXXIX. Dan. VII. 25. Matth. XXIV, 24. I. Tim. IV, 1. II. Tim. III. 1. seqq. Apoc. IX. & XX. Taceo: si ullum aliàs extat, Alko-
ranus certe est scriptum, in quo luculentissimum hor-
rendæ iræ divinæ speculum nobis proponitur, quan-
tis videlicet palpabilibus tenebris & stupendis Satanae
ludibriis, Deus permittat justo suo judicio illos verbi
auditores, qui justam cœlestis illius depositi negligunt
curam. Hæc atque alia, æquis rei censoribus satisfacere
fortè possunt; iniquis verò nulla. Tuo autem,
ILLUSTRISIME DOMINE, splendidissimo quòd
nomini, tam viles, tamque immaturas immaturi inge-
nii primitias consecrem, **ILLUST. T. EXCELL.**
humillimus & devotissimus obsecro, elementissimè
condonet. Ausi sunt idem conniventia tuâ, plurimi
ante me alii. Animarant forte illos, suæ aut materiæ
aut diligentia in eadem elaboranda, meritum: me
(quid enim non fatear?) neutrum. Conciliet itaque
quæso, vel sola incredibilis indulgentia TUA, quam in
tam Heroica mente jam dudum omnes venerantur,
instituto huic meo gratiam, omni alias patrocínio de-
) (3 stituto.

stituto. Faxit DEUS Ille Opt. Max. ut ILLUSTR.
TUA EXCELLENTIA, commune illud Literatorum
Præsidium, unà cum Illustrissima DE LA GARDIA-
NA familia, diu POTENTISSIMO & SERENIS-
SIMO nostro REGI, diu Ecclesiæ, diu totius regni
saluti, imprimis autem Reipublicæ Literariæ civibus,
vivat, valeat, floreat! Faxit!

ILLUSTRISSIMÆ TUÆ EXCELLENTIÆ

Jene, d. XXIV. Junii
M. DC. LXIV.

*Æternum devotissimus, obsequentis-
simus, & humillimus*

Cliens

PETRUS Holm.


CLARISSIMO VIRO,
DN. PETRO HOLMIO,

Angermanniâ-Sueco,
SS. Theol. Cultori strenuo,
Fautori, Amico ac Domestico suo
pl. dil. & hon.

JOH. ERNESTUS GERHARDUS, D.
S. P. D.

*D*um omnium animi in meliorem illam spem eriguntur, ut vel tandem victricia Suecorum signa fortissimis Germanorum Gallorumque armis adsociantur, sicque mutuis Christianorum auxiliis ignominia illa, quâ & Christiani nominis hostis Hungaricam hæcenus gentem indignissimis modis fractoque fœdere affecit, debitè vindicetur: imò, ut Hannibal ille furiosissimus, qui ad ipsas propè Germania, patriæ nostræ dulcissimæ portas superiori anno pervenit, heroicè propulsetur: en! primus TU inter concives TUOS es, CL. HOLMI, qui in aciem progredieris, primusque in Muhammedanos arma stringis. non cruenta quidem ea vel militaria; hæc enim abs TE studiisque TUIS alieniora, aliis enim TE sacris initiatum novimus: sed alia tamen, quæ & egregios TUOS in SS. Theologia progressus, & insignem Linguarum Orientalium peritiam satis produnt superque. adeoque luculenter testantur, non abs re Nobilissimum

simum atque Excellentissimum Dn. Christianum Ravi-
um, (at quantus hic vir, & quàm acris iudici) in
litteris Upsali. ad me perscriptis, dignum TE iudicas-
se, qui in quacunque Academia celebriori Orientales
profitearis litteras. Hem benè factum! Pulchrè impossibi-
lis illius nefandi, qui maximam Orientis, dixerim
propè orbis partem miserè decepit, fraudes detexisti, er-
rores solide refutasti, ut detestanda hominis artes satis
jam eruditis pateant. Nisi totus fallor, tale erit re-
condita eruditionis TUÆ specimen hoc, quod januam
TIBI fama aperiet, ac nomen Tuum eternitatis ta-
bulis inseret. Deum Opt. Maximum seriis ardentis-
simisque fatigo precibus, ut non solum egregios conatus
TUOS porro adjuvet, eosdemque ad nominis sui divi-
ni gloriam, Ecclesie item ac rei litterarie commodum,
provehat, verùm etiam clementissimè concedat, quò
positis disfidis omnibus, quibus proh dolor! plerimi
Reges ac Principes Christiani seducti, in propria hacten-
us servierunt viscera, illam solum præclaram suisque
virtutibus ac glorie dignam asument victoriam, quam
de nequissimo illo Tyranno retulerint. Nos precibus pu-
gnabimus ac piis votis, illi armis. Reliqua Deo cu-
ra sunt, cuius TE ac TUA studia favori
commendo. E museo paterno d. 24.
Junii, Anno 1664.



Proœmium.

Duos post Christum, totius generis humani Redemptorem exorturos esse magnos Anti-Christos, qui insignem nomini Christiano afferrent cladem, constans & vera est Theologorum nostratiū sententia. Vid. B. D. Balduinus Comment. in 2. ad Thess. cap. 2. p. 1208. b. B. D. Heilbrunnerus Pap. Acat. p. 391. B. D. Gesnerus in cap. 7. Danielis m. 7. B. D. Gerhardus lib. 2. Spec. Confess. Cathol. art. 3. c. 6. p. 813. aliique. De *Occidentali*, videlicet Papa Romano, cum ab Orthodoxis calamo & ore passim tractetur, haud arbitror, ab æquis rei censoribus mihi vitio datum iri, si animum & oculos ab aliis paulisper studiis etiam ad *Occidentalem* AntiChristum, id est, Muhammedem; alterum illum maximæ mundi partis seductorem, imò, totius Reipublicæ Christianæ hostem ^{ἀντιχριστός}, re- flexero. Etenim non caret ea res suâ utilitate, nec magnorum virorum pariter suffragio. Megalander certè noster B. Lutherus, tom. VIII. *German. Jenens. in Præfat.* Alcorani, à Fr. Richardo Ordinis Prædicatorum refutati p. XI. b. de hujus studii neglectu in suæ ætatis hominibus, apertè conqueritur his verbis: Ich hätte gern den Alcoran selbst gesehen / und wundert mich / wie es zuginge / daß man den Alco;

A

Alsoan nicht längst hätte in die Lateinische Sprache ge-
 bracht/ So doch der Machomet nu länger den neun hun-
 dert Jahr regiert und so großen schaden gethan hat/ doch
 niemand sich drümb angenommen / zuerfahren / was
MACHOMET GOTTES WERE. Sind allein
 dainu zu frieden gewesen / das Machomet ein feind Christ-
 lichen glaubens were/ aber **W D / und W J E / von**
STUER zu STUER / ist nicht laut worden / welches
 doch von Nöthten ist zu wissen. In hujus quoque tanti viri
 sententiam pedibus (quod ajunt) ire videtur fidissimus ejus-
 dum vixit, Acharis, communisque Germaniæ. Præceptor,
 Philippus Melanchthon, in præf. ad Comment. Rerum Turcic. Pau-
 li Jovij, quando ait: de religione planeque pro aris & focus cum Tur-
 cica natione dimicandum est. Quapropter nonnisi cum dete-
 statione legenda est vox Reginaldi Poli, Romanæ Curie
 Purpurati, qui ut refert B. D. Mylius conc. Turcic. III. haud
 longè à fine, scribere non dubitavit lib. III. pro mutat. Ec-
 cles. defens. pag. 78. Quod si contigerit, Carolum V. Romanum
 Imperatorem Urbi Constantinopoli cum exercitu victrice propin-
 quum esse, nec vanam adesse spem, fore, si progredieretur, ut Impera-
 torem Turcicum non solum ex dicta regiâ, sed tota quoque Europa
 propulset, se tamen revocaturum, admoniturumque Imperatorem,
 uti revertatur potiùs ac contra **LUTHERANOS** exercitu suo
 utatur, contra hos vires suas periclitetur, omnes è finibus suis pro-
 pulset, quippe ipsis **TURCIS** longè deteriores.

Sed dices: Ad quid tantoperè illa notitia religionis Turcicæ est
 utilis & nobis proficua, cum ferramento potiùs quàm atramento, ut
 ajunt, pilo potiùs quàm stilo, hasta quàm calamo, vi militum, non
 Syllogismorum, adversùs id generis homines opus sit: deinde, non
 facile nobiscum in arenam disputandi gratiâ descendunt, & si qui
 maximè id vellent, non possent, deterriti quippe fulmine Sarrac-

XIII.

XIII. aliarumque, que displicare & revocare in dubium fidem suam
vetant? Resp. Verum est: non carere difficultate summa
 presentissimoque vitæ periculo, negotium eos converten-
 di, illumque conatum propè videri irritum; adeò enim oc-
 coecati, adeò obstinati in suâ superstitione sunt! attamen
 non omnis eos convertendi nobis seponenda vel cura vel
 spes. Vid. Esa. 55. v. 10. Dantur etiam *exempla* eorum,
 qui nuncio impietati Muhammedanæ misso, Christianæ
 religioni nomina dederunt. Nullus quoque dubito, quòd
 vel bellum hoc, quod nunc non nisi maximo cū Christianis-
 mi periculo nostris cervicibus incumbit, multos infidelium
 ad veram DEI salutisque cognitionem perducet. Juber v.
 hoc etiam credere cū ineffabilis DEI misericordia, *qui*
vult, OMNES homines salvos fieri, & ad agnitionem veritatis
venire, I. Tim. II. 4. tum ejus non insolens aliàs mos, ver-
 bum suum etiam per bella & calamitates populi sui propa-
 gandi. Vide exemplum *Naamanis Syri*, II. Reg. V. v. 2. *Ne-*
bucadnezaris, Dan. II v. 47 c. III. v. 28. *Cyri*, 2. Paralip.
 XXXVI. v. 23. Esa. II. v. 2. Adeò hic *יִשְׂרָאֵל* 1. Sam. XV.
 v. 29. quando quàm maximè oppugnatur, tum quàm ma-
 ximè civitatis suæ profert pomœria! unde ejus tum *bonitas*,
 tum *potentia*, non minimùm illucescit. Deinde si vel maxi-
 mè Muhammedani non converterentur, illustria tamen
 documenta in Ecclesia suâ ad *ἐπισημαίνοντες τὰς ἀνιδέγους*,
 Deum nihilominus extare se velle, satis nobis suo exemplo
 commonstravit Matth. XXVII. 51. in crucifixione Filii
 sui. Quamvis enim Judzi non credant, JESUM Dei Filium
 esse; is tamen in morte ejus, & velum templi scindi, ter-
 ram moveri. & petras findi, & sanctos è monumentis egre-
 di apparereque in Urbe voluit; testimonia convincentia
 veritatem rei, licet infrugifera apud plurimos. Et, *Ec-*
clesia DEI errores OMNIUM hostium Evangelii confutare debet,

ut ait divinus Dei præco *Lutherus in præfat. Alcorani*. Præterea urget quoque *necessitas summa*. Nemo enim crederet, ait CL. meus Præceptor D. *Christianus Ravius*, Orient. Lingg. in celeberrima Upsalienfi Academia Professor (cujus testimonio eò libentius utor, tum quòd multa ejus in me sint merita, tum præcipuè, quòd ille multos annos in Oriente, Constantinopoli & alibi vixerit, & eorum arcana intimius perspexerit) in Panegyrica II. ad Ultrajectinos, p.m. 13. extare autores Muhamedanos *DILIGENTISSIMOS, DOCTISSIMOS*, qui nostram fidem impugnare velint, & possint, uti sibi videntur; certè audeant. Ita habeo tale aliquod manuscriptum, cujus exemplar, præter meum, nullibi aliàs reperiat in toto Oriente. Id quod Muhamedanus quidam apud suos pariter & Christianos in Oriente celeberrimus veluti *RESPONSUM* ad tractatum seu Symbolum Christianorum Ecclesie Cyprie, Syriæ contra sitæ insulæ, religionem Muhamedanorum refutantem, scripsit auctor Muhamed F. Ali Talibi Ansarius Sofi, aut Sufes, uti Seneca idem nomen pronunciat, Damascenus. Resultat quoque ex hoc studiorum genere maxima utilitas. I. *αὐτοὶ ἐκείνοι*, dum (1.) propriis illorum gladiis discimus adversarios jugulare, i. e. ex ipsius Alcorani verbis; cujus rei in sequentibus aliquot dabimus specimina. Hoc verò quantum ad convictionem adversarii valeat, sufficientissimè docuit B. D. Gerbardus in *Confess. Catholica cap. 1.* (2.) dum liberamus conscientiam nostram, nos non tribuere adversariis quid falsi, adeoque non falsum testimonium dicere adversus proximum nostrum. Cujus rei querelæ extant passim in omnibus hæreticorum monumentis. Et modò Lutherum audivimus, non sufficere scire, daß Mahomet ein Feind Christlichen Glaubens sey / sed Wo/ und Wie/ von Stück zu Stück von Nidthen sey zu wissen.

II. *Πεὶς διδασκαλίαν*. Discimus enim hinc (1.) *DEUM*.
dum

dum (α) ejus *justitiam* veluti in speculo contemplamur *irae*
que gravitatem. Arabes erant gens DEO olim peculiari-
 ter dilecta & in verbo divino dives. Unde in vaticiniis de
 Vocatione gentium expressè & nominatim præ cæteris
 illi exprimentur, uti Esa. LX. 6. *Inundatio Camelorum operiet*
te, dromedarii Madian & Ephæ יבוא מדיאן & עפא כלם משכא יבוא omnes de Saba-
 venient, aurum & thus deferent & laudem Domino annuncient. &c.
 Sic Ps. LXXII. 10. מלכי שבא וסבא אשר יקריבו Reges Ara-
 bum & Saba dona adducent, ut habet Vulgatus. Et paulò post,
 v. 15. vivet, & dabitur ei שבא מזהב de auro Saba (i. e. Ara-
 biæ, vid. Santes Pagninus, Joh. Lorinus, aliique) & adora-
 bit eum semper, toto die benedicet ei. Unde gentium ille Doctor
 Paulus post sui gratiosam vocationem, primùm ὁ δὲ ἀγγέλλει
 εἰς ἑρπύλλμας, sed ἀγγέλλει εἰς Ἀραβίαν ad evangelizandum
 Filium DEI οἱ τοῖς ἔθνεσιν, Gal. I. 17. At, proh dolor! hoc
 honore verbique divini κειμήλιον ob peccata sua justè priva-
 ti sunt. Conf. Matt. XXI. 43. Apoc. II. 5. 2. Thes. II. 10.
 Videmus (β) Dei potentiam, qui Ecclesiam suam בקרב איבוי
 in medio inimicorum suorum, Ps. CX. v. 2. etiamnum in Orien-
 te sustentat. (γ) summam ejusdem bonitatem, qui nos in ista
 impietate non sivit nasci vel educari. Cognoscimus (2.)
 veluti ἐν ἑαυτῷ ipsum Diabolum, quàm sit vafer, mendax,
 quàm sit multarum artium magister. Impossibile enim est,
 sine ejus singulari opera sectam tam impiam, tam absur-
 dam, tam sibi ipsi contrariam potuisse vel invalescere vel
 permanere. (3.) humani ingenii summam μαλακότητα, quan-
 do verbo divino relicto relinquitur suis διαλογισμοῖς. Quis
 crederet, homines tam emundæ naris posse ab aliquo in-
 duci, ut crederent, calamum, e. g. extare longum 500. an-
 norum itinera, latum 80. annorum: terræ centrum collo-
 catum in cornu tauri, quo caput ob pondus quassante

terræ motus fieri : terram verò ipsam in pisce quodam ma-
 ximo unà cum mari stare : Suem è stercore elephantis na-
 tam in arca Nohe, egestionem humanæ superaddito : Suem
 v. originem istam rostro suo fodientem, dum conceptum
 naribus factorem effluere vellet, sedidisse murem : Leonem
 verò naribus felem ejecisse : aliaque quæ in illo colloquio cum
 Symmysta suo Abdia Judæo egregius hic noster Prophe-
 ta Muhammed memorat ; ut alia taceam, quæ falsa esse,
 vel manibus palpare possent, si mens non læva fuisset. Quæ
 omnia, quantum *III. ad ἐπεὶ πρῶτον* faciant, me interprete
 non opus est : consuli verò potest *B. Lutherus in præmonit. ad
 Christianum Lectorem, Alcorano Tiguri M. D. XLIII. edito præ-*
fixa. Hisce itaque, aliisque de causis, auguror, fore, ut ar-
 gumenti potius minùs accuratè (quod fateor) elaborati,
 quam inutilis suscepti operis damner.

Totam igitur hujus rei pro instituti ratione tracta-
 tionem, in tres dispescere partes placet. *Prima* erit de au-
 toribus hujus sectæ, tempore item, propagandi modo &
 conservatione : *altera* de principalioribus quibusdam con-
 troversis aget, quæ nobis cū Muhammedanis intercedunt,
 in quibus veluti quædam ἀντιπολις regni hujus Anti-Chri-
 stiani consistit, ut de Scriptura Sacra, de Muhammede, de
 Alcorano, de Trinitate, de Christo : quibus expugnatis
 non habent Muhammedani, quo cæteros suos errores
 tueantur, nisi meras quasdam principii petitiones. Itaque
 hanc *tertia* excipiet, continebitque nudam ferè reliquorum
 falsor. dogmatum recensionem, cū ea enumerasse, refu-
 tasse sit, eademque in aliis hæreticis à Nostris dudum
 sint profligata. Tu, JESU, FILI DEI vivi, qui super hac
 confessione ædificasti Ecclesiam tuam, velis adesse nobis
 usque ad consummationem sæculi : effice TU, גבור אר
 Es. 9.5. ne portæ inferni, (quæ jam rictum veluti pañ-
 dent)

dent) unquàm nobis prævaleant, neve hic aliusve tuus
ἀντικείμενος & nos tuas oviculas de manu tuâ rapiat. Nam
tuum est REGNUM, & POTENTIA & GLORIA
in Secula. Amen! O JESU! Amen!

PARS PRIMA.

CAPUT I.

De authoribus Sectæ Muhammedi- cæ, tempore & occasione.

Quod de *Tarquinio*, cui *Superbi* nomen facta indiderunt,
quique ordine *septimus* ab Urbe, à Romulo vel condi-
ta vel restaurata, inibi scelere parto imperio regna-
vit, memorant annalium Romanorum conditores, elo-
cam scilicet maximam receptaculum omnium purgamentorum ur-
bis sub terram egisse: id *Satanas*, Spiritus ille *Superbiae*, & δι-
φρακτικὸς ab initio, Joh. VIII. 44. astutè imitatus vide-
tur, seculo post reparatam à CHRISTO DEI FILIO salutem,
urbisq; Dei in N. T. proprio sanguine sacratam ædifica-
tionem, iidem *septimo*. Nam cum hic tyrannus, Diabo-
lus, variis hæresium moliminibus, ut *Simonis Magi*, *Cerinthi*,
Saturnini, *Carpocratis*, *Marcionis*, *Basilidis*, *Sabellii*, *Montani*, *Sam-
osatemi*, *Arii*, *Manetis*, *Audei*, *Nestorii*, *Photini*, *Macedonii*,
Pelagii, &c. vidisset, se Ecclesiam DEI, ὅτι τῇ πέτρᾳ,
i. e. Christo Filio DEI, inædificatam, non posse evertere:
aliâ via aggredi eam satègit. Ratus, quod si non prosunt
singula, multa tamen juvent in unum collata. Prædictas
itaque, aliasque horrendas hæreses in unam stygiam pa-
ludem

ludem, *Muhammedismum* scil., derivavit: quâ veluti Camarina quadam mota, civitati DEI densissimas nubes, pestilenti anhelitu infectas, antiquus ille Draco Apoc. XII. 13. ex propinquo posset offundere.

§. 2. Nactus hic verò est *μωχιστεχνίτης* ad hanc fabulam peragendam ministrum oppidò improbum, *Muhammedem*, *Abdalla filium*, nepotem Abdalmutalebi natione Arabem; nomini suo, quod *clarum*, *celebrem* & *insignem* apud eosdem (puta à radice *الحمد* *laudavit*, *celebravit*, à quâ etiam est nomen *الحمد* *laus*, *gloria*) denotat, nulla alia re quàm mendaciis, dolis & flagitiis respondentem. Hic natus est eo quem diximus, patre *Abdalla*, avo verò Abdalmutalebo &c. matre verò Emina, filia Vehebi, circa auroram, (ut habet *Elmacin. lib. I. hist. Saracen.*) diei lunæ, qui octavus erat, Rabii prioris: cui respondet è mensibus Romanorum dies XXII. mensis Nisan, anni octingentesimi octogesimi secundi Alexandri *ب. ٢٢٠٠* *duorum cornuum*, id est, *Magni*; qui ita dicitur, vel quia Jovis filius credi voluit, qui ab antiquis *cornutus* pingebatur, teste Scaligero de emendatione temporum, vel à fortitudine, quæ apud Orientales nomine *קורן* sæpius venit, vel etiam fortè à *radiis* & *splendore*, ut de Mose narratur, Exod. XXXIV. v. 30. *קורן עור פניו* unde & imperiti pictores nacti sunt ansam, etiam Mosen cornutum in templis quibusdam fingendi. id quod Judæis stomachum & risum movet, Christianos legislatorem repræsentare cornibus conspicuum. Incidit itaque nativitas hujus monstri, juxta fidem Elmacini, in annum *Æræ Christianæ* DLXXI. Alii aliud sentiunt: Nos eam litem nostram non facimus, nec tanti etiam est, in hoc mustaceo laureolam quærere. Optandum potiùs, doctrinam pariter ejus impiam, ut natalem certum, Cimmeriis damna-

damnatam fuisse tenebris, nec unquam orbi tam perniciosè innotuisse.

§. 3. Quod verò nugantur Muhammedani, matrem ejus sine dolore peperisse, tum id credam, quando de Alcumena idem probaverit Plautus. Similiterque, quòd idola horà nativitatis ejus corruerint; nisi fortè adventum ejus Diaboli sint gratulati, adeoque præ gaudio שמחו infernus commoverit se ad occurrendum advenienti ei, ut de Nebucadnezare habetur Es XIV, 9. Ejusdem quoque farinae sunt alia miracula, quæ circa hunc Pseudo-prophetam vel natum vel educatum facta Muhammedani fabulantur. quorum lectione qui delectatur, videre ea potest apud autorem de generatione Mahometis, it. CL. Hottingerum hist. Orient. l. I. c. VI. Hornbeckium in summa controvers. p. m. 77. aliosque rerum Turcicarum Scriptores.

§. 4. Hisce idololatriis parentibus natus Muhammedes in idololatria Koreischitarum. (de quâ vid. Hotting. Lib. I. hist. Orient. c. VIII.) unde sanguinem ducebat, educatus, idololatra & ipse mansit, donec peculiarem sibi sectam constitueret. Cum autem à teneris, ut ajunt, ungviculis immensâ raperetur imperii cupiditate, partimque res angusta domi (neque enim dives erat, quamvis illustri loco natus, è gente quippe, ut dictum modò, Koreischitarum; quorum ea tempestate & inclitum nomen, & in civitatem Meccam imperium partim & contribulum suorum diversam studium obtinisset, quò minus per vim posset emergere, animum ad eminentias divinas revelationes adjecit, ut tandem vel sub religionis specie rerum summâ potiretur. Adeò hic & unus ex iis Prophetis nobis obviatur, de quibus per Jeremiam loquitur DEUS, cap. XI V, 15. כשמי ואני לא שלחתי *prophesantes in nomine meo, ego verò non misi eos.*

B

§. 5. Utri-

§. 5. Utrique ergò sibi obstanti rei tempestivus occurrit. Et quidem, cùm ipsemet opibus non valeret, uti modo diximus, quemadmodum & ipsius tam patruus, quam eductor Abutaleb ipse fatetur apud Abunazarum dicens: *ليس لنا يسار بان نـمـوجـه ولا نـعـلم كيف الـمـصـالـحـة و بـا مـتـة* i. e. non suppetunt nobis (nativitatem enim ejus patris quidem mors duobus mensibus anteceffit, matris vero sex annis post insecta est; parentum, ut credibile est, haud magnâ in re) opes, ut possimus ei de conjugio prospicere, nec scimus, quâ ratione ejus rebus possimus consulere: in notitiam faminæ cujusdam primariæ, Chadighæ nomine vel captivitate vel sua sponte (variant enim hic authores) pervenit, & deinceps quoque thorum. Cujus re familiari ad eam rem, quam intendebat, adjutus, simulatione colloquiorum cum DEO, Scipionis, Numæ Pompilii, Sertorii, aliorumque vestigia legens, gradum sibi ad imperium munire occipit.

§. 6. Nec verò hoc ei obtentu difficile erat, ad cò enim omnes res & sacræ & profanæ amicè ad hanc rem conspiciabant, ut nihil decideret, quàm idoneus autor, qui rem anspicaretur. Ecclesiam enim DEI foris variis cùm opprimi videret hæresibus & sectis; puta, gentilium, Judæorum, Arianorum, Nestorianorum, Eutychianorum, (eorumque innumera sobole, Monophysitis, Monotheletis, Agnoëtis, Acephalis, Angelitis, Jacobitis, Severitanis, Armeniis, &c.) *μαριαυλατρεῖονταν* item seu Collyridianorum, Pelagianorum, aliorumque; intus verò variis Episcoporum dissidiis scindi, contentionibus de primatu seu *πρωτεῖα*, ut ex Gregorio Magno Romanorum, & Johanne Constantinopolitanorum, Episcopis patet, avaritia item & obtreccationibus, de lana caprina nonnunquàm disputationibus, rerum sacrarum
 πρᾶ-

præ secularibus neglectu, hincque supina in articulis fidei ignorantia: *Rem autem publicam* ab Imperatoribus ipsis negligi, committi verò administrandam imprudentibus, scelestis ventris & marsupii mancipiis, defraudari milites stipendio quod non minimū hanc impiam Muhammedis sectam promovit, uti testantur ferè omnes illorum temporum scriptores; subditos expilari opibus, opprimi à potentibus, adeoque omnium animos esse abalienatos: hanc, inquam, occasionem homo subdolos & perspicax veluti è specula quadam aucupatus, suis ipse rebus deesse noluit.

§. 7. Adest itaque! quod de publico statu omnes queruntur, conqueritur & ipse: offert afflictis rebus opem, si modò eā uti velint. De bacchatur deinde in palpabilem popularium suorum idololatriam & impietatem, quòd simulacra, quòd angelos, quòd plures Deos quàm unum colerent, quòd liberos suos mactarent, &c. Videbant autem Christiani, eum in his non mentiri. Triumphatus itaque de illis, etiam hos aggreditur: *cum unus Deus sit colendus, non tres esse*, ajebat, adeoque Trinitatem vafre oppugnabat, & sic in aliis. Quid faceret rudis plebecula, non sufficienter in fide vel ob suam vel præsulum suorum ignaviam informata? victas dat manus, cum alter argumentis vel argutiis vinceret. Tandem, cum & ipsa ob tot dissidia in religione fluctuaret, & hic nonnihil veri contra crassos idolorum cultores visus esset dicere, nescia cuius esset, sit occupantis. Adeo nempe contemptus & neglectus verbi divini homines trahit in perniciem! Semel verò in nassam illectis, non difficile erat, quidvis persuadere: potissimum postquàm adeò hic *ψευδοδιδασκαλος* crevisset, ut jam non amplius arbitrarium esset, fidē ejus fabulis denegare, quin factum ulcisceretur armis.

§. 8. Ne verò & ipse suis pennis percelleretur, h. e. tisdem artibus ex animis suorum expelleretur, quibus eosdem invaserat, librum quendam conscribit, quem cœlitus sibi datum asserit, & nonnisi sub pœna infernalium suppliciorum rejiciendum obtrudit; regulam scilicet certam fidei & normam omnium in vita honestarum actionum. Huic à lectione vel collectione (مجموعه) enim utrumque denotat) Alccrano nomen fuit; sicut Christianorum Scriptura sacra (מכתב) à scribendo nomen sortitur. In quo, qui omni stato tempore legeret, nisi cum immundus esset, is *الحبيب وحده الله تعالى مع العباد* hortum (paradisi) ingrederetur, eumque excitaret Deus excelsus, cum Sapientibus & Prophetis die resurrectionis, i. e. ultimo, ut inter XL. Mahometis *Ἐπὶ τῆς ἡμέρας*, hominibus ab eo velut ad salutem obtinendam necessaria præscripta, refert Muhammed Ben Abibecer.

§. 9. Nec deerant, qui homini vesano in hoc suo Prophetico munere junctis operis frigida suffunderent, adjurarentque in malè feriato scripto corradendo, partim ex pseudo Christianis, partim & ex ipsis Judæis. In horum numero fuisse Phinea quendam, & Abdian Ben Salon perhibent; hunc & colloquio illo seu potius mendaciorum plaustro inter ipsum & Muhammedem fatis notum. In illis verò eminuit Sergius monachus Constantinopolitanus, domo ob hæresin vel Monothetarum, vel Arianorum, vel Nestorianorum, (discrepant enim & hic autores) in Arabiam profugus. Alii verò volant hunc Sergium non quidem Christianum fuisse ipsum, sed Christiani saltem cujusdam mercatoris Meccensis servum. Ut sit, dici non potest, quantum hujus adjutores Muhammedana experit Spiritu ducere. & novit hic Mercurius suo Jovi egregiè suppallitari.

§. 10.

§. 10. Muhammedes enim cum comitiali morbo laboraret, & uxorem id malè haberet, se nupsisse homini, corporis non minùs quàm fortunæ bonis destituto, moliantur hi boni viri inter se fallaciam, dicuntque, *Gabrielem Angelum id temporis puncto solere Prophetæ adparere, cujus augustam præsentiam & majestatem homo mortalis non sine horrore totius corporis, animique deliquio posset intueri.* Muhammede itaque spumante & se in morbo volutante attonitæ mulier hæstet hic lociennus, *Sergius*, ipsamque in fide confirmat. Credit v. conjunx, vel quia ita persuasa esset, vel quia, quod libenter volumus, id faciliè credimus: Enthusiascent certè tangi vetuit, remque aliis muliereulis divulgat.

§. 11. Ne verò sui novitate, nova hæc Biblia (Alcoranum dico) se proderent, & sectariorum animos offenderent, utque omnes eò faciliùs impostor ille lucraretur, ex omnibus eà tempestate florentibus sectis in hoc malè concinnato centone quædam admiscet. In *Judeorum* gratiam retinet circumcisionem, prohibet porcina, interdicit quibusdam cibis, adhibet lotiones corporis. &c. Ne *Christianos* abalienaret, de Christo honorificè loquitur, cum Surati. XI. & XII. *وَرَجُلٌ* Dei nuncium vocat, *DEI spiritum*. item *celitus demissum*. ibid. *sine viri opera natum*. Sur. V. *Divina virtute venientem, librum legiserum, omnisque magisterii peritiam & testamentum & Evangelium, mandatumque filios Israelis edocentem*. ibid. & qua sunt id genus alia, passim in illa lege repetita. Et sic cum aliis quoque sectis collusisse eum, in ipso progressu ostendimus. Nunc verò ad media, quibus hæc superstitio tanta recta hætenus man-

si manetque, properabimus.

B 3

CAP.

C A P. I I.

De modo, quo propagata est à Mu-
hammede ejus religio, propagaturque, &
conservatur etiamnum.

§. I.

Mirari, idque haud immeritò quis posset, què venerit, quod hoc tam absurdum (ut infra patebit) dogma, tam impia religio in orbe fidem meruerit, vel quòd non simulac nata est, aut certè cum ipso autore evanuerit; maximè cum & Divus Paulus *μυστήριον* vocet *ὁμοδογῶν ἰσχυρὰ μέγα*, quòd *CHRISTUS* creditus sit in mundo, 1. Tim. III, 16. & pro veritate religionis nostræ inter alia etiam hoc argumento utamur, quòd Apostoli homines simplices & illiterati rem rationi planè absconam & voluntati humanæ adversam, tot obnoxiam periculis, delationibus, calumniis, tot tantisque nationibus & in his hominum etiam sapientissimis potuerint persuadere. Vid. *Morn. de verit. Relig. p. m. 561. & p. 519. seqq. Grot. itid. de re eadem. p. m. 123. seqq.*

§. 2. Quod telum si è manibus nostris nobis torserint Muhammedani, & idem de sua quoque religione adstruxerint, prout faciunt apud *autorem quendam Septem- Castrensem, cap. IX.* & passim apud alios alibi, turpiter causam nostram adversariis prodimus, & hujus argumenti vis planè evanescit. Et si verò nonnullas veteratoris hujus, Muhammedis, artes in obtrudendo hominibus impio hoc dogmate in superiore capite tetigimus, juvat tamen & ad scrupulum hunc ex animis nostris eximendum, bolumq; è faucibus adversariorum eripiendum, adhuc penitus introspicere, quæ sint causæ, quæ rationes, quæ media & crediti hujus mysterii iniquitatis, & tam diu tamque latè per orbem florentis.

§. Vel

§. 3. Verè Apostolus, II. Thes. II, 9. in sede hujus doctrinæ de Anti-Christo, ait: & ὅτι παροΐα κατ' ἐνέργειαν τῆς Σατανᾶ, ἐν πάσῃ δυνάμει καὶ σημείοις καὶ τέρασι ψεύδους, καὶ ἐν πάσῃ ἀπειθῇ τῆς ἀδικίας ἐν τοῖς ἀπολλυμένοις, ejus adventus est ex illa vi (ut vertit Beza) efficaci Satana, cum omni potentia, & signis & prodigiis mendacibus, & cum omni seductione injustitie in iis, qui pereunt. Sequamur itaque S. Apostoli ductum & videamus de singulis.

§. 4. Primò itaque nullum dubium est, quin Satanas singularem hic navaverit operam, adeoque Muhammedis παροΐα sit κατ' ἐνέργειαν τῆς σατανᾶ. Est enim ille πνεῦμα δουλοῦ καὶ τοῦ υἱοῦ τῆς ἀπειθείας, potenter operans in filiis incredulitatis, Eph. II, 2. & nonnunquam μεταχρηματίζοντα ἑαυτοὺς ἐν ἑσθλῶν ἑσθλῶν, transfigurans se in angelum lucis, II. Cor. XI, 14. & σπειράν τινα ἀνὰ μέσον τῶν σιτῶν, Zizaniam in medio tritici seminans, Matth. XIII, 25. conf. I. Tim. IV, 2. II. Cor. IV, 4. Sane Muhammedes à quibusdam ob magiam malè audiebat, ut ipse fateatur Surat. LXX his verbis: Post Mosen ἦν ἁπλοῦς Χριστὸς, filius Mariæ, dicens: fili Israel, ego ad vos missus DEI nuncius, affirmo per testamentum meum, quod in manibus habeo, (non coherent hæc Muhammed! nondum enim, Christo sc. in Judæa prædicante, Novi Test. libri conscripti erant, qui ergo potuit illos in manu habere?) quòd post me venturus sit nuncius, cui nomen Muhammed, quem dicent (sc. hostes ejus) magum esse. Et Chadigam heram in sui amorem incantamento eundem allexisse, fide graves produnt auctores.

§. 5. Pergit noster Apostolus: ἐν πάσῃ δυνάμει. Videamus itaque, numne & Muhammedes contra DEI morem vim hic adhibuerit. DEUS certè vim externam in vocatione ad Ecclesiam suam non adhibet. Totam quidem diem יְהוָה יָדוּ extendit manum suam, sed אין מקטוב ne-

attendit. Proverb. I. 24. καλῶς invitatur, non cogit, τὸς κεκλη-
 μένος. Matth. XXII, 3. Similiter & Apostoli, αὐτὸν ἡμεῖς
 προσβέοντες Christi, Filii ejus, nomine legat onem obeuntes,
 λέοντα ἡμεῖς ἡμεῖς, ejusdem nomine O R A N T; κατα-
 λάγητε τῷ θεῷ conciliamini DEO, II. Cor. V, 20. adhorta-
 mur, sed ἐν πάσῃ μακροθυμίᾳ καὶ δι' ἀγάπην, in omni LENITATE
 & doctrina, II. Tim. IV, 2. τῇ πίστεως καὶ κυριαρχίας, fidei non
 DOMINANTUR, II. Corinth. I, 24. ὅπως πόντες
 μὴ ἀναγγελοῦμεν, ἀλλ' ἐκστόως, μὴ ὡς καὶ κυριεύοντες τῶν κληρῶν.
 I. Pet. V, 2. 3. Hic v. Propheta ostendit vel hac ipsa re, a
 quo missus sit.

§. 6. Vocavit enim, vocantque etiam nunc ejus secta-
 tores, suos auditores i. Bello, captivitate, mulctis, carceribus,
 &c. Quamvis enim Surata XIV. XVII. XX. alienus
 ab hac crudelitate appareat, dicens: contradicentibus di-
 cito, ut sibi sua sint negotia, tibi tua, ipsique à tuis factis, &
 tu à suis factis liber: item qui Christianum opprimit, adver-
 sarium eum habebit in die Judicii: Unde & benignitas ejus ad-
 versus Christianos benignitas, apud Elmam hist. Sarac.
 lib. I. Alibi tamen & quasi sui oblitus aliud statuit, ut Surat.
 XIX. converti nolentes, ubicunque repertos, mensibus Haran
 praectis, sumite & interficite, omnibus viis insidiantes illis.
 Conf. Surat. XVIII. Surat. X. & passim alibi. Cujus etiam
 crudelitatis exemplum in ipso avunculo suo statuere vo-
 luit, nisi paruisset. vid. cap. X. Confut. Legis Saracenicae Fr.
 Richardi.

§. 7. II Precio, qui sibi quosdam mercatus est, quos
 Mammelucos vocant, à ἑλῶν acquirit. De eare Septem-
 Castrensis c. VI. In omnibus, ait, civitatibus, sicut ad cetera mer-
 cationia, sic etiam ad homines emendos & vendendos habetur so-
 rum proprium, & loca ad hoc legitime deputata. Ad hunc locum &
 forum,

forum, pauperes captivi & funibus ligati, quasi oves ad occisionem ducuntur. Et capite antecedente: Nullo modo occidere volunt homines, nisi extrema necessitate compellantur, scilicet, quando se defendunt aut fugiunt: sed omnino conantur, ut vivos capiant. Sic de una homine duplex rapina perficitur. Turcus enim intendit pro corpore (fortitan, per corpora) suæ cupiditati satisfacere: Diabolus autem fidem auferendo, animam secum in gehennam miserabiliter perducere.

§. 8. III. Paupertate, de qua idem Septem - Castrensis cap. IIX. hunc in modum: Ad plagam aquilonis quatuor vel quinque magna regna sunt sita, quorum terras licet Turcus ipsis devictis longo ante tempore possederit, tamen eas propter amplitudinem & latitudinem nequaquam cum Turcis adhuc implere potuit. Quorum hæc sunt nomina: Bosna, Arnant, Laz, Slavonia, Albonia. Unde usque hodie gentes illæ terram suam sub dominio ipsius Turci inhabitant, sed propter tributa annualia & onera gravia & multas incommoditates, quas patiuntur, ita depauperati sunt, quod se vix nutrire possunt. Unde fit, ut egestate compulsi, annuatim tempore laboris veniant, & per civitates Turcorum dispergantur, ut inopia suæ, more mercenariorum, aliquatenus valeant cum sudore laboris sublevamen invenire. Et paulo ante: hi tanquam arida ligna huic insatiabili incendio, sine contradictione seipsos exponere non desistunt.

§. 9. IV. Tributo idque (1) à subditis, per decimas. Audiamus rursus eundem Septem - Castrensi. c. cod. Preterea Turcus magnus ex omni præda & rapina captivorum decimas suas habet, & cum senserit copiam esse illorum, præcipit ut omnes juvenes à XX. annis & infra, pro parte decimæ, quæ ad eum spectat, sibi offerantur. (2.) à Vassallis, ut ita dicam. Pergit idem Castrensis: per omnem terram sui domini adhuc multi sunt de Grecis antiquis & aliis nationibus, qui castella & oppida plu-

C

rma

rima inhabitant, & ab omnibus statutis & oneribus aliorum hominum liberi & exempti, ipsius regis seruitutis intendunt, & ad ejus curiam pertinent. Horum filios à XX. annis & infra ætatis, misis nunciis de quinquennio ad quinquennium sibi adducere precipit, & jubet, ut distributi per curias magnatum suorum, in MORIBUS & RITIBUS & in armis erudiantur & exercentur etc. tales eorum lingua Gungischeri (puto Janizari) vocantur.

§. 10. V. Iniqua decensione Imprudentium liberorum Christianorum, qui refractarii & immorigeri, detrectantes parentum suorum jussa ad Turcas in suam presentissimam perniciem confugiunt. De his loquitur Lud. Virres de conditione vitæ Christian. sub Turca h. m.: Non audent Græci filios suos objurgare, reprehendere, castigare flagitia, formare ad virtutem & studium honesti, virga & flagris dum res poscit ad monere disciplina, ne illi irritati, ad Turcas se conferant. Et hoc filii audent parentibus minari: à quibus Turcis si quis sit semel receptus, nullâ vi, nulla ope, nulla arte potest unde venerat redire. Quo quid iniquius? quid injustius?

§. 11. Vaticinatur Apostolus Anti. Christum venturum esse & omnes signis & prodigiis: verum bene addit, *sed falsis*, i. e. falsis, modo loquendi Hebræis usitato. Quamvis verò Muhammedes de se ex miraculis judicium fieri nolit, ut e gr. Surat XV. Petentibus, ut eis virtutes miraculaque DEI facias, dic, DEUM omnipotentem illa facere: sibi que eam vim miracula faciendi ideo denegatam affirmet, quia homines prioribus miraculis à Christo & sanctis DEI hominibus editis fidem non habuerint, Surat XVI. his verbis: sed scio, nil nisi Angelorum, seu DEI adventum, & miraculorum effectum expectatis? Sed vobis nil fides proficiet, quando venerint, quia PRIUS

2011

non credidistis : Affec̃ta tamē ejus de miraculis à Pseudo-
Propheta perpetratis, immane quā nonnunquam glo-
riantur ! Videamus itaque, quānam illa sint, & quid de
iis sit sentiendum.

§. 12. Enumerantur illa varia: attamen decem com-
primis miracula ei adscribuntur, quæ D. Hornbeckius in
Summā Controv. p. 125 seq. hoc recenset ordine.
I. Quod sine dolore prodierit ex alvo matris, circumci-
sus & hilaris. Vid cap. 1. §. 3. supra. II. Quod idola ipso
in auras edito, passim prostrata sint, uti & luperius me-
minimus. III. Quod Lucifer arreptus ab Angelis, tunc
immer sus sit in profundum mare. Nugæ ! nisi forsā tum
impletum est, quod habetur Apoc. XII. 12. *vā incolis ter-
re & maris, nam & τῶν descendit Diabolus ad eos, excande-
scētia magnæ plenus, ut qui sciat se exiguum tempus habere.* IV.
Quod venti, aves & nubes de ejus educatione decertarint.
V. Quod Asia voce humanā eum vocarit *حاج*
(النبوة) sigillum Prophetiæ Dignum sanē Prophe-
tā rubicinem ! VI. Quod nubes atra semper, etiam cœlo
sereno, ejus capiti incubuerit. At ! is color apud eos (Tur-
cas) vilis infestusque habetur, teste Busbequio in It. in. Con-
stantinop. Etenim apparere Constantinopoli aliquem in veste nigra,
sedi scēvique omnis est, uti mox Busbequius; adeo ut aliquando
Bassæ nos eum veste nigra ad se accedere & mirarentur & seriò con-
quererentur. nec quinquam ibi cum nigro vestitu in publicum nisi
Æ R U M N O S U S prodit; quemque vel insignis paupertas,
vel gravis alioqui CALAMITAS prenat. Hæc ille. Cur ergo
Prophetam hunc in atra nube venientem, velut fædi
scēvique ominis, non abominati sunt ? Christum sanē,
ut & sanctos, *νεφέλην ποταμὸν ἐπεσθίζουσαν*, nubes lucida ob-
umbravit, Matth. XVII. 6. VII. Quod Lunam bipertitò
divisam conjunxerit & compegerit. Riliū teneatis -
C 2 mic!

ex omni populo, qui sub cælo sunt, Act. II. 5. 6. & ἕξιν ἑκατὶ πέν-
τες καὶ ἑξήκοντα obstupescabant (non mendacii arguebant,
sicuti apud Cantacuz. Mahometis auditores) idque OMNES
& mirabantur v. 7. & baptizati sunt tria millia. v. 41.

§. 14. (2.) *Ratione Objecti & Formæ.* Christus in ma-
gnis rebus exercuit vim suam, e. g. in mari sedando, Matth.
VIII. 26. In mortuis excitandis, Matth. IX, 25, &c. in dia-
bolis expellendis, Matth. IX, 33. &c. Aquam in vinum
mutando, Joh. II, 9. Quæ omnia humanas vires longè
exuperant, & majestatis plena sunt. Sed ubi tale quid in
Muhammede? quis enim splendor, arbores e. g. fuisse e-
radicatas & rursus consolidatas? bestias de ejus educa-
tione certasse? arbores ab eo evocatas, in campo alvum
exoneranti umbram præbuisse? aliaque quæ passim ab ejus
admiratoribus nugivendulis exponuntur, & hic referre
pudet.

§. 15. (3.) *Ratione finis & fructus.* Christus & San-
cti DEI homines nihil aliud intenderunt per sua miracu-
la, quàm ut procurarent miseris nobis mortalibus salu-
tem tam temporalem, Vid. Matth. IV, 24. c. VIII, 3. 13.
15. 16. c. IX, 7. XV, 37. Act. III, 7. &c. quàm æter-
nam. Matth. IX, 8. Joh. XI, 45. Marc. XVI, 20. Act.
IX, 42. At in hujus Anti-Christi miraculis quæ utilitas?
cui enim bono est, quòd lunam mortui vicinam, prodigium
ostensurus, jusserit in duas partes findi, adeo ut frustum
in montem Helicain, Meccæ ab uno latere imminentem,
alterum verò in Erythron, montem itidem, sed ab alia
parte, eidem urbi propinquum inciderit; & sic disse-
ctam inque tunicam suam collectam integram eandem
restituerit? ut habet Cantacuz. Orat. II. Sic ad quid pro-
fuit, quòd ficus se ante ipsum incurvaret? ita & de aliis:
quibus recensendis, non est, quòd tempus & operam

dum & ingratum est. Sed Mahometes gratiorem ex
carnis sensu deprompsit philosophiam! pollicetur in suo
paradiso lecta auro argentoque fulgentia, valles amœnas,
fluente limpidissima, uxores pulcherrimas, ciborum po-
tuumque genera exquisitissima, aliasque res quæ vel
solo nomine hominum animis ablandiuntur, eosque
attrahunt. Quibus gens operum rurarum labore penu-
riaque rerum omnium confecta cum audivisset sese ali-
quando circumfluturam, nec dum osum ad hanc felicita-
tem iter ducere indulgerique sibi interea libidines, cædes,
perjuria, aliasque cupiditates, in quas sua sponte & alias
(vulgus præsertim) ruit, facile huic doctori assensum præ-
buit, eoque stipendio nomen dedit. Moventi etiam in
Persas plures hortorum in Persia quam in Paradiso po-
tendorum spes associavit, prout memorat autor de Hæresi
Heraclii, & prime, ac lege Nuchum.

§. 18. II. *Summam Sanctimonie inæxiosa in vita.* Sunt
enim Muhammedani, ut ait Cl. meus Præceptor Ravinus in
dicta Panegyri, per se vitæ continentiore, quam virtutem partim
religioni suæ, partim aeris salubritati, aut sterilitati quorundam
locorum debent, quam NOS CHRISTIANI, qui nominis hujus
velut aliqua libertate, abusuque autem majore fere licentia, sic vi-
vimus. Cum quo consonat Septem-Castrensis cap. IX.
Omniem levitatem, in quibuscunque actibus eorum & gestis, vesti-
tu & apparatu, detestantur sicut ignem, & abominantur sicut pe-
stem. Videntes enim levitatem CHRISTIANORUM in ve-
stitu & equitatu, & aliis quibuscunque derident, & eos capras &
simias vocant. Qui deinceps per aliquot paginas, quàm sint
simplices in cultu, devoti in templo, parcæ in ædificando, mulieris a-
pud eos honestæ, &c. exponit. Et hæc res non paucos sedu-
cit, qui Christianorum licentiâ in peccatis proli dolori
offensi, Muhammedanis se se adjungunt.

§. 19. Quæ

§. 19. Quæ tamen eorum integritas, si penitus tam
quoad præcepta, quam exempla introspectatur, manife-
stum evadet, non omne esse aurum, quod fulget. Nam e-
gr. jejunium præcipit impostor, idque sub necessitate
obtinendæ salutis, sed quæso quale? Prodit se magister
nequitiarum Surata Vacca hoc modo vobis nocte jejunii ac-
cedere ad uxores vestras licet: ipsæ sint indumentum vobis, &c.
noluit Deus, quod vos fraudetis vosmet ipsos, & clementer agit
vobiscum, & parcat vobis. Igitur commisceamini cum illis, & inqui-
rite quod præscripsit vobis DEUS & COMEDITE &
BIBITE usque dum distinguere possitis filum album à filo nigro
ex illucescente aurora. DEINDE complete jejunium usque ad
noctem, & ne commisceamini cum iis, sed persistite in templis.
HÆC sunt PRÆSCRIPTA DEI (An forsan ex I.
Cor. VII, 5. Joel. II, 16?) &c. At, quale præceptum, ta-
le quoque dubio procul est ibi exemplum. Prohibet per-
jurium: sed commissum, potest decem pauperum sustenta-
tione expiari, Surat. XIII. Quid ergo mirum, si liberè
ibi perjuriis ludant divites.

§. 20. Sic vinum prohibet Surata IIX. XIII. &c. At
verò sectatores ejus præceptum hoc quomodo itidem
exequantur, operæ pretium est audire Busbequium in
itinere Constantinopolitano p. m. 19. Erant Budæ fre-
quentes mecum in cana Turcæ vini dulcedine illecti, cejus, quo
minorem habent copiam, eò sunt AVIDIORES; eòque largius
se INGURGITANT, ubi semel contigerit habere. In mul-
tam noctem fiebant invitationes. Post, ubi me ludi tadebat,
surgebam à mensa, meque in cubiculum recipiebam: illi, quod
vino nondum obruti IRE etiam poterant, tristes abibant, sed
mox puer aderat, qui nomine ipsorum rogaret, ut iis vini co-
piam facerem. Scyphosque argenteos commodarem: velle, si per-
mittam, in aliquo angulo noctem potando extrahere. Ego
quan-

quantum vellent vini, itemque vasa, quæ petebant, subebam præberi. Illi ante finem non faciebant, quam mero sopiti humi sternerentur. Sic & Curios simulant, & Bacchanalia vivunt. Et mox addit: non minores penas post hanc vitam sibi paratas arbitrantur, si vini minimum biberint, quam si plurimum. Itaque ubi semel vinum gustaverunt, potare pergunt. quod veluti penam commissa peccent impune; ebrietatemque in lucro ponant. Et non tempero mihi, quin adscribam quæ sequuntur: vidi senem quendam Constantinopoli, qui cum calicem sumisset in manum, ut biberet, magis prius clamores edebat. rogati à nobis amici, cur ita faceret, respondebant: eum his clamoribus commonitam velle animam, ut se reciperet in aliquem corporis angulum aut prorsus emigraret; ne rea fieret ejus delicti, quod ipse erat admissurus, nea vino, quod infusus erat, pollueretur. Atque hæc illorum est sanctimonia.

§. 21. III. Insignem nonnunquam erga Christianos humanitatem. Loquitur de hac Cl. Ravius in panegyri citata hanc in modum: Græcos non amplius, sicuti olim, coarctant, aut angustius vexant, qui eadem libertate, qua olim, utuntur, Græcificant, hoc est, potant & pascunt. Computationes frequenter instituunt, tripudiant, saltant, cantantque in gyrum saltantes, flexis inter se brachiis, decem vel viginti homines, Galatæ præcipue: & in medium, aut etiam sepulchro adhibent, quibus amabiles sine discrimine miscunt se Turcæ. Imò, vulgò Constantinopoli Græci eadem, sæpè majore, utuntur libertate, quam Turcæ, &c. Quam verò facile unà cum Vino etiam religio imbibatur, suâ luce radiat, & ex interdicto DEI de vitandis alienæ religionis hominibus metacente patet. vid. Deut. VII, 3, II, Cor. VI, 14. II. Joh. v. 10. II. Reg. VIII, 18. I. Reg. XI, 4. 5. 6. Num. XXV, 1. 2. 3. seqq. Tit. III, 10.

§. 22. Nec minori pietate suos in falsa religione Muhammedes retinet. Idque I. Educatione. Cum enim, ut ait

D

Lud.

Lud. Vives lib. cit. *Studia humanitatis*, id est, *Philosophia*, & reliquæ ingeniorum & ingenue artes, ut honore velut gratissimo quodam & saluberrimo favonio exhilaratæ flores & fructus fundunt, ita contemptu aut etiam neglectu flaccescunt, & emarcidæ collabuntur: Et Turca, ut mox subjungit, quam alienus sit ab omni cultu animi, Scythæ sanguinarius, quis vel fando non audit? manifestum est, eum suorum ruditate veluti glaucomate uti, ne religionis suæ falsitas prodatur. In his a. ut ait Septem-Castrensis c. XXI. quæ ad salutem pertinent, & ad res spirituales cognoscendas, tam stolidi tamque inepti sunt, ut videantur ad modum bestiarum ratione carere, & quasi saxa indurati nihil spiritualis intelligentiæ posse capere. Et paulò post: si diceretur alicui quare non bibis vinum? quare non comedis carnes porcinas? & sic de aliis; penitus obmutesceret, aut aliquid mendaciæ vel fictionis responderet, vel ut in capitulo nono (lege, decimo) dictum est, immundiciem causaret, hoc est, ut ibi explicat, quia hominem immundum reddit caro porcina. Bona ratio! incertum per æque incertum probatur.

§. 23. II. *Interdicta disputandi de fide veroque inquirendo libertate*. Si qui sunt, quibus magis æquus faverat Jupiter, ut crassos illos ignorantia fines transilierint (neque enim omnes tam stupida ignorantia fratres esse, ex Cl. Ravio disco in ead. orat. dum ait: *studis quoque, pro suo modulo tribuunt, qui Medicinæ, Astrologiæ, Astronomiæ, Geographiæ, Mathematicæ non vulgariter student*) iis, atque in universum omnibus, alium de fide seu religione impositum est silentium, per Suratam XXXII. his verbis: *Tecum disputare volentibus dic, DEUM solum omnes actus tuos cognoscere, qui die postremo lites omnes & contrarietates discutiet*. Conf. Surat. XV. XVII. XX. CXIX. &c. Huc pertinet quoque interdictum I de non introducenda in regnum *Typographia*. II. de non exportando *Alcorano* aliisque libris, in quibus impia illorum religio con-

uncitur

cinetur. Merito vero suspecta est merx, quæ hac lege obtruditur, ne
inspici possit, ut bene ait Hugo Grotius de Veritate Relig. Chri-
stiane l. 6. p. m. 324. l.

§. 24. Tandem, si quis & hos carceres egredi tentarit,
habet Sultanus suos emissarios & inquisitores. Qui (1) accusatos
de ommissione, ut verbis Septem-Castrensis denuo utar, oratio-
nem, multis afficiunt contumeliis. circumducunt enim eos, tabulam
cum caudis vulpini collo appendentes, & non sine taxa pecunie di-
mittunt, maxime si hanc negligentiam in quadragesima eorum ad-
miserunt. (2) Duriter excipiunt, si quos viderint sollicitare
Muslemannum (uti loquitur) ad fidem Christianam. re-
statutur hoc Hornbeck in summa contr. v. p. m. 205.

§. 25. Hisce omnibus rite pensculatis, non mirum est,
hanc impietatem, DEO justo iudice ob peccata il-
lorum, qui Christiani audire gestiunt, eam permittente,
hodie longe lateque dominari, soleque meridiano clarius
est, nihil planè divini in illa mysterii hujus aditias propa-
gatione inesse: contra Christus quòd in mundo sit creditus,
μυστηριον esse σύλογισάμενος μέγα, & omnium hominum
machinationes longè transcendens. Conf. capita I. & II.
Epist. I. ad Corinthios, Mornzum de veritate relig. l. c.

PARS SECUNDA.

CAP. I.

De principio utriusque religionis,

Christianorum sc. & Turcarum, cognoscendi.

Cum hic de religione instituatur tractatio, quæ, secundum
Ciceronem, superioris cujusdam naturæ, quam divi-
nam vocant, curam ceremoniamque adfert; non immerito
D 2 statim

statim queritur de ejus principio, unde utraque sit dijudicanda. Convenit itaque utrinque, ad salutarem numinis divini cognitionem requiri peculiarem hominibus factam revelationem, hominemque non posse ex natura, DEI essentiam & voluntatem salvificè cognoscere, cum, ut ipse fatetur Muham. Surata XXVII. *nemo sciat, neque in calo, neq. in terra; mysteria abscondita, nisi DEUS.* Hanc v. veram DEI revelationem contineri nos dicimus in libris, quos habemus, *Propheticis & Apostolicis*, conscriptis olim ab hominibus ὑπὸ πνεύματι & λόγῳ Θεοῦ 2. Pet. 1. 21. Nec hoc abnuunt Saraceni: ajunt enim, sese credere Evangelio & V. Test., verum & nos & Judæos non habere libros incorruptos, sicuti prodit de illis Clenardus ad Latomum. Pressi itaque aliquo dicto S.S. Scripturæ, mox confugiant ad illud suum ἁγιοφύκτον, Prophetas vel Apostolos olim non ita scripsisse, sed esse ita sacrilegio quodam vel Judæorum vel Christianorum posterioribus temporibus SS. Scripturæ infartum. Oritur itaque

CONTROVERSIA PRIMA,

An Scriptura Sacra, quam nos habemus, ita sit depravata, in-versa, mutilata, &c. ut verum ab adulterino dignosci nequeat?

§. 1. Ita quidem ait Muhammedes, quippe cujus hæc sunt, Surata II. *Illæ gens (Judæorum) verbum DEI mutavit, nec ex eo quid operari voluit.* Similiter Musulmanus Sampsa-tes Isphachanes Persa ad Monachum Meletium. *Ipsius Muhammedis nomen & in V. T. & in Evangelio, etiam Christo hoc commendante, descriptum erat: Christiani verò illud ejecerunt.* Alludit hic ad Suratæ LXXI. locum, quem superius adduximus part. 1. c. 2. §. 4. *Post Moysen venit Christus Mariæ filius, dicens: fili Israel, ego vobis à Deo missus, &c. post me veniet nuncius, cui*
nomen

nomen Muhammed, &c. idque ex Joh. XIV. expunctum mentitur, itemque ex Deut. XII. de quibus postea videbimus.

§. 2. Quod autem ejusmodi corruptio & falsatio facta non sit, probamus I. *In genere*, ex omnibus iis argumentis, quæ pro integritate S. S. à nostris Theologis magno numero adducuntur Vid B. D. Gerhardus in Exeg. LL. Th. L. de Sc. S. §. 113 seqq it. Cōfets. Cath. l. 2. spec. part. 1. art. 1. C. 2. §. 2. B. D. Glasius Philol. Sacræ lib. 1. II. *In specie* autem *et* *adversariis* (1) ex defectu certæ probationis, ab Adversariis adductæ, ut mox videbimus. (2) ab impossibilitate hujus depravationis, idque a. ratione causarum efficientium. Aut enim à Christianis & Judæis facta est: idque ab iis vel conjunctim vel separatim, prius esse non potest, nam hæ duæ partes nunquā conspirarunt: nec posterius, ob eandem rationem: alter enim alterius sacrilegiū statim prodidisset. β. *ratione objecti*. Biblia erant per totum orbem dispersa, in varias linguas translata: quomodo verò in omnibus exemplaribus dolus ille fieri posset, ut non collatis deprehenderetur. γ. *Ratione temporis et finis*. Aut enim ante Muhammedem corruperunt libros sacros, aut post eum. hoc dici nequit, extant enim antiquissima exemplaria tum Græca, tum Syriaca jam ante Muhammedis tempora scripta, quæ dd. l. nullam Muhammedis faciunt mentionem. Nec illud, fecissent enim hoc propter vaticinium aliquod de illo. Quæro itaque: quale vaticinium Christus de Muhammede ediderit, an ut de homine *bano*? an ut de *malo*? posterius Muhammedani, sat scio, non admittent: adversatur enim illorum causa, & si ita fuisset, Muhammedes minimè ad illud provocasset, nisi se suo indicio, ut forex, proditū voluisset. Imò, Christiani vel tum maximè ejus nomen reliquissent intactum, quò facilius illum hominem dignoscere possent, jam advenientem, adeoque sibi facilius ab eo cavere, ut-

pote, qui fœnum in cornu haberet. Si prius: ne quidem
 Christiani hoc bonum expungere voluissent, ἀρῶντες γὰρ
 ἀγαθὸν τὸ ἐγγόναι, ut ait Philothophorum Princeps.
 Nec dicere quis potest, ex mera malitia & invidia contra
 Muhammedem hoc Christianos commisisse. Nam tunc
 aliquid, quod in ignominiam Muhammedis peculiariter
 cessisset, rursus intulissent, ut *Pseudo-Propheta, seductor, &c.*
 Sed ubinam in illis libris, quos habemus, tale quid reperit-
 ur? (3) Ex testimonio ipsius Alcorani, quod admittere omni-
 nò debent. Surar. Jona: Si oboritur tibi suspicio de his, quæ in hoc
 Alcorano, misimus ad te, consule, eos qui legerunt *SCRIPTU-
 RAS* ante te. Quod non potest de aliis intelligi, quàm de
 Judeis & Christianis. At! si nostri libri sunt corrupti, quo-
 modo infallibilis, ut volunt, illorum Propheta potuit au-
 ditores suos ad falsata & fallentia testimonia remittere,
 vel decuit?

§. 5. Objicit (1) Joh. XIV. ubi post hæc verba: *Ego
 rogabo Patrem, & alium Paracletum dabit vobis, &c.* no-
 men Muhammedis deletum. sed ait hoc: non probat. Con-
 trarium nos in thesæos nostræ probatione adstruximus.
 Eadem ergò facilitate rejicitur, qua adfertur. (2) Deut.
 XVIII, 15. Resp. 1. illum locum de Christo agere, ceu pa-
 tet ex Actor. III, 22. c. VII, 37. Joh. I, 45. Et ne dicat,
 N. T. in illis locis esse corruptum, reponimus 2. h. l. ma-
 ximè Muhammedi adversari, nam α. Muhammedes non
 est משיח כמך *Propheta sicut Moses*. Contraria enim
 Mosi ille docet, ut infra patebit, nec in miraculis venit, ut
 alter, de qua re suprà adeoque β. non sunt רברי בינו *verba
 Domini in ore ejus*. γ. Non est מאריך de progenie Israelis, sed
 ישמאך *Ismaelis*. (3) Locorum variorum discrepantiam,
 ut quòd genealogia Christi aliter texatur à Matt. c. I. quàm
 à Luca c. III. vocatio Apostolorū Petri & Andree aliter nar-
 retur

retur à Johanne c. I. quàm à Matthæo c. IV. &c. 1. Non
veras, sed apparentes has esse contradictiones, in ipso con-
fictu, data occasione ostendemus, 2. Regerendo, plures esse
in ipso Alcorano dissentiones, ut post videbimus.

CONTROVERSIA II.

An Muhammed fuerit verus DEI Propheta, Christoque major?

§. I.

Affirmat hoc de se Pseudo-Propheta variis locis Alco-
rani. vocat enim se passim أنا رسول الله Apostolum
DEI, item Prophetam, Magnum scil. illum Deut. XII. X.
Unde & in circumcissione, quam in octavum, vel quod
excurrit, annum rejiciunt, hanc confessionem Islamismi
edunt: أنا الله واحد أنا رسول الله أنا نبي الله
non est Deus, nisi Deus unus: Muhammed autē Propheta, nuncius, vel
Apostolus ejus. In extremo quoque judicio plus suam quàm
Christi intercessionem valituram fabulatur. Vid. Fabulo-
sissimum colloquium ejus cum Abdia Judeo: Sic Surar. XXXIII.
vocat se أنا نبي الله أنا رسول الله sigillum Prophetarum.

§. 2. Nos hoc negamus ex Lucæ XVI, 16. *Lex & Pro-
phetæ usque ad Johannem, &c. tunc deinceps regnum Dei evan-
gelizatur.* Nullum v. certius testimonium
Prophetæ habere possumus, quàm I. à doctrina. Unus idem-
que Deus, &, qui se se cæteris Prophetis & Muhammedi
revelavit, teste ipso Muhammede. Surar. de mulieribus. *E-
quidem nos inspiravimus tibi, sicuti inspiravimus Nohe, & Pro-
phetis post eum, & apparuimus Abrahamo, & Ismaeli, & Isaaco
& Jacobo, & tribubus, & Josue, & Job, & Jone, & Aaroni, & Sa-
lomon, & dedimus Davidi Psalmos.* &c. Ergo non potest de
una eademque re diversa dicere. At Muhammedes con-
trariatur cæteris, e. g. in manifestissimis. Mariam JESU
matrem, dicit Aaronis sororem esse, Surar. XIX. Moser
in

in illius Pharaonis domo educatum, coram quo miracula
 ediderit, Sur. XXXVI. quod tamen falsum est, ceuli-
 quet ex Exod. II, 23. libidines, homicidia admittit, &c.
 quæ tamen DEUS prohibet. Quæ deinde sint contradi-
 ctiones non solum cum libris sacris, sed & Alcorani cum
 seipso, neminem fugere potest, qui vel primis labris, ut a-
 junt, eum delibavit. II. *In vita.* Prophetarum vita fuit (1)
Sancta & quantum in hac mortalitate fieri potest, inculpa-
 ta. De Christo fatetur ipse Muhammedes passim eum fuisse
*omnibus mulieribus & viris splendidiorem, mundiorem & jucundio-
 rem, summi nuncii gaudium &c. virum sapientem, optimum,
 ab universalitatis creatore missum.* Muhammedes verò
 fuit Veneris cultor. vid. *ἄνωψ & Christiani Dissut. de Princi-
 patu & lege Mahomet. p. m. 14.* mercatoribus ac viatoribus
 insidiatus est, latrocinis & homicidiis vacavit, aliorum
 camelos abstulit, pupillorum cujusdam carpentarii do-
 mum per vim occupatam *ⲁⲓⲁⲓⲱⲓ* seu templum fecit.
p. 3. Judæum quendam senem dormientem obtruncavit,
 impudiciæ & libidinis mancipium. *p. 4.* Et quis potest
 omnia ejus flagitia enumerare? (2) *Prospera*, quantum ad
 mirabilē ē præsentiis vitæ periculis creptionē. Sic Deus
 Daniel. ex ore leonū liberavit, Dan. VI. Moysen à Pharaone
 Exod. XIV. Eliam ab Achabo, I. R. xvii. xviii. xix. At Mu-
 hammedi in ipsa vocatione, cum armis propagare jussum
 se diceret religionem, de fuit successus; coactus est *fugere
 Medinam.* Elmanin. l. I. in maxilla vulneratus est, duo dentes ei
 excussi. *ibid. praelio superatus est.* Vid. *Autor de Heres. Heraclii &
 princ. & lege Machumed. &c.* III. *à miraculis.* Prophetæ
 V. T. miraculis fuerunt illustres, sed Muhammedis si quæ
 jactitantur miracula, falsā esse diximus & e mentita. IV. *à
 prædictione futurorum.* Prophetæ à Deo missi, vera prædi-
 xerunt:

xerunt: Muhammedes mentitus est. tertiâ enim die post mortem se in cœlum assumptum iri prophetavit: sed ejus vaticinium cum factore & pudore in nihilum abiit. Vid. cit. *disput. Anonymi illius Christiani p. m. 6. V. à donis.* Quos Deus misit, variis simul donis instruxit, ut Apostolos scientiâ variarum linguarum, *Act. II, 4.* Moſen variis prodigiis, *Exod. IV. &c.* Elizaum itidem, *II. Reg. II, 9.* Davidem, *I. Sam. XVII, 34. 50.* Simſonem, *Jud. c. XIII. ad c. XVII.* At Muhammedes erat scribendi imperitus. *Surat. XVII* Imò ſolus linguæ Arabicæ vernaculæ suæ gnarus. Vid. *Cardinalis de Cusa lib. 1. Cribat. Alcorani c. 4. VI. à propria confessione.* Nam *Surat. LVI.* dicit, *ſe neſcire, utrum ipſe & ſui in via ſalutis ſint, nec ne?* contrâ Paulus, *Gal. 1, 8.*

§. 3. *Obijciunt* (1) victorias ejus & Muſulemanorum multitudinem. *Reſp.* 1. victoriam ſæpè dari à Deo non merito ejus, qui vincit, ſed qui vincuntur. *Num. XIV, 45. Joſ. VII, 4. 5. ſeqq.* 2. Mahomedes ipſe victus eſt. E. ejus doctrina non eſt vera. 3. Diabolus plures ſeduxit, quàm Muhammedes, Ergo & ille hœc verior Propheta? 4. Non ſpiritu oris DEI, ſed ore gladii & fraudibus aucta Muſulemanorum ſecta eſt. Apponam & (2) objectionem, non tam ob ſui difficultatē, quàm objectantiū in mentiando impudentiâ. Dicunt Muhammedis nomen etiam ab æterno in dextra divini throni parte ſcriptum, hoc modo: &J) JJ &JJ) J &J) w. r. J. e. d. w. non eſt Deus niſi Deus ſcil. unus, ut alibi additur,) & Muhammed Apoſtolus ejus. *Reſp.* purum patū hoc mendacium evertit ſe 1. ſua ipſius abſurditate. nam 1. Deuſtalem materialem thronum ante conditum mundum non habuit. Quæro 2. quis illa ſcripſerit? Deus ne, an Angeli? Angeli ab æterno non fuerunt, ut ipſe fatetur, *Surat. XVII.* Si DEUS ſcripſit. quæro 3. quem ob finem? An
E ut

ut ipse iam præclari Prophetæ non obliuisceretur, qui
cuncta fecit & audit, Sar. VI. An quò *Angelis* scripto volunta-
tem suam ostenderet? At de hoc altum in Sc. S. silentium.
An verò Muhammedani tantâ oculorum acie valent, ut
hinc de terris juxta mentem Pseudo-Prophetæ possint il-
lam scripturam legere? 2. *propriis ipsorum hypothefibus*. Be-
nedituri enim Muhammedi dicunt, rogantque Deum,
ut benedicat *EI, SICUT* benedixerat Abraham & generationi
ejus. Ergone & Abrahami & ejus posteritatis nomina iti-
dem ibi scripta sunt? Non admittent, credo, nec nos
id de Muhammede credimus. Sed quis adeò patiens, ut ve-
lit in his nugis tempus terere, Loca *Job. 14. Deut. 18.* antea
vindicauius. Apud *Es. XXI, 7.* per *חמור רכב* non intelli-
gitur Christus, ut illi volunt, sed Cyrus, & per *גמל רכב*
Darius, non Muhammedis, nisi fortè concedere velint,
adventum Muhammedis fuisse *חזון* *ו. 1.* & *חזון קשה*
visionem gravem. *v. 2.* cujus gratiâ lumbi Prophetæ impleti
sint *חזון קשה*, ægritudine acerbissimâ, adeò, ut dolores
corripuerint eum, *כציר וולדיר*, ut dolores parturientis. *v. 3.*
נעויתו שבע ונכד לו זי מראור Et corruerim cum audirem, &
turbatus sum, cum viderem, prout de se fatetur *Esaias* ibidem.
Hocce Evangelium Muhammedis est? Istene latus nun-
cius, quem Moles & Jesus tot retrò seculis prædixerint
venturum? quique se ipsum Gaudii nuncium gloriatur.

CONTROVERSIA III.

*An Alcoranus sit liber *תענופות*, certa regula fidei & morum?*

ID quidem statim ab initio, Alcorani ponit Muhamme-
des: Ita enim Sur. II. *hic liber absque falsitatis vel erroris anne-*
xus veridicus & c. & paulò post: *Omnis Adversarius Gabrielis*
hunc

hunc librum tuo cordi per *CREATOREM INTIMAN-*
TIS, ipsumque divino praecepto tuis commissum manibus, cum
 viam rectam edocens spem bonam bonis polliceatur, confirmantis,
 omnesque similiter hostes Dei &c. flagitiosos cruciatibus affliget:
 Et hoc ipsum, vel simili ferè repetit singulis ferè paginis.
 Unde & tanta veneratio inter Muhammedanos hujus li-
 bri est (quemadmodum non solum *CL. Schickardus* in
 המורה נבוכים refert, sed & *Pl. Rever. & Amplissimus Dn.*
PRESES, in quodam exemplari Alcorani Arabici
 apud Hackspanium vidisse se mihi narravit) ut ejus invo-
 lucrò majusculis literis inferibi curent: *بسم الله الرحمن الرحيم*
الحمد لله رب العالمين ne tangat eum, nisi mundus. Non itaque eum ni-
 si benè loti, idque extremis saltem digitis attingunt. Insi-
 dere verò ei, ipsis immane est piaculum: Christianis verò
 & Judaïs etiam capitale, referente *Busbeq. in itin. Constan-*
tinopol. p. m. 45. Hinc & in ejus honorem quamlibet char-
 tam, temerè huius iacentem, tollunt, rimæque indunt, ne
 fortè illa ex Alcorano delapsa, nomen DEI vel Muham-
 medis contineat. hoc verò mirè ad salutem facere sibi ima-
 ginantur. Nam cum alia nulla iis via detur ad Paradisum,
 quam per ingentem ferream cratem, igne fervefactam &
 candentem, idque nudis pedibus, veluti gallo gallinaceo
 per prunas gradatim subsilienti: hæc (ajunt) charta, me-
 mor olim exhibiti honoris, ex improvise aderit, pedibus-
 que substernetur, vicemque relatúra pedes eorum ab ignis
 injuria muniét. memorat *idem l. c. 44.* Unde etiam famulis
 ipsius (Busbequii) vehementer irascebantur, cum viderent,
 illos ad sordidissima quæque ministeria, charis abuti. Por-
 rò quanto apud Muhammedanos in pretio lectio Alcorani
 sit, patet quoque ex Sur. LXXIV ubi hæc leguntur. *In Deum*
operum vestrorum cognitorem, atque Prophetam, & hunc (librum)

E 2

vobis

uobis diuinitus missum CREDITE. Unde & scribunt:
 من قرأ حرفا من كتاب الله وله
 عساه qui unicam tantum legit de libro DEI (Alcorano sc.)
 literam, MERETUR bonum retributionis. Ita etiam hic
 liber, ne inficius fies, etiam de opere operato iustificat.

§. 2. Nos contra hujus Alcorani *ἡερενενταυ* planè
 rejicimus, ejusque auctoritatem loco libri non solum non
 sacri, sed ne sapientis quidem dignamur, imò pro fanatico
 habemus. idque I. *ratione causa efficientis.* Compositus enim
 est à Muhammede, homine omnium bipedum scelestissimo,
 impurissimo, & Cumano asino rudiore, qui ipse, juxta
 propriam confessionem, nesciebat, an ille, & sui in via salutis
 essent, nec ne? Deinde, si vel maximè de Muhammede ipso
 concederetur, eum Prophetam fuisse à Deo missum, quid
 fiet de reliquis, qui post eum in Alcorano vel aliquid mu-
 tarunt, vel addiderunt, vel detraxerunt? An & illi pariter
ἡερενενταυ credendi? Negat certè id, si fortè dixerint, ipse
 eorum Prophetæ, urpote, qui nullum post se Prophetam ven-
 turum ait: quamvis in illo, ut in aliis ferè omnibus, fallatur
 & fallat homo mendax. Nam quidam, Solem nomine, post
 apud Babylonios Prophetæ surrexit; ipseque falsus ut ille,
 multique Saracenorum ei adhæserunt; sed meritas tandem
 Tartaris seductionis pœnas dedit, teste Fr. Richardo c. IX.
 Cæterum ipsum Alcoran quod concernit: varias miser su-
 biit mutationes, fereque mortuo Muhammed Muham-
 medis hic infelix fœtus immortalis fuisset, ni complures
 ei obstetricati fuissent. Et primò quidem locero ejus A-
 bubecro imperitante, cum alii legerent secundum Hali
 Prophetæ generum, alii secundum Arabem quendam, è
 deserto nuper proflientem, alii secundum Zabe-
 fatin & Arabin, alii secundum alios; omnes quæ quidem
 repe

reperiri poterant (quid? si non omnes tum reperta sunt?) hinc inde dispersæ partes in rotulis & membranis allatae sunt. Super his, veluti Eridos pomo, maximæ coortæ sunt acerbissimæq; contentiones, cum alii dicerent ad alterum *Ego melius quam tu habeo, sed tu deterius quam ego: & ego totum habeo, sed tu nihil*: ut refert eruditissimus ille anonymus Christianus de hæresi Heraclii, & principatu & lege Machumetis, pag. m. 10. Atque hæc est certitudo fidei Muhammedanæ! Deinde cum Osmani summam rerum ad se rapuisset, iterum tumultuatum est de vera hujus, si Diis placet! authentici libri lectione. Tyrannus itaque non sine causa subvertus, ne hoc religionis dissidium, in regionis quoque, ut asolet, excidium vergeret, omnia rursus volumina comporari iussit, Alcoranique integritatem, teste libro de generat. Muhammed, collegit. Nec verò tum etiam in iterata hac collectione omnes in libris tradendis Imperatori fuerunt dicto audientes. Hali certè Imperat. æmulus idemque Pseudo Prophetæ, ut diximus, gener, alique, Sultano per hoc insidias struere volentes, suos tradere noluerunt. Igitur quis nos certos reddet, num Zeidus filius Zabid Alenzari & Abdalla filius Alahebet, (qui Daumiviri tum constitucendi Alcorani ab Imperatore creabantur) magis immunitate errandi gavisii fuerint, quam Hali, qui sua exemplaria retinebat? quæ sanè exemplaria si non diversum quid continuissent ab iis, quæ habebat Imperator cum suis, utique Hali in publicum ea produxisset: & quid aliàs potuissent illa inservire homini res novas molienti? De Priorum, scilicet Zeidi & Abdalla, auctoritas quòd Musulmani non certi tum fuerint, satis superque testatur decretum mox subjunctum: *Si contigerit, vos in aliquo capite non posse concordare, scribite secundum exemplar & auctoritatem Chorais*. At pro Hali stant Persæ omnes, qui uno ore dicunt: *maledictus Abubecer,*

becer, Omar & Osman, Clementiâ verò utatur Deus, ergo HALI,
 inque EO sibi perplaceat. Et rursus quidam Peria: *عبد الله*
الدين Ali pro Deo non agnosco: sed nec procul eum à Deo esse scio. (De
 differentiâ autem Persarum & Turcarum præter hanc, vi-
 deri potest Hornbek in *summa contro.* p. 97.) & seqq. it.
 Hotting. in *Histor. Orient.* pag. 366. seqq. Sed nec dum quid in
 in Islamismo cessavit *הקדו כפרים*, id est, correctio Scri-
 barum; ut id verbi ex Judaismo, unde & illi dogmata sua,
 maximam partem, velana petierunt, tantisper mutentur.
 Nam & post, Elehagio sc. filio Vizes ad clavum Reipubli-
 cæ sedente, denuo eandem ob causam congesti sunt in-
 gentes Alcorani codicum acervi, ex quibus rursus multis
 detractis, multis immutatis, multis de novo insertis, novus
 tertium prodit Alcoranus; reliquis ad Vulcanum gymnasia-
 sium illud condignum Pseudo Prophetæ, relegatis. Quis
 verò adseverabit, quod nec ibi aliquod verbum Prophetæ
 deflagravit? Capitulum certè Bovis, (caput est in Alcora-
 no: Si non bovina ibi omnia!) olim prolixius fuisse capi-
 tulo Vacce, hodie contrà re sese habente, fatentur ipsi Mu-
 hammedani. Imò, seriò nonnulli inter eos conqueruntur,
 TOTAM Alcorani Scripturam adeò commixtam & confusam
 esse, ut quicquid ibi est, totum sine continuatione, sine compositione,
 absque omni verborum ordine, postremò absque ullo sensu vel ratio-
 ne videatur. Confer. cit. Christiani illius anonym. *Disput.* p. 9.
 & seqq. item: Fratrem Richard. cap. XIII. *Canacuz. Orat.* 1.
 Ne verò respondeant: Collectionem quidem Alcorani ab homi-
 nibus factam esse: Intimationem ejus in cor Muhammedis à DEO
 per Gabrielem Archangelum profectam: Videamus II. de materia
 seu sensu in hoc libro contento. Sur. LI. autor ipse pronunciat,
 unde de Alcorano fieri judicium debeat. *hic liber*, ait, à
 DEO pro sapienteque compositus, nec MENDACIUM aliquod
 præ-

præfens nec futurum indicat, nec à **PROPHETIS** præteritis
contraria nuntiât. Contrarium si de eo probaverimus, sequi-
tur, cum non esse à Deo pro, (ut ejus verbis utar) sapientieque com-
positum. Nam **DEUS** in Israele, uti & antea diximus, non
potest à se ipso de eadem re in mente & voluntate dissen-
tire, cum nec homines sapientes id faciant. **DEUS** verò est
سَمِيعٌ, **S**apient, cognoscens, Surar. VI. & alibi.
Quod et si cum mente & voluntate **DEI** alibi patefacta
non convenit, id non potest esse ab hoc uno eodemque
Deo profectum, sed oportet id esse à patre mendacii Diabolo, in
quonon est ad hæc veritas, quique quando loquitur, mendacium
est. **Idcirco** dicitur, ex propriis loquitur, quia mendax est, Joh. IIX,
44. At Alcoranus est **I.** contrarius verbo Dei, idque a. quoad
fidem, dum Filium Dei, Spiritum S. adeoque Trinitatem
negat, aliaque **Phœnomena** hæcque admittit, quæ diametrali-
ter sacra Scriptura opponuntur. **2.** quoad mores, dum libidi-
nes adulterii, aliaque præcepto sexto interdicta concedit.
Surar. de hæresibus: O propheta, nos certe concedimus tibi, inquit
ei Deus, potestatem in **UXORES** tuas **OMNES**, quibus dederis
matrimonium, & quæcumque acceperit manus tua. Et filias **PA-**
TRIS tui & filias **AMITÆ** tuæ, & filias **FRATRIS MA-**
TRIS tuæ, filias **MATER TERRE** tuæ, quæ peregrinatae sunt
tecum, & **QUAMCUNQUE** mulierem credentem, quæ se tibi
Prophetae prostituere voluerit, &c. Et paulo post: copulare cum
quacunque ex his tibi libuerit, & tecum fac inhabitare quamcunque
volueris, & non erit tibi **CRIMINI**, vel ad hanc accedere, vel
ab illa recedere. Vindictam, latrocinia cades, non solum per-
mitte (Sur. II. XIX, LXXI. O viri boni, mercaturam vos à ma-
ximo malo defenferam patefaciam, videlicet in Deum atque Prophe-
tiam credere & prædatum & expugnatum in Dei nomine cum vestris
animabus atque pecuniis tendite. Hoc enim, si sapitis, est vobis O-
PTIMUM, cum Deus ob hoc **PECCATA** dimittet, & in Para-
diso,

*diso habitationes amenas, domosq; perpulchras vobis tribuet. Dabit
 item aliud à vobis maxime dilectum, videlicet Vindictam, & Terra-
 rum levē & facilem acquisitionem, &c.) sed & suo exemplo pul-
 chre iis prævit, uti in controu. superiori diximus. Egregium
 hercle magistrum! Non opus habuisset eos ad id instigare:
 sua enim sponte satis forebant. Arabum enim gens, & alias,
 latrocinis fuit dedita, teste Hieronymo in cap. III. Jeremi Uxo-
 res ἀγαπῶν αὐτὰς τὰ ἐαυτῶν σέματα Deus præcipit, Eph. V,
 28. & quos Deus συνζεύξαι, ab homine non vult disjungi.
 Matth. XIX, 6. Hic verò, ceu falsò gloriatur, Apostolus
 non solum verberibus easdem ad officium redigere suadet,
 Sur. IX. sed & dimittere pro lubitu jubet Sur. III. IX.
 LXXV. Taceo summam ejus in omnibus fere, quarum
 meminit, historiarum Biblicarū ἀντολογία. g. Sur. XXXVII.
 Ismaelem vocat اسم الله نبيذ ذاب sacrificandam DEO,
 cum tamen Isaacus is fuerit, Gen. XXII, 9. Jacob. II, 41.
 Mariam peperisse ad truncum palmæ, Sur. 39. cum an en
 ἐν τῇ φάτῃ contigerit, Luc. II, 7. Eliam Tisbitem fuisse
 Mosi coætaneum. vid. Hotting. Hist. or. pag. m. 59.
 60. Inter quos tamen multorum sæculorum fuit interca-
 pedo. Et sic in aliis passim historiis sacris, quas nunquam
 non in Christianorum & Judæorum gratiam inspergit;
 plerumque verò simul miserè disperdit: quod primo sta-
 tim intuitui lectorem fugere nequit. At verò dicunt Arabes:
 من عرف دالساك داب (مريد من داب) qui semel in mendacio deprehensus est, ei merito deinceps derogatur
 fides. Sciens itaque si ejusmodi παραχρησμός & ἀντολίας
 fecit, malitiam id ejus arguit; si nescius, ignorantiam: neu-
 trum verò, animum verè Propheticum. Præterea est Al-
 koranus (2) non solum S.S. sed & sibi ipsi contrarius. Vide
 (nam nos operæ parcimus) Lud. Viu. l. 4. de Perit. Fid. Christi.
 Rith*

*Richard lib. 3. c. 2. 6. Cantacuz. Orat. 2. Joh. And. confus. Sect. Muham. c. 10. p. 141. Fortal. Fidei L. 4. consid. 3. passu 6. Hornb. lib. sapius cit p. 131 aliosque. II. Est maxime ridiculus & anilis. Deus quando cum hominibus loquitur, serius est. Vide saltem Exod. XXXIII, 2. Amos. IX. 1. seqq. Luc. XIX. 41. &c. Muhammedes contra Siculas gerras, iisque si quid vanius, profert: e.g. Salomonem intellexisse garritum avium; ita enim interpretatur hic Mysta cum Judæis suis locum I. Reg. IV. 33.: adjutum esse à dæmonibus in templo exstruendo; quæ, ut alia multa, ab iisdem Judæis habuit. Vid. שיר השירים רבה, haud longè ab initio. Eundem quoque Salomonem cum isto suo exercitu, collecto ex avibus, hominibus, dæmonibus, & quibus non? egressum in fornicarum agmen incidisse: ex quibus unam cæteras adhortatam, ut in habitationes suas se reciperent, ne opprimerentur à supervenientibus copiis, &c. Regem quoque illum jam mortuum diu latuisse demones, donec vermiculus (שמרר forrè is, quo lapidibus admoto, illi מאליהן à se ipso sine usu ferramenti scindebantur: ceu fingitur in Thalmud, Massechet גיטין c. 7. & ita locum I. Reg. VI. 7. intellectum volunt) baculum, cuius veluti vivus adhuc innitebatur, corroderet. Upupam regem de idololatria Reginx Saba edocuisse: literas ad eandem pertulisse, &c. Vide Fortal. Fidei loc. cit. passu 3. Cantacuz. Orat. 2. n. 13. 14. Richard. c. 4. Joh. And. Confus. Sect. Muham. c. 4. 5. 10. Thom. à Jesu de conv. gent. l. 10. p. 666. Joh. Forbes. historico-Theol. l. 4. c. 13. & sexcenta alia, Æsopiciis fabulis insulsiora. Lukmannum quoque, Arabicum illum fabulatorem, eundem esse cum Æsopo Phrygio, ex eoque plurima Alcorani, desumisse hunc vaniloquum, colligit Horr. lib. cit. pag. 63. seqq. Imò fundamentum, quo tota lex innititur, scilicet ascensus Pseudo-Prophetæ in cælum, Apulejanis fabulis, aliisque, quibus
F aniculæ*

aniculæ infantes soliri solent, nugatius est. Vide eius de-
 scriptionem in *Fortal. Fid. l. c. p. 194. Roder. Ximer. de reb. gest.*
Sara. in vita Muhammed. III. à Forma. Est in Alkorano (I.)
maximè radiosā & inconcinna ταυτολογία. Totum ferè caput
 aliquando nihil continet aliud, quàm: *Deus est misericors,*
magnus, potens, omnia cognoscens, &c. Item: *credite in DEUM,*
 وروا & *Apostolum ejus, puta Muhammedem.* Imò sub
 finem libri, verba ipsa, ut seni deliro, deesse videntur. Hinc
 fit, ut eum, qui semel illum evolverit, denuò non capiat
 cupido illum in manus rursus sumendi; nisi aliqua urse-
 rit necessitas. Quod prævidentes illorum religiosi astutè
 pro singulis suratis in eo legendis, singula quoque vitæ æ-
 ternæ brabea (ut matres filiis ardorem literarum ciere
 solent) constituerunt. Vid. *Hotting. Smeg. Orient. l. 3. part. 2.*
c. 2. it. de biblioth. Or. p. 108. seqq. (2.) Inhonestā obscenitas. Scri-
 ptura sacra, ut à casta mente protecta, verecunda est in iis
 rebus describendis, quæ ingenuis pudorem incutere solent.
 Vide *I. Cor. VII. 3. Gen. IV. 1. 25. XXIX. 23. XLIX. 10. I. Sam.*
XXIV. &c. Hic verò impurus hircus non auribus parcat: id
 quod eos, qui Arabicè quid sciunt, præterire nequit. H' δὲ
 ἀνὴρ σοφία, dicit *S. Jacobus C. III. 17. πρῶτον μὲν ἀγνὴ ἐστίν,*
ἐπειτα ἐγεννήθη &c. conf. I. Cor. III. 16. 17. VI. 15. seqq. Eph. IV.
29. 30. Heb. XII. 14. (3.) Nullus denique in pelago hoc menda-
ciorum ordo, nulla in argumentationibus vis, ut lectio confir-
mabit. Vid. interim *Fortalit. fid. p. m. 198. IV. à fine.* Finis
 omnium nostrarum actionum esse debet gloria DEI, *I. Cor.*
X. 31. imprimis autem is finis est revelationis divina, Prov.
XVI. 4. ut & simul hominum Salus, Joh. V. 39. XX. 31. Hic
 verò, si modò homines tributum pendant, de salute illo-
 rum non magnoperè est sollicitus. conf. *Nicol de Cusa lib.*
3. c. 8. contrà I. Cor. XI. 14. Hinc cum nulla ratione posset
 Æthio-

Aethiopes in Africa, ob interjectum sinum Arabicum, à
 Christianismo ad suam superstitionem avertere, ad soli-
 tum sibi telum, mendacium, se convertit. Acceperat enim,
 hos ob amicitiam olim Regina Sabæ cum Salomone, He-
 bræa sacra amplexos, ultimòque Christianos factos: Effin-
 git itaque Suram XXXVII. in qua comminiscitur, gra-
 vissimas simultates inter reginam illam, Regemque exti-
 tisse, indeque subsecuta olim bella multa; ut excitato sic
 odio, cum amore Hebrææ gentis, etiam Christianorum sa-
 cra, à Judæis quondam profecta, abjicerent. *Widmestadius*
I. C. annot. ad. Epit. Alcor. n. 63. Quomodo item Alcorano,
 ut velamine flagitiorum suorum, usus sit, narrat *Hornb. in*
libro nominato p. 115. seqq. & Hott. lib. cit. p. 217. His adjici
 possunt multa alia, e. g. maxima *a. obscuritas.* Dicit enim,
 Alcoranum à nullo alio, nisi à solo D E O posse intelligi
Cantacuz. orat. IV. Septemcastr. c. XX. Quæ ergò ejus utilitas?
B. Particularitas. Fateatur, se ad solos Arabes missum, idque
 ut eos ab Idolorum saltem cultu averteret, quid ergò ei
 cum aliis, qui jam Muslemanni i. e. Orthodoxi videntur,
 verumque Deum ajunt se colere? Quid cum Turcis, qui
 Arabes non sunt? Denique *propria confessio.* Narrant *Can-*
tacuz. orat. II. & Rich. lib. CIL. c. IX. Muhammedem di-
 xisse: se librum fecisse duodecim millium verborum mira-
 bilium, sed in quo saltem tria millia vera essent; cætera ve-
 rò falsa. Quomodo ergò jam dignoscere queunt, ubinam
 verum, & ubinam falsum, in hac tam confusa mole lateat?
 Contrà verò *B. Augustinus* de nostris Bibliis: *Si unum solùm*
verbum falsum inveniretur, justum esset, quòd totum Evangelium
frivolum & vanum existimaretur & fabulosum.

CAP. II
De Salvatore Mundi JESU
CHRISTO.

CONTROVERSIA PRIMA.

An JESUS Nazareus, seu ISA, ut illi vocant, filius Mariae,
sit verus DEUS? . 1

§. I.

ILLud est, quod omnibus modis Antichristus hic perne-
gat, eumque in finem blasphemum hunc librum confe-
ctis improbus videtur; mirè à Sergio Monacho, & super-
venientibus deinde Judæis, ad hanc rem fictus. Vide autor.
de heres. Heracl. & princ. & secta Machom. Richard. cap. 1. &c.
Elogia quidem honorifica Christo passim attribuit: sed
Deum fuisse. pertinaciter negat. Unde Surat. XII. Omnes
ait, dicentes, Christum Mariæ filium, DEUM existere, mendaces
& increduli reperti sunt. Cum & Christus ipse dixerit: Filii Israël,
in DEUM Dominum MEUM & vestrum credite: cui quis-
quis socium atque participem (i. e. æqualem aut ὁμοῦς) posue-
rit, ingressum PARADISI illicitum sibi reperturus, in ignem
ibit, &c. Et sic per Suratas ferè omnes pergit. Unde ajunt:
خـ لا اله الا الله محمد رسول الله (ان الله قد بعث في كل
Deus non remittit illud peccatum, si quis socium ei adjungit. Idem
igitur est ei sermo, qui Diabolo illi, quem Porphyrius (re-
ferente Aug. l. 19. c. 23. de Civit. DEI) consuluit: quid
Christus esset? Virum, respondit, illum bonum esse: sed peccasse
eius discipulos, qui post magistri mortem divinitatem ei affinxerint,
quam virus nunquam arrogavit. A Diabolo alia tamen sic
con-

confessio apud Marc. VI, 7. Accinit eadem chordâ Sam-
 psates Isphacanes Perla in Epist. ad Monachum Meletium:
Christum, cüm sit SERMO DEI, falso traducunt Christiani,
quòd dixerit, se filium DEI esse. nonne hunc Judæi, ait, interroga-
verunt: Tunc es filius Dei? & ἑρῶτα, led negavit, & dixit: ὁτι
ὁυεὶς τοῦ λέγετε, Vos id dicitis. Hinc impudens hic perditio-
nis filius, Sur. XIII. introducitur Deum graviter cum Chri-
sto expostulantem, quasi is legati fines transgressus docuerit
mortales, se & MATREM duos DEOS colere; Christum
verò contrà factum sanctè pernegantem. Adeò divinitas
Christi, Diabolo semper in oculis fides est, ut singulis se-
rè seculis excirarit quosdam, qui eam oppugnarint, quo-
rum Catalogum videlis apud Bibliand. in Apol. pro edit. Al-
cor. Chemnit. in Loco de Fil. DEI. B. Gerh. Loc. de Pers. & Off.
Chr. §. 185. seqq. Illorum è ludo, quòd & hic impostor exie-
rit satis patet. Nec desinit, proh dolor! hic ἀντιχρίστου
idem per Judæos & Socinianos etiamnum moliri. Quapro-
pter nobis majori cura hoc Palladium, & quidem haud
perfunctoriè, custodiendum.

§. 2. Cæterùm illi quidem ex V. T. uti Gen. XLIX.
 10. II. Sam. VII, 19. Psal. LXXXIX. Es. VII, 14. VIII, 13 14.
 VI, 18. 22. 23. Jer. XXXIII. Hag. II, 8. Zach. XIII, 2. 3. Ma-
 lac. III, 1. &c. Hi verò, ex N. pariter T. convinci possunt,
 uti ex Job. I, 1. X, 30. XX, 28. Rom. I, 3. IX, 5. I. Cor. II, 7. 8.
 Col. I, 2. 3. 15. Phil. II, 5. 6. 7. I. Tim. III, 16. Joh. V, 20. Apoc.
 XI, 22. &c. Cum infidelibus verò. quamdiu Scripturam
 S. non admittunt nisi ex illorum principiis, i.e. Alkorano,
 nihil agi potest. Conquirenda itaq; ex illorum hoc arma-
 mentario arma, quibus ἡμεῖς ἡμῶν fides & nostra firme-
 tur, & illorum reddatur suspecta. Suppeditat v. hæc Mu-
 hammedis de Christo confessio, I. Quoad nomen, quod sit
 v. g. VERBUM DEI. Surat. Ibrahim dicunt Angeli Beatz

Virgini: Maria, DEUS protulit & purificavit te SUPER
 OMNES MULIERES. Et mox subjungunt: DEUS
 annunciat tibi de verbo suo, & nomen ejus Jesus Christus, filius Mariæ.
 Et sic Surata Elnefa: ne dicatis de Deo nisi veritatem, sc. quod
 Jesus Christus filius Mariæ sit nuncius DEI, & verbum DEI,
 quod ipsum posuit in ea per SPIRITUM SANCTUM.
 Nec diffitentur illi, Christum esse VERBUM DEI; uti vel
 ex Sampfatis testimonio jam citato, liquet. Quari itaque
 non abs re potest, quale Christus sit verbum DEI? num
 προσωρον, an ὑποστατικόν; si προσωρον, an proprie intelli-
 gendum, an v. tropicè? illud non potest esse: nam προσωρον
 illa multa sunt, quin & transeuntia; Christus verò unum
 quid est, & permanens. Si Tropicè: tum vel ideò, quia ipse
 concipiendus, Matri suæ verbo Dei sit annunciat; Et sic
 nulla sit Mariæ super omnes Mulieres evectio, ut illorum
 Propheta h. l. vult: nam & aliis matribus idem quandoque
 contigit, uti Gen. XIX. 10. Jud. XIII. 3. II. Reg. IV. 16. Luc. I.
 13. Vel ideò, quia verba Dei ipse aliis annuntiavit? At neque
 hæc ejus matri sive præ aliis, quibus idem contigit multis,
 prærogativa est? Relinquitur ergò, quod verbum sit DEI
 ὑποστατικόν, quod & nos confitemur, ex Joh. I. 1. adeòque
 verus Deus. Cæterum videntur hanc locutionem ei affri-
 cuisse reliquæ Veterum Arianorum cæterorumque, quo-
 rum virus apud Ægyptios & Arabes aliquamdiu latuit, &
 postremò, autore Muhammede, magistroque ejus Sergio,
 late diffusum est, teste Pio Pontifice (qui antea Æneas Syl-
 vius dictus erat) in Epist. ad Morisfanum Turc. principem
 p. m. 74. Hi enim λόγον ante omnes alias res, quo tanquam
 instrumento Pater ad cæteras creandas uteretur, creatum
 dicebant. Quem errorem Arium itidem à Judæis imbibisse,
 infra de creatione ex Widmestadio dicetur. Similiter &
 alia plurima encomia Christo in Alkorano tributa, passim
 obser-

observari possunt e. g. Sur. V. quod sit facies omnium gentium,
optimus ab universitatis creatore missus &c. وحي روح / Spiritus
Dei anima Dei &c. Unde (2.) patet, cum nec attributa
divina Christo, salvâ suâ fide, derogare posse. Uti e. gr. æter-
nitatem: Absurdum n. est, imò & Impossibile, Deum unquam
sine Spiritu, sine anima, sine sapientia fuisse. Christum E.
cum dicat hæc omnia esse, largiatur necessum est, eum &
ab æterno fuisse, quod de Deo non inficiatur; sicque con-
veniet cum Prov. II. 22. Job. I. 1. Sic & Omniscientiam
1. Cor. II, 10. Omnipotentiam Prov. II. 15. &c. (3.) Mira-
culorum effectum Christo non denegat. Sur. n. cit. ait:
cæcos & mutos curabit, & morphaticos & leprosos emundabit, mor-
tuos vivificabit &c. Sed addit mox idem, quod Sociniani, di-
vinitatem Christi hinc non posse evinci. Verum refutatur
is error ex El. XL. 10. coll. cum Matth. III, 3. Joh. II, 11. Matth.
X. 1. Marc. XVI. 17. contrâ de sanctis, qui miracula patrâ-
runt, habes, e. gr. Act. III. 6. 9. 10. 16. Nec hoc subterfu-
gere queunt & infideles, si Alcoranum à mendacio libera-
re volunt: qui Christum, uti dictum est, Verbum Dei, Animam
Dei, Spiritum Dei, &c. vocat. Summa: tam honorifica sit
Christi in Alcorano mentio ut exinde is, inter medios in-
fideles aperte in Sacellis, ejus nomini dicatis, (4) colatur;
imò & in prælium ituræ ejus nomen gestent veluti præsentis-
simum وحي روح: vid. Schick, in Tarikh, pag. 80. Ubi & refertur,
quod P. Texeira socii, cum secundo Tigri veherentur,
prope Bazoram, urbem in confinio Persidis & Arabia si-
tam subito è navire celi, devotissime adorârunt versus Ana-
chorita cujusdam domicilium, ultra ripam in oppositum
conspæctum quo Filio Mariæ cum circumjacente palme-
to dicatum erat. Et non solum Christum supra Muhamme-
dem in cælo esse fatentur, vid. Officina Bibl. VValth, ad Evang.
sed

sed & in libro Camus, magnæ apud illos auctoritatis, verba
Ps. II. 7. Tu es Filius meus, & ego hodie genui te, de Christo acci-
 pienda largiuntur; uti refert Guadagnolus p. 478 cur ergo
 כִּנְיָנוּשְׁקוּ *osculantur Filium*, & sunt ex illis felicibus,
 חֹסְדוֹ *qui confidunt in eum*, juxta ejusdem *Ps. v. 12.*

§. 3. Offendicula, quæ Satanas & vesana ratio po-
 nunt, ut totus fere oriens ad lapidem hunc, positum quidem
 in Sion à Deo Salutis ἀγρυπνῶν, *I. Pet. II. 6.* per acci-
 dens v. factum τοῖς ἀπειθοῖς *כִּנְיָנוּשְׁקוּ* *Es. VIII. 14.*
I. Pet. II. 6. & σημεῖα ἀπληρόματα *Luc. II. 34.* impingat, le-
 vicula sunt. Obijciunt v. (1) *Christum non seipsum, cum in terris*
versaretur, vocasse Deum. & Falsum hoc est. contrariū enim
 patet ex *Joh. IV. 26. V. 17. 18. seqq. IX. 35. 37. X. 24. 25. 30.*
36. seqq. XII. 45. XIV. 1. XIX. 7. Marc. XII. 61. 62. Dein-
 de: si vel maximè id concederetur, quid tum postea? Dum
 v. g. solem ut sponsum è thalamo prodeuntem *Psal. XIX.*
6. videmus, ecquid dubitamus, id solem esse, licet ille de
 se non tubicinet: se solem esse? Similiter, si principem vi-
 demus, annon talem credimus, si vel maximè ipse de se idē
 non deprædicet? Multi venient, qui dicent se esse Christum,
Matth. XXIV. 5. ad opera itaque nos Christus remittit
Matth. XI. 5. Joh. X. 25. 37. XIX. 11. Insuper: alios se Deum
 appellantes tantum abfuit, ut increparit, ut magis in fide
 confirmarit, uti videre est ex *Matth. XVI. 16. seqq. Joh. I. 47.*
seqq. Joh. I. 47. seqq. XX. 26. seqq. Aliud vero fecerunt sancti
 Dei homines, saltem *Act. X. 25. 26. XIV. 13. seqq.* uti &
 Angeli, *Apoc. XXII. 9.* Quod & contra Socinianos obser-
 vandum est, qui eodem hic, uti sæpè aliàs, vitulo arant. (2)
 Interrogatum à Judæis Christum, num Filius Dei esset ait
 Sampates modò adductus, respondisse: ὅτι ὑμεῖς ὁ λέγετε,
Vos hoc dicitis, intellige, non ego hoc dico, puta *Matth. XXVI.*
73. Resp. Hunc loquendi modum non negativum, sed affir-
 mativum

mativum esse, quod patet luce meridiana clarius I. ex ipso
contextu, idque e. ex subjuncta Christi declaratione v. 64. B.
 Summi Sacerdotis offensione. v. 65. γ. Circumstantiarum
 consideratione. v. 66. II. ex Loco parallelo apud Marcum
 XVI. 62. ubi hæc phrasis, *per ἐν αὐτῷ* rotunde exponitur.
 III. Locutionibus similibus, *Matth. XXVI. 25. XXI. II. II. Conf.*
Johann. XVI. 37. Ex quibus & vanitas (3.) objectionis,
 quod Discipuli Christi hoc confinxerint, uti responsum
 Diaboli ad Julianum imitantur etiam hodie quidam Em-
 pactæ. Nam α. si tam libenter mentiri voluissent, cur non
 sibi potius, uti Alexander Magnus, Apollonius Thya-
 nezus aliique, quàm alteri divinos honores ementiri fui-
 sent. β. Nullæ causæ erant, quæ illos ad hanc rem adduce-
 rent: quæ verò ipsos abducerent, quamplurimæ; puta,
 ignominia, verbera, cædes &c. Quæ omnia ipsos mansisse,
 Acta Apostolorum & historia Ecclesiastica luculenter re-
 stantur.

CONTROVERSIA II.

*An Jesus Nazarenus revera à Judæis sub Pontio Pilato sit
 crucifixus, idque in λόγῳ totius generis
 humani?*

ITa verò in symbolo Apostolico confitemur ex S. Scri-
 ptura: negat vero Muhammedes ille *Christianorum & Ju-
 dæorum* mancipiorum discipulus, ut eum appellat Widmesta-
 dius J. C. in ejus vita ad Ludovicum Bavarix Ducem. Judæi
 enim, uti nunc, ita & olim, Christum Christianosque va-
 riis & blasphemis & conviciis onerabant. Salvatorem
 quidem ipsum vocantes ספּור *Spurium*, תלוי *crucifixum* יסור
 שׁו *deleatur nomen ejus* &c. hos verò כלבים *canes*, רשעים *impro-*

G

impro-

Cyrēneo intravit Judam Ischariotam, sicque vetus dogma
 orbis obruit pro novo. Judam enim Mohammedam vo-
 lunt, dum Salvatorem quærerent, à Judæis fortè fortuna ar-
 reptum, locoque Christi in crucem actum; ipsum verò
 Christum interea esse per tectum à Deo sublatum in quen-
 dam locum coeli, ubi is ad extremum usque diem sit per-
 mansuros. Tum verò clangente Angelo tuba, unà cum
 ceteris eum creaturis in scenam esse proditurum, atque
 cum iisdem ab Angelo mortis tandem occidendum: post
 aliquot XL. annorum intervalla in judicio appariturum,
 non quidem ut judicem, quemadmodum Scriptura te-
 statur, *Matth. XXV. 31. 32. Act. X. 42. XVII. 31. &c.* sed
 ut testem saltem servatæ vel violatæ legis; quemadmodum
 adfuturus & Moses ibi cum suis, villicationis rationem red-
 diturus. Vide *Theol. Mahom. seu Colloq. cum Abd. Jud.* Atque
 hæc illorum sumi Lethæa de morte Christi insomnia.

§. 5. os itaque verbo Dei melius, Dei gratiâ in-
 formati. curâ dicimus: verum Messiam debuisse pro pec-
 catis mundi mori, juxta Prophetarum variciniâ πῶς
 ποῦτος ἔσται ὁ υἱὸς τοῦ ἀνθρώπου, ὃς πᾶσι τὰ ἁγία
 διδάσκει, ut loquitur D. Petrus *I. Epist. I. 11.* uti sane v. gr. *Pf.*
XXXII. 7. 8. 17. 18. &c. Es. LIII. 4. 5. 6. &c. Dan. IX. 26. &c.
 atque sic illud *Judeorum* de duplici Messia commentum glo-
 rioso scilicet uno & majestico Bilio David, altero verò
 humili & paupere filio Joseph (Vide *Abenath Rochel* part.
 I. prolixè exhibendum: Jesum quoque Nazarenum, ve-
 rum illum promissum Messiam, revera in cruce non solum
 esse mortuum contra *Mohammedanos*, aliosque *Docetas*, ex
Matth. XXVII. 31. Luc. XXIII. 46. XVIII. 46. Act.
III. 15. X. 28. Rom. I. 8. 32. I. Cor. I. 8. Joseph. l. 13.
Antiq. c. 4. Epist. Pilati ad Claud. Tib. Imperat. in montem.

Patrum orthodoxographis pag. 2. &c. scimus; sed & eundem,
pro peccatis totius mundi revera fuisse ἀπλῶς, contrā
eosdem pariter ac Socinianos, vid. cit. Es. LIII. 4. seqq. Dan.
IX. 24. ut & Ioh. I. 29. VI. 51. Rom. IV. 15. V. 8.
18 seqq. XIV. 26. II. Cor. V. 14. 15. &c. Quod ad fidei nostræ
confirmationem adduxisse sufficiat. Cæterum in specie
contrā infideles, si opus est, observandum (1.) tempore
passionis Dominicæ maximā Jerosolymas, confluisse ho-
minum multitudinem, ob festum Paschatos juxta Dei man-
datum Exod. XXIII. 17. Deut. XVI. 16. quos hujus spectaculi
non fuisse incuriosos patet ex Luca c. XXIV. 18. Nec depor-
tatione X. tribuum, hunc numerum ad summam paucita-
tem redactum fuisse, videre est ex Josephol. 7. bell. Jud. c. 17.
(2.) Nec verò voluisse Deum tot millium (taceo & Jose-
phi Arimathensis, Christum sepelientis, oculos fascinare,
patet ex interdicto ipsius Dei, in lege de ejusmodi præsti-
giis, Lev. XIX. 31. Deut. XVII. 4. &c. (3.) Nec concordare
veritati Dei, quòd ille tot seculis ante Muhammedem tot
homines sinceret esse. (مسلم) in manifesto errore:
nec bonitati, quod passus sit Apostolos aliosque homines
simplices & innocentes, saltem propter prædicationem
tam absurdi auribus gentilium dogmatis, quod scilicet Deus
fit passus, fieri ἐπιφανείας καὶ θέατα, mundo, angelis & homi-
nibus, I. Cor. IV. 9. si sibi non constaret veritas & annun-
ciationis necessitas.

CAPUT. III.
 De DEO TRINUNO.
 CONTROVERSIA PRIMA.
An una tantum, An verò tres sint SS. divinitatis persone? Et

ET huic articulo, de Deo quàm maximè impias hic sacrilegus intulit manus. Et quidem primis temporibus seipsum apud Chadigam uxorem venditabat pro Messia, què Judæi expectarent, ut est ap. *Eusebium in Geneal. Mahom. p. m. 10.* Immatura forsan videns hæc consilia, nec sibi tantam habens polliceri, ut quondam Barcocab (Vid. *Talmud. i. fol. 57. Euseb. l. 4, c. 6.*) Judæorum multitudinem, veritusque ne sibi ob mendacium, non statua, sicuti Simoni Mago (iuxta communè sententiam ex *Eus. l. 2. c. 13. 14. Terul. Apol. c. 13. Aug. Catal. hæres. c. 1. &c.*) erigeretur, sed crux, mentem veterator revocavit. Se itaque Prophetam saltem esse dixit, credere verò iussit in eum *الذي خلق السموات والأرض* Qui celum creavit, & terram, quique terminos posuit *ولمنور ظلمات* tenebris & luci, &c. Sur. *الذي خلق السموات والأرض* seu animalium; quam And. de Ryer *Chapitre de gratificatione*, non ita apposite reddidit. Vere hoc quidem contra Koreistos aliosque stupidos in Arabia Idololatrias (de quibus *Hott. hist. Or. p. 152. seqq.*) asseruit: veruntamen, quando eundem Deum, nec filium ab æterno genuisse, nec hunc generatum esse ait, ut Sur. *CXXII.* illosque infideles esse, *الذين قالوا أن الله ثالث ثلاثة* qui dicunt Deum trinitate, seu (ut Ecclesia orthodoxa loquitur) in personis trinum, Sur. *V.* & alibi frequentissime, detonat. omnium periculosissimè à veritatis via cum Judæis in barathrum erroris abit. Quorum & hoc nostro tempore legunt vestigia, uti notum, *Sociniani.*

§. 2. Ut prius diximus, ita & h. l. cum Judæis ex *V. T.* uti e. g. *Gen. I. 1. 2. 3. 26. III. 5. 22. XI. 7. XIX. 24. XX. 13. XXXV. 7. Exod. III. 15. XX. 5. Num. VI. 24. 25. 26. Deut. VI. 4. Ps. II. 8. 9. 10. XXXIII. 6. LXXII. 7. 8. LXXII. 1. 17. CXXXVI. 2.*

G 3

3. Prov.

3. *Prov. XXX. 4. Es. XLIII. 15. 16. Jer. XXIII. 5. 6.*
XXXIII. 14. 16. Os. I. 7. Zach. III. 2. &c. Sociniani ex N. T.
uti Matth. III. 17. Joh. XIV. 16. I. Joh. V. 7. aliisque locis dispu-
tari potest. Cum Muhammedanis verò, si opus est, quamdiu
neutrū integrè admittunt, nec volunt in has res inquiri, res
est (ut monuim⁹) difficilior. Interim tamen quia valde curio-
si sunt, audire aliquid nostræ fidei, ut ait Richard, cap. 2. maximè de
TRINITATE & incarnatione &c. Et verò contraria ea sunt. Al-
corano, quem illi constantissimè supponunt esse verbum Dei, adeoque
illa non suscipiunt, sed derident: potest & ex illorum principiis
institui disputatio, vel legem illorum vanam esse, vel nostræ
favere sententiæ, nolentemque volentem veritati præbere
testimoniū. Quod hic præstat idem, quod in conflictu
cum Judæis, Rabbinorum suffragia, quibus contradice-
re, si vel maximè contraria dixerint, recutitis religio est.
Observari itaque possunt Alcorani loca I. Ubi de Deo loquitur
pluraliter. Quæ rara non sunt, sed ubivis fere obvia. v. g.
Surat. Elimpacara introducitur Deus loquens: Diximus An-
gelis, adorate Adam. Hic non possunt intelligi angeli, simul
cum Deo loquentes: ipsis enim adoratio hominis impera-
batur, non verò eandem ipsi imperabant. Et sic in aliis.
Vide (nam pergendum nobis est) Cardinal. de Casa l. 2. Cri-
brat. Alcor. c. II. Rich. c. 15. Fortal. Fidei l. 4. confid. 8. arg. 5.
Sed ejusmodi difficultatibus pressi, agendum quid respon-
dent? (I.) Summula brev. contra, sect. Sarac. Alcorano præfixa
refert, quod Muhammedani binarium in divinitate consti-
tuant, essentiam scilicet Dei & ejus animam, hincque illam
in Alkorano pluralem esse locutionem? Sed I. si ita: cur
Christum negant Deum, cum tamen animam Dei esse
largiantur? II. Si vel concederetur, ut illi volunt, Deum
animam habere: quæso, homines animam quoque habent,
neque

neque tamen quisquam propterea pluraliter de se loquitur. (2.) *Alii* hanc locutionem volunt esse ob varia in Deo attributa, sapientiam, omnipotentiam, &c. ? Sed Resp. I. attributa illa realiter à Deo non differre. II. Nec homines nec Angelos, in quibus attributa ab essentia differunt, ob illum respectum de se uno adhibere numerum pluralem. (3.) *Lud. IV. pag. 465. l. 4. de V. F. C.* objicit in persona Muhammedani, id fieri ob morem magnatibus usitatum. Quæ appono, ut observetur, Judæos, Socinianos, omnesque Anti-Trinitarios eodem semper effugio uti, in eodem quippe ludofictos. cui ludo, si qui sunt, Judæi Magistri sunt. Resp. verò, illum morem in sanctis literis inusitatum esse. Vide saltem *Gen. XIV. 21. XLI. 15. II. Sam. XIV. 4. II. Chron. XXXIII. 23. Ez. I. 2. Dan. II. 8, 9, 26. V. 14. 16. VI. 27.* oportet ergo hunc amanuensem Dei, uti videri vult Muhammedes, ex alia curia esse, quàm divina, cum ejus stilum non imitetur. (2.) Magnates ita loqui possunt sine periculo erroris: non verò ita de Deo. Unde & Judæi committuntur, Mosè cum ad *Gen. I. 26.* כַּעֲשֶׂה אֱדָם כְּדִמְיוֹנוֹ *FACIAMUS* hominem ad *imaginem* *NOSTRAM*, secundum similitudinem *NOSTRAM*, pervenisset, hæsitandum diu substituisse, num pergeret in scribendo, ultimòque dixisse Deo: *cur occasionem præbes hominibus errandi in simplicissima tua essentia?* Sic & nos dicimus: cur occasionem præbes, Muhammedes, hominibus errandi, unam Dei personam introducendo loquentem ut plures? Qui si verus fuit, cur non plures nobiscum personas credunt: Sin falsus, cur ab ejus lege non recedunt? II. *Ubi expressam facit trium personarum mentionem.* Surat. *(LVI.) de mulieribus:* *Jesus Christus, Apostolus Dei & Verbum Dei, quod misit ad Mariam, & Spiritus de Deo.* Ceter & quæ supra de Christi

Christo Salvatore nostro scripsimus. Sic & de Spiritu Sancto observari potest, quod describatur ut persona in Alcorano. v. gr. *روح القدس* MISIMUS ad eum Spiritum nostrum : nota 1. Hic locus non potest exponi de Angelis, quia illi multi sunt. 2. hic Spiritus in humana specie apparuit, alloquens Mariam, dicens : *إنا مرسلون* id est, Ego nuncius sum Domini tui, ut dem tibi puellum &c. Vide Surat. XXX. Ergo de attributo aliquo in Deo sine personalitate intelligi nequit. Quomodo autē se Beidavi; Kessius, alique infidelium torqueant, super hoc loco, vide Hott. hist. Or. pag. 95. Quae obijciunt, aut communia cum cæteris Anti-Trinitariis, aut illis crassiora, ut e. gr. Deum non filium habere, quia uxore careat &c. Quibus Tricis & Apinis nos immorari nolumus. videantur, si placet, apud Lud. Vir. lib. cit. de Her. Fid. Hackspan. de Lege Muhammed. Cantacuzenum, alios.

CONTROVERSIA II.

An DEUS sit incorporeus & infinitus?

§. 1.

NON addubitat hic nebulo, de DEO hoc inficiari. Quam sententiam ob absurditatem & impietatem suam vel in hoc omnium bipedum nequissimo non ausus fuisset credere, nisi me confirmassent omnes ferè, qui hujus sectæ meminerunt. Vide Bibliand. in Apol. pro edit. Alcor. Pius Pontifex ad Turc. Principem pag. 83. seq. Lud. Vives lib. IV. de ver. fid. Ehr. p. m. Hornb. summ. Controv. pag. 209. Schickardus in Deo Orbo Saracenorum p. m. 4. Pappus aliquæ. Et patet res ipsa. Nam in fabulosissimo suo ascensu in calos, quod fundamentum est (ut diximus) totius hujus Pseudoprophetiæ,

nar-

narrat hic agypta, Deum non solum certo cæli loco inclusum esse, ad quem eandem per multos cælorum labyrinthos devenit, sed & manum Deo attribuit, quâ sectatum ait, addò ut frigiditas manus Dei ad medullam dorsi sui pervenerit: insidere Deum gestatoria cuidam sella, quam octo Angeli validissimi, mundumq; multis vicibus magnitudine excedentes, circumgestent, ut iis præ pondere igneus sudor exprimatur: aliaque absurdiora, quibus volens abstinere. Et procul dubio ex Audeanorum seu Anthropomorphitarum lacunis hæc imbiberat. Hæc enim secta cum ob absurditatem suam facile alibi non posset reperire sedem, ob monachorum ruditatem diu mansi. in Arabia Scenitide & Ægypto; veluti fera, ubi frequentia hominum non est, solent liberiùs rabulari.

§. 2. Nobis contra certissima res est, quod *Deus sit Spiritus*, *Joh. IV. 24.* Spiritus autem non habet carnem & ossa, *Luc. XXIV. 39. Conf. I. Reg. IIX. 27. Ps. CXXXIX. 7. seqq. Jer. XXIII. 23. 24. &c.* Commune verò Anthropomorphitarum argumentum Theodorit. *l. 4. hist. Eccle.* 10 quòd homo ad imaginem Dei sit conditus, & quòd insuper membra corporea Deo in Scripturis attribuantur, solutu facillimum est. Neque enim imago Dei in corporis, sed perfectionis consistebat conformitate, *Eph. IV. 24.* Nec membra corporea DEO assignantur propriè, sed per *ἀνθρωπομορφίαν* & condescensum ad intellectum nostrum. *Conf. Joh. Damasc. L. I. Orthodox. fidei. C. XII.*

PARS TERTIA.

Continens

Cæteros Muhammedanorum errores juxta ordinem Locorum Theologicorum.

H

Atque

Atque hi sunt errores Muhammedanorum principaliores, qui sequuntur, leviores quidem sunt, haut minori tamen nisu ab iisdem urgentur. Nobis tamen brevioribus nunc esse licebit. Nam cum Muhammedana religio *παρρησια* quædam scitarum sit, seu quoddam (uti Theodoretus dialog. in re simili de Ebionitis loquitur) *ἡ δὲ τῶν ἀρετῶν ἐν διαφύσει παλιν σὺν ἀπὸ τοῦ ἐδῆμα, vestimentum mendicorum, ex variis ac diversis panniculis confutum*: Nihilque ferè novi Mohammedes invenerit, quod non in antiquis hæreticis damnatum sit, uti ait Bibliander in cit. Apol. 3; imprimis autem in Judæis, cum quibus adeò quamplurima communia habet, ut non erravisse mihi quispiam videatur, secundum autorem argumenti Cantacuzeni, qui Mohammedis legem **CONFUSUM CORRUPTUM, JUDAISMUM** dixerit: Nihil proinde nobis superesse videtur, quàm ut hujus Æsopicæ corniculæ pennas, cui remiges jam dudum in aliis hæreticis evulserunt nostrates, saltem ostendamus, & ad verbi divini lucem conferamus. Quæ collatio, suâ non caret utilitate. Vid. B. Luth. in præfat. Alcor. Bibliander Apol. cit. Gualterus Tigurinus in Epist. Nuncupat. Cantacuzeno præfixa, aliiq̃ue, quos laceo. Sequitur itaq̃ue.

ARTICULUS PRIMUS. DE CREATIONE.

§. 1.

De Creatione mira mire Muhammedani fabulantur. I. enim excludunt à causa efficiente, ceu *Sociniani*, Filium & Sp. S. Contra *Gen. 1. 2. Job. 1. 3. Ps. 33. 6. Col. 1. 16. Prov. 8. 22.* Quem errorem in singulis ferè semper dehinc locis obvium, semel notasse sufficiat.

§. 2. In colloq. cum Abdia dicit Muhammedes, Deum
prim-

principio creasse, & quidem sua ipsius manu, Pennam, Adamum, thronum Dei & Paradisum. Pennam quidem, ut consignet omnia quæ sunt, quæque fiunt: fingiturque ea 500. annorum itineris, longitudinis 800. &c. vid. l. c. Atque sic Mosi contradicit statim in limine, qui dicit, *in principio creasse Deum cælum & terram*. Similia habent Judæi. Targum Jerus. ad c. 3. *Gen. Bis mille annis ante mundum conditum* רעתן גנתה וגנתה גהנם ואתקן ברא אורחא ואתקן ברא *creavit Deus legem, & ordinavit infernum, & paradisum*. Talmud. שכנה דברים נבראו קודם שנברא העולם ואחריו הן תורה ותשובה וגן וגיהנם וכסה הכבוד ובית המקדש ושיח משח *Septem res creatae sunt prius, quam mundus cõderetur, nempe hæc: Lex (Prov. 9. 22.) Pœnitentia (Psal. 90. 2.) Paradisus (Gen. 2. 8.) Gehenna (Es. 30. 33.) Solium gloria (Is. 93. 2.) domus Sanctuarii (Jer. 17. 12.) Nomen Messia (Ps. 72. 17.)* Hic nota vafriciem Muhammedis (qui loco nominis Messia, Inum substituit, uti diximus suprâ part. 2. c. 1. *Conterov. 2. §. 1.*) *Conf. Buxtorf. Lex. pag. 462. P. Galat. de Arcan. Cath. Verit. l. 3. c. 5. l. 7. c. 1.* Quod, saltem ex parte (procul dubio affricuerant optimo Patri B. Hieronymo Præceptores ejus Judæi, quibus se usum esse fatebatur *in Epist. l. ad Rusticum Monachum, Præfat. in Dan. Epist. consolat. ad Pammachium.*) ut *in quæst. seu Tradit. Heb. in Gen.* hac de Paradisi ante mundum creatione sententiam, retineret. Hincq; ex eo Hieronymi loco Francisc. Georg Minorita probare nititur, *Paradisum non in hac visibili terra extitisse*. Vid. & *lib. 4. Ester. c. 3. 6.*

§. 3. De Æonibus Valentini, de quibus *August. ad Quadvult. c. XI. Iren. l. 1. contr. hæres. c. l. Tertull. de Præscript. c. 49.* audisse videtur, cum de ortu rerum in eod. colloq. ita garrir: *Deus Adam fecit ex limo: limus autem erat de spuma, spuma de procellis, procella de mari, mare de tenebris,*

H 2

tenebra

tenebra de luce, lux de verbo, verbum de cognitione, cognitio de Jacincho, Jacinthus de praecepto: esto & fuit. Ad quæ Widmestadius: Jacinthum vocat supremam sapientiam & speculum Dei æternum; verbum autem sapientiam inferiorem & speculum obscurum. Hinc Ariani à JUDÆIS nimirum decepti, hæresis sua ansam arripuerunt. Atque hinc puto esse, quòd Pappus aliiq̃e Muhammedi tribuant Valentini opinionem de creatione. Cætera si simpliciter sint intelligenda, absurditate sua facile se ipsa conficiunt, & refutata sunt à Lud. Viv. l. cit. de verit. Fidei Christ. pag. 468. Similes naniã occurrunt & in Theogonia Hesiodi ac aliis Poetis de rerum ortu.

§. 4. Cœlos dicit in cit. colloq. ex fumo creatos esse. Eosq̃e cum Judæis facit septem Sur. 2. 51. 77. &c. Kestæus in vit. Pat. pag. 14. 15. Uti & inferni receptacula totidem cum iisdem facit. Vide hist. Timuri pag. 50. Kest. p. 16. Beidavi comment. in Alkor. p. 241. &c.

§. 5. Imprimis autem notatu dignum est, quòd non omnia bona esse creata doceat, contra Gen. 1. 31. &c. Nam Diabolum (الشیطان) ex igne pestilenti, juxta cum Judæis, (Vid. lib. Nizz. p. 5.) creatum adferit Sur. 25. 27. 41. &c. Et in hominis plasmatione, Deum pulverem ait collegisse multicollorem pugno suo, indeq̃e quædam hominis individua ex albedine, quædam ex nigredine, quædam de colore medio; quædam iudem de malicia quædam de bonitate participasse. Vide Chron. Sarac. pag. 21. & Lud. Vivem l. c. id refutandem. Sicque hac in parte accedit ad Manichæos & Priscillianistas. Vid. Aug. de nat. boni adv. Manich. c. 33. Concil. Bracar. Canon. 7. Leo Epist. 42. Sic Menasse Ben. Israel l. 2. de resurrect. c. 2. affirmat, Deum ex purissima materia decem spiritus ספירות seu luces divinas (de quibus Reuchl. l. 3. cabbal. pag. 734.) & ex impuriori alios

alios decem, כלימות seu *putamina* dictos creasse; idque refert è libro antiquissimo *Zohar*.

§. 6. Cum iisdem Manichæis, (inter quos & Muhammedannos collationem instituit Danaus ad Aug. ep. ad Quodvult. fol. 118. b.) & Priscillianistis, itemque *Gnostici*. Vid. *Concil. Bracar. can. 5. August. de hares. cap. 46. & 70. Epist. 74. ad Deuter. & 25. ad Hieron. Leo Epist. 91. c. 5. ad Tertium*, absurde statuit, animam humanam divinæ essentiae esse portionem. Surar. 25. cuius sententiæ juxta Irenæum *lib. 1. contr. hæs. c. 24.* primus autor fuisse dicitur *Carpocrates*.

ARTICULUS SECUNDUS. DE ANGELIS.

§. 1.

Nec minùs de Angelis multa ridicula & absona deblatèrat. Et primò quidem ratione essentiae non Spiritus, sed corpora esse fingit. Videatur ascensus Muhammedis in cœlam, in *Portalit. Fides l. c.* ubi non angelos, sed monstra descripta ab eo dices, alios enim cornibus, alios multis capiribus, alios mole ipsa totum mundum excedente, stupendos, vidisse se refert; quæ vel horrorem legentibus incutere possunt. Unde *Sur. XLIX.* Deum facit Jobo, de removendo Satana anxie cum sollicitanti, respondentem: *كأنك رجل من بني آدم* pede cum a te repelle. Quod si ita repelli potest Satanas, corporeum, sati que compactum & suffarcinatum esse oportet. Etiam *Judeos* angelos, saltim quosdam, corporeos esse existimare, monent *Hornbeck l. 4. de Convinc. Judæis c. l. pag. 304. seqq. Ludov. de Dieu in annos. ad Psal. 68. Grotius ad Ps. 104.* Quod & olim censuisse *Pythagoricos & Platonicos*, refert *Leonhardus Coquæus Comment. ad l. 8. August. de Civ. Dei c. 15.* Ex iis-

H 3

que

que, uti multa alia, hausit *Origines* p. 11. *περὶ ἀρχῶν* c. 6. 8. Et ex hoc rursus aliis nonnulli Patrum, adeo ut vel etiamnum ex Christianis non desint, qui sibi de cœlestibus hisce Spiritibus materiale quid imaginantur. Ceu notat Dn. D. Calov. *Tom. 4. Syst. Theol. p. 33. seqq. & in Armin. p. 142.* Quibus merito opponimus verba S. S. *Pf. CIV. 4. Matth. 11X. 16. Marc. V. 9. Eph. 11. 2. Heb. 1. 14.*

§. 2. Ex hoc quoque principio fluit, quod cum iisdem *Origenianis*, *Manichæis*, *Archonticis*, *Sethianis*, statuit angelos generare posse. Vid. *August. contra Secund. C. 11. Lamb. Danaus ad August. de hares. pag. 55. Epiphani. har. 40. pag. 246.* Nota enim est fabula de duobus angelis *מלאכים*, à Deo emissis, qui ebrii noctem hospitæ petierint. Vid. *Theol. Machom. Hornb. summ. Controv. pag. 165.* Unde & partus Dæmonum fit in Epitome Alkorani mentio: ad quem locum *Widmestadius* annotat, hanc *Manetis* & veterum Poetarum sententiam, *Pseudo-Prophetam* suis proposuisse credendam. Etiam huic absurdæ opinionis obstetricati *Judei* sunt. Notum enim est, quid habeat *Jalkut ad 2. Sam. 7. 14.* כל מאה ושלש שנה שפירשה חוה מאדם רוחות זכרות היו מתחממים ממנה והיא יולדת מהם ירוחות נקבות היו מתחממות מאדם והיו יולדות: *Omnibus centum & triginta annis illis, quibus Eva separata ab Adam vixit, rem habuit cum spiritibus masculis, ipsiq. sobole ab illa aucti sunt: Sic quoque Spiritus femella, ex Adam conceperunt peperuntq.* Confer *בראשית רבה* *sect. 20. 24.* *R. Salomon Jarchi in Pf. 89. 33. Talmud Mas-sech. עירובין c. 2. Chagiga c. 2. ישראלי pag. 80. פירוש in Paraph. Chald. ad Gen. c. IV. 1.* Censent verò *Judei*, Angelis de cœlo descendantibus aliam rationem esse, quàm ibi manentibus: tum enim eis לאכול appetitum cibi innasci, & aërem hunc inferiorem concupiscentiam pra-

pravam gignere dicunt. Vid. R. Lipmannus n. 23 p. m. 10. Hinc orta & quaestio est in Alkorano *Sur. LIII. & LXIII. An Angeli sexu differant?* imposuit verò multis ex antiquis tale quid sentiendi, locus *Gen. VI. 1.* malè intellectus. Vid. *Joseph. l. 1. Antiq. cap. 4. Philo Judaeus lib. de gigantibus, Justinus Martyr Apol. I. Irenaeus l. 4 c. 7. Clemens Alex. l. 3. Strom. Tertull. de velandis Virginibus, Lactantius l. 2. c. 14.* tum etiam è recentioribus *Burgensis in cap. 6. Genes. Vales. de sacr. Philosoph. c. 8. Cajetanus, Delrio, Franciscus Georg. Venerus c. 1. sect. 1. probl. 54. aliq.*

§. 3. Ex eadem Muhammedica fabula, quam modo ex Hornbekio citavimus, de Angelisebriis, & scelus contra hospitam meditantibus, colligere est, eos fovere eam opinionem, quæ aliàs in *Arminianis* taxatur, sc. Angelos bonos non ita in veritate confirmatos esse, ut jam amplius non possint labi. Vide *Armin. ad art. 31. Grot. annot. ad Gal. l. 18.* Præcentor verò utrisque fuit *Origenes.* Vid. is in *Hom. 13. in Lucam. contra Matth. XIX. 10. 1. Tim. V. 21. 11. Cor. XI. 14. Gal. l. 8. &c.*

§. 4. Vice versa, cum iisdem *Origenianis* (Nam *Origenem* ipsum excutat hac in parte B. D. Gerhard. loc. de morte §. 62.) aliisque nonnullis Veterum, Angelos malos tandem ad frugem redituros, adeoque pœnâ liberandos, & salutem consecutos garrit. Vide *Cantacuz. Orat. 11.* prope finem *Oratione 4. num. 2. Richard cap 8. de Daemonibus.* Quem errorem resuscitasse patrum nostrum memoria *Anabaptistas,* refert *Bulling. l. 2. contra eosd. c. 15. nostr. v. idem statuisse Socinianos,* constat ex *Crell. comment. in 1. Cor. XV. p. 103 13. 272 130.* licet illam liberationem aliâ ratione fieri censeant, scilicet per reductionem in nihilum. Contra *Matth. XXV. 41. Hebr. II. 10. Juda v 6 Apocal. XX. 10.* Imo & multos ex malis Angelis post Christi in carnem adven-

adventum poenitentiam egisse, statuit *Enjedinus*. Vide B. Gerh. in *Dispp. Acad.* p. 633. seqq.

§. 5. Causam lapsus Angelorum, è Talmudicis fabulis itidem hausit. Nam Adamum seorsim fingit à Deo edoctum omnium rerum nomenclaturam, eundemque in arenam disputandi causa cum angelis, eductum: qui cum ejus Sapientia pares non essent, omnes Adamum à Deo adorare jussos esse: paruisseque (بليس) id est, *Diabolo* (unde deflectit Arabica vox (scilicet Beelzebub excepto, quod is ex igne homo) طين) ex luto conditus esset. Quod commentum, ut rem magni pretii, Sur. 3. 17. 48 & passim, ob causam nescio quam, inculcat. *Iud. Vices lib.* cit. pag. 470. ut & *Bibliander*, ex mentione introductionis primogeniti, id est, Christi εἰς τὴν ἀρχὴν in Epist. ad Heb. I, 6. occasionem fabulandi arreptam suspicantur, P. Galatinus de A. C. V. l. 7. c. 4. p. 354. hanc traditionem antiquam producit ex R. Mose Hadarsan in cap. V. *Gen.* Eodem plane sensu, ac in Alkorano refertur: Verum Galatinus hanc adorationem, non tam propter Adamum imperatam esse vult, quàm propter materiam Matris Messiae; quæ materia ab initio statim producta & Adæ inserta, sine labe peccati originalis emanâre usque ad Joakimum, B Mariæ patrem. De Satana autem hanc venerationem negligente, dictum volunt illud *Es. XIV.* 12. *Quomodo cecidisti, si de calo Lucifer, qui mane oriebaris?* Quem locum de Rege Babylonie agentem, explicant de Lucifero Angelo, nonnulli etiam Veteres, *Tertullianus*, *Cyprianus*, *Athanasius* &c. De reliquo autem tentamine Angelorum in imponendis singulis rebus nominibus, quodque id nequie- rint Angeli, potuerit verò Adam; eandem ferè habes fabulam in *Jalkut* ad cap. I. lib. I. *Chronicorum*.

ART.

ARTICULUS III. DE PROVIDENTIA DEI.

§. 1.

De Providentia, ait B. Chemnitius in Loc. part. i. p. m. 120. *sumus vel Stoici, vel Epicurei*. Hic verò Vertumnus utrisque favere videtur: unde & sectatores reliquit, in diversas partes abeuntes. Vid. *Horting. hist. Or. l. 2. c. 6.* imprimis pag. 353. & seqq. Aliquando enim dicit, *fortuita esse, quæ hic in terris geruntur, nec curare de his Deum*, ut Morbifano Turcarum Principi objectat Pius Pontifex in Epistola, quam citavimus, pag. m. 73. & 84. Et hinc est, quod tradit Muhammedes, Deum sibi dixisse, *ὁ παυρὸς χάρις*, saltem lusûs causâ hominem condiderit; partim ut ostenderet, Deum non magni æstimare hominum salutem, partim ut Salvatoris nostri incarnationem sugillaret. *Cantacuz. Orat. 2. n. 11.* Et hoc esse puto, quod B. Pappus, aliq; saltem generalem Dei providentiam dicant Muhammedanos largiri; nullam verò aut exiguam singularem, quem etiam errorem ex Averrois Arabis mamillis suxisse videtur Secinus, juxta B. Gerh. *Disp. Isag. p. 661.* & vestigia extant in Alkor. Epitome: *Deus cælum columnis visibilibus minime sustentum extulit, deinceps ipse chronum ascendens, Solem & Lunam moveri jussit ad statutum terminum.* Negat ergò concursum Dei cum causis secundis, & num. 59. *Deus cælum & terram sex diebus absolvit, postea cælum ascendit &c.*

§. 2. Sapius tamen sui oblitus, *Stoicam* quandam necessitatem introducit. Vid. *Cribrat. Alkor. Nic. de Cus. l. 3. c. 7.* Et hoc fortè à *Manichæis* habuit, de quibus vid. *Tertull. lib. de anima c. 21. F. Præcol. hæres. l. 11. n. 6.* vel à Præceptore suo Judæo, Bar Selon, Astrologo, Vid. *Danzus l. c. p. 237.* Unde cum Muazzadaulæ, Halebi Domino, servus per incuriam epistomium gutturnii in dentes impegisset, ut unus

I

ex

ex iis decideret, non moleste id telit, sed dixit. *Decreto Dei hoc accudisse, ejusque providentia.* Hincque viæ terminum adeò fatalem constituunt, ut nec anteverti possit, nec prolongari. contra *Exod. 20. 12. Vid. Levin. VVarnerus in dissertat. de vitæ terminop. 11. 12. 13. 15. 16. 17. Busbequius Epist. 4. Leg. Turc.*

§. 3. Fieri proinde vix potest, quin plerique Deum causam faciant peccati, nec non Electionis & reprobationis decretum ex solo absolutoque Dei decreto suspendant. In *Libro Boari*, referente Io. Galensi Anglo, ordinis Minorum, Parisiensi Doctore, qui ob longævitatē in arbor-vitæ dictus est, habetur cap. de *Prædest.* Deus scripsit super hominem partem suam de luxuria, & necessario debet sequi illam partem. Sic in *Epitome Alkorani*, quem Latine reddidit Robertus Ketensis Anglus, num. 42. Quos Deus ad bene agendum præscripsit, evitare non poterunt, quin bene agant. Quos verò Deus corde sigillavit, inevitabiliter errabunt. Confer in *Alkorano ipso Sur. 2. 15. 20. 68. &c.* Et in citat. *Epitom. num. 67.* Si vellemus, CUIQUE gentium bonam viam & rectam daremus, sed jam verbum nostrum firmatum est, ut infernus Damorum & hominum consortio penitus impleatur. Ad quæ verba sapius citatus Albertus Widmestadius: Nullus unquam tyrannus carcerem edificavit eo animo, ut victorum numero compleret, sed potius ut male meritos ulcisceretur. Muhammedes autem hanc crudelitatem Deo inesse affirmat. Cui Muhammedi, omnibusque aliquâ ratione cum eo sentientibus, opponimus clarissima Spiritus sancti dicta. *Psf. 5. 5. Zach. 8. 17. Deut. 5. 16. Eccles. 15. 21. 1. Johan. 2. 16. 3. Tom. 2. 4. Hos. 13. 9. Prov. 1. 24. Matth. 23. 37. Act. 17. 30. 31. Rom. 5. 13. 19. &c.*

ARTIAULUS IV.

DE IMAGINE DEI IN HOMINE.

DE imagine Dei in homine, quænam sit Muhammedis sententia, non ita liquet. Ad similitudinem Dei, hominē crea-

creatum esse, innere videtur, quando v.g. in Sur. *مورثه*
 seu *Pacca*, refert, Deum dixisse Angelis, se hominem *خليفة*
Chalifam seu *Vicarium suum in terris institutum*; unde & in-
 terpres Latinus ita h. l. vertit: *Angelis intimamus facturum*
sui similem in terra. Ceterum hoc nomen *Chalifa*, substitutum,
 successorem, proregem, legatum (*Gall. un vicarie Lieute-*
nant &c.) denotat. Unde & Muhammedis in Imperio &
 religione successores, *Chalife* dicuntur: & in Alkorano:
يا داود انا جعلناك خليفة في الارض *ô David, uti-*
que nos te Chalifam, (id est, regem & potentem hominem,)
in orbe constituimus. Videtur itaque originatio vocis eò nos
 deducere, ut suspicemur, impostorem putasse, similitudi-
 nem illam, qua homo Deum referebat constituisse in exter-
 no dominio in creaturas: & confirmat hanc opinionem
 subjuncta Angelorum responsio: *ان جعلنا من قبلك من قبلك*
فيها وديناك الدنيا ونحن) ذرهم ذمناك ونقد من
(id est, juxta interpretationem CL. Præceptoris Ra-
vii (in Edit. quorundam Capp. Alcor. Amsteloedami Anno
1646. procurat:) Au pones ipse eum, qui perdet eam, & effundat
sanguines, cum nos contra extollamus, prædicemus laudem tuam,
& sanctificemus Te. Quicquid sit: sive hæc ejus fuerit opinio
 de imagine Dei in homine, uti & sentiunt hodieque *Soci-*
niani & Arminiani, sive collocarit eam in hominis substan-
 tia, veluti typi, antitypi sui similitudinem exprimentis, ut
 & ceteri *Anthropomorphite*, Vid. *Theod. loc. antea cit. l. 4. sc.*
hist. Eccl. cap. 10. ex multis tamen indiciis certum est, eum
 vel ignorasse vel negasse hominem primum in iustitia &
 sanctitate veritatis conditum esse. contra *Eph. IV. 24. Col. III.*
10. II. Corinth. III. 18. &c.

ARTIC. V.
 DE PECCATO.
 I 2

Magnum

§. 1.

MAGnum illam Adamum in summa divinitatis arce collocatū, abdita ratione mortalibusque incognita, docere audent insolentes Judæi, quorū vestigia insequitur Muhammedes, ait Widmestad. *not. 13. ad Epit. Alcor.* Non in hac itaque terra, sed extra eandem paradisum fuisse opinatur. Cujus opinionis insinuat ex veteribus Origenem Epiphanius in Epistola ad Johannem Jerosolymorum Episcopum p. m. 1103. quasi is in tertio cœlo eundem collocarit, & arbores ejus non nisi allegoricè de angelicis virtutibus exposuerit? defendit verò Sixtus Senensis *lib. 5. Biblioth. Sacr. annot. 33.* Hunc errorem quoad prius membrum revocavit Franciscus Georg. *tom. 1. problem.* cujus argumenta vid. apud eundem Senensem *lib. cit. annot. seq. contra Gen. II. 8. seqq. III. 6.*

§. 2. De Peccato Originali quid sentiant Muhammedani, cum *Franciscanis* lis est. Hi enim, ut immaculatam B. Virginis conceptionem tueri possint, etiam Alcoranum in auxilium vocant, notante Andrea Riveto in *Apol. pro S. Mur. Virg. c. 18. l. 1. p. 146.* vid. & *P. Galat. de arcan. l. 7. c. 5.* Verum in hoc scipione Ægypti parum auxilii est. Non enim solum Beatam Domini. Matrem, verum etiam omnes omnino homines à peccato originali, quantum in se est, Muhammedes absolvit, idque inanes fabulas esse ducit, (ut ait B. noster *Luth. in præf. Alcorani*) contra sacram Scripturam, *Gen. VI. 5. IIX. 25. Job. XIV. 4. XV. 14. 16. Ps. LI. 6. Job. III. 5. Rom. X. 12. &c.* Sunt quidem nonnulla in Alcorano loca, quæ satis clare de corruptione generis humani loquuntur: sed non sequitur, eadem mox peccatum originale introducere. Nam de illa, scilicet generis humani depravatione & pronitate in malum, satis quoque clarè *Ethnici, v.g. Plato l. 2. de rep. Cit. 2. Tusc. Plotinus l. 1. Enne ad. 5. c. 1. & alii quin & ex natura-*

naturali lumine concupiscentiam fortè adualem peccatū
esse sciverunt: concupiscentiam tamen originalem & or-
tum hujus mali nesciverunt, juxta *Rom. VII. 7.* Hinc & *Bei-*
dapi Muhammedanus hanc deformitatem non ex reatu
primorum parentum, sed ex 'contactu Satanæ tempore de-
mum nativitatis oriri, ait: contra ac B. Ambrosius in Apo-
log. David. c. II. *ANTE QUAM NASCIMUR*, macu-
lamur contagio: *antequam USURAM* lucis, originis ipsius exci-
pimus injuriam. Ab hoc itaque saltem contactu Satanæ, Ma-
riam & Christum singulari privilegio exemptos volunt
Muhammedani; & præterea B. Mariam à convitiis quo-
que illis, quibus Judæi innocentem virginem onerabant,
onerantque, omnimode puram: non verò à peccato ori-
ginali quod non solum in Maria, sed in omnibus omnino
hominibus negant. Vid. *Abimed. p. 153. Hott. hist. Or. l. 1. c. 3.* Sic
& infantibus suis recens natis metuunt à Spectro quodam
תורתם ipsi Judæi, neque tamen moderni admittunt p. o.

§. 3. Et sicuti Judæi peccata חמורות & קלות *gravia &*
levia, quemadmodum & *Pharisei* præcepta in magna &
parva, distinguunt: ita & Muhammedani eadem pecca-
torum distinctione utuntur, in *سماير* scilic. *وحدایر* *gra-*
via & levia. Illa per poenitentiam, id est, per bona opera &
preces cum *Messulianis* & *Euchetis* condonari ajunt: hæc sal-
tem per evirationem majorum; quasi & levia illa sua na-
tura mortalia non essent; contra *Matth. I. c. XII. 35. Deut.*
XXVII. 26. Rursus autem cum *Novatianis*, (*Euseb. l. 7. hist.*
Eccl. c. 8.) & modernis *Socinianis* docent: Deum gratiæ ostiū
sic occludere, ut prorsus nulla veniæ aut misericordiæ di-
vinæ recuperandæ spes sit, contra *Es. I. 16. 17. Ez. XVIII.*
23. XXXIII. 11. Matth. XI. 27. Job. I. 29. III. 16. 1. Pet. III.
9. II. 1. 2. 3c. Quænam autem peccata ea sint, non definitur:
unum tamen eorum est *بى دشتري* *Si quis Deo socum,*
1 3 id est,

id est, filium assignavit. Audisse impostorem vult *Lud. Viv.*
l. c. p. 465. aliquid de peccato in Spiritum sanctum ex *Matth.*
XII. 30. Heb. VI. 4. seqq. X. 26. I. Joh. V. 16. indeque factam
 errori originem.

ARTIC. VI.
DE LIBERO ARBITRIO.

§. I.

L Abefactatâ ita verâ doctrinâ de providentiâ divînâ, & peccato originali, non poffunt de viribus humanis in fpiritualibus, rectè fentire. Unde & in diverfa abeunt; eodem ducti, quo Muhammedes Spiritu vertiginis. Vid. fupra Artic. 3. §. 1. 2. Sunt præterea quidam inter eos, *Gjabrat*, à *جابر* hoc eft, *vicit, fuperavit, coëgit*, fic dicti, quod nullam prorfus homini eſſe libertatem contendant, ſed eundem cogi à Deo in quibusvis dictis & factis, tam bonis, quàm malis. Contra Num. XXX. 14. II. Sam. XXIV. 12. I. Reg. III. 5. II. Act. V. 4. Rom. I. 16. 32. II. 14. 15. I. Cor. X. 1. ſeqq. &c. His oppoſiti ſunt alii, *Kadrei*, à *كدر* potuit, prævaluit, quaſi *Potentiarum* dicti, quòd homini *ωπείκτο* & abſolutum quoddam dominium tribuant, tam bene quàm malè agendi: uti & *Μοταχλιτæ*, *Phariſæi* & *Separati*, qui & hominem poteſtatem habere ajunt ſequi quantum velut in lege, præcepta, interdicta, retributionem bonam, pœnam, &c. Item *Hanſæi*, *Οξοφίλæ* ſeu *Meditativi*, & plerique omnes. Commune enim *Juſtitiariorum* omnium eſt vitium, ſanam Eccleſiæ ſententiam delibero Arbitrio evertere. Quæ quænam ſit, à Noſtratibus abunde demonſtratum eſt. Nos hac vice ſaltem opponimus *Joh. VI. 44. XV. 5. I. Cor. XII. 3. Phil. I. 6. &c.* Cæterùm de Schiſmatibus & hæreſibus Muhammedanorum videri poſſunt *Hott. hiſt. Or. L. 2. cap. 6. Septem Caſtr. c. 20. Enſtinus de geneal. Muhammed. c. 40.*

ARTI

ARTICULUS VII. DE LEGE.

§. 1.

DE lege Dei gravissimos fovet errores. Primò enim contra expressa mandata Dei, *Dan. IX. 27. Act. X. 11. XV. 9. seqq. Gal. II. 13. IV. 10. seqq. V. 1. Heb. VII. 12. seqq. II. 8. seqq. X. 1. &c.* in Judæorum gratiam ex lege ceremoniali plurima, vel servat, vel nova ad ejus formam instituit. Et I. quidem ritibus publicis, quantum (α.) ad res, servat adhuc Vet. Test. Sacramenta, circumcisionem & agnum paschalem, ut mox dicetur: item Sacrificia, Vid. *חובט ר.* Benjamin. pag. 68. *Joh. And. Confus. Scit. Nuham.* pag. 18. *Sionit. de morib. Orient.* 35 seq. Unde decimum diem ultimi mensis *סדרה* vocant *סדרה* diem Sacrificiorum, vel *סדרה* Festum Sacrificiorum: ubi in magna copia, arietes, capræ, oves mactantur, talesque mactatas pecudes in extremo judicio affuturas & pro dominis intercessuras, miseri credunt. Quidam verò non propriè hæc Sacrificia, sed tale quid, quod veterum *ἀγῶνας* respondeat, esse autumant, ut *L' Emperour ad Itiner. Benjam.* pag. 187. & alii. (β) quoad locum. Ad imitationem enim templi Hierosolymitani hic instituit suum Mecaum, ab Angelis si credere fas est, ædificatum & ab Abrahamo summâ veneratione cultum. Vid. *Hornbek. Sum. Contr.* pag. 151. & seqq. Sur. VI. illucque Sacras *רגלי* peregrinationes. *ib. p. 160.* uti & *סדרה* (γ) Observationem faciei inter orandum, idque ad centrum ejusdem fani, ad *χρυσήλια* I. Reg. II. 48. *Dan. VI. 10* si exaudiri velint, sanxit. (δ) Tempora Sacra. Eaque vel hebdomadaria; ut diem Veneris, loco Sabbathi Judæorum, & diei Dominicæ Christianorum. Idque, vel quia Veneris cultor olim fuerat, vid. *autor de hæc. Heracli ac princ. & lege Nuham.* p. 14. vel quia natus imò,

& Rex.

& Rex eo die declaratus sit, vel quia alia peculiaris eius diei
 sint. *Hornb. p. 156. Fortal. Fid. fol. 211. a. vel Anniversaria,*
 uti est, v. g. Jejunium illud magnum (ﷲ, Ramadan,
 quo integri mensis decimi, dies quidem in orationibus,
 jejniis & jejuniis (ut vocant) alis, eleemosynis exigunt,
 noctes verò in amplexibus, comestationibus & tripudiis.
 vid. quæ scripsimus *part. 1. c. 2. §. 19.* Quod festum, Judæo-
 rum כפורים seu expiationum, de quo vid. *Synagog. Jud.*
Buxtorf. p. 367. vel, ut Pontificii Scriptores ipsi volunt,
 suæ quadragesimæ, respondet. Hunc afflictionum mensē
 excipit festum Paschale triduanum, quod illi *Ulubairam* vo-
 cant. Tunc enim, non in memoriam agni paschalis pro no-
 bis mactati, *I. Cor. V. 7.* id est, Christi, sed arietis illius, quem
 Abraham loco Ismaelis (ita enim illi pervertunt *Gen. XVII.*
13.) obtulit, multos arietes mactant. Imprimis verò Sulta-
 nus ipse, linteo præcinctus, arietē aliquem egregium trans-
 figit: quem equo impositum ad Regnam quāniocysime
 deferendum curat, hunc, quod si illa vivum adhuc videre
 contigerit, illud felix totius anni omen interpretantur.
 Hastiludiis deinde reliquum festum peragunt & pergræ-
 cationibus: Imprimis autem nocte illa, qua Alkoranum de
 cœlo descendisse credunt, in Meskitis suis, id est, templis
 (à ﷲ adoravit, quod & in Bibliis nostris Hebraicis *Es.*
XLIV. 15. 17. 19. XLV. 5. in eadem significatione occurrit)
 pervigiles garriunt, potant, lymphatique discurrunt. Sexa-
 gesimo ab hoc die celebrant aliud festum minus, *Religiostum*
 dictum, id est, eorum, qui religionis causâ Meccam ad
 sepulchrum Pseudo-Prophetæ proficiscuntur. Vid. *Sar. II.*
LVII. &c. Atque hæc de ritibus ad modum legis abrogatæ
 ceremonialis, publicis. De quibus Jehova, *Matth.*
XV. 9. dicit: *frustra colunt me, docentes mandata hominum.* Et :

num

num tale jejunium erit; אֲבָרְרָהָ quod ego elegi, Es. LIX. 5. & seqq.
 Conf. Es. I. 11. 12. 13. XXIX. 13. Jer. VI. 20. Amos V. 21. seqq.
 Mich. VI. 6. 7. Zach. VII. 5. 6. 7. &c.

§. 2. At vero quantum ad *privatos ritus*: è Judaismo traduxit I. *Varias Species lotionum*, quarum alia *politica*, est, quæ post alvum aut vesicam levatam utuntur: alia *sacra & expiatoria*. Ab eaque una minor *Abdam* vel *Abdas* dicta, in qua Meskitas suas ingressuri, vel aliàs Orationibus vacaturi, frigida, quinque potissimum organa sensuum abluunt; aut aquâ deficiente, *quatuor*, i. e. humo fossilia, arenâve eadem defricant, quod Arabes *Tajammam* vocant. Facit hæc ad levium delictorum remissionem. Altera *Major*, qua totum corp9 & singula membra operosissime abluuntur, imò ungues præsecantur, & pili (ne quid sordium inhæreat) penitus abraduntur; exceptis iis, quæ ad ornatum faciunt, ut barbâ in viris, comâ in mulieribus. Et hanc in gravium peccatorum expiationem instituunt. Vid. *Sur. IX. XII. XIX. Cocov. Itin. pag. 344. Septem-Castr. c. XIII. Similia de Judæis*, apud Buxi. in *Synag. Jud. cap. 4. pag. 127.* & imprimis de eor9 secta, *Hemerobaptistis*, apud Epiph. *contra heres. l. 1. Tom. I. c. 17. Damasc. de heres. p. 457. Contra Heb. IX. 13. 14. c. X. 22. Eph. VI. 5.* è Ritibus privatis observat II. *Discrimen ciborum*. De quo Surat. Bacara ita: *Prohibetur vobis* وَاَلْمَيِّتَ *morticinum* وَاَلْدَّمَّ *et sanguis* وَاَلْحَمَّ *et porcum* وَاَلْخَمَّ *et vinum* (ad verbum: *et super quod laudes dictæ sunt aliis, quàm Deo.*) وَاَلْمَوْقُونَ *et suffocatum* وَاَلْمُتَرْنَ *et projectum* (fortitan rectius, *de calo tactum*) وَاَلْمُطْبَخَ *et cornu percussum* وَاَلْمُتَرْنَ *et de quo quodcumque decerpit fera.* Hæc ex Levitico desumpta, à Judæis etiamnum observari, dubium non est. Cæterum scrupulum hic injicit Locus, *Act. XV. 28.* ubi Idolothyitis, sanguine

K

guine

guine & suffocato gentiles conversi etiam in N.T. prohibentur; quemadmodum etiam Lud. de Diu Impostorem respexit illuc vult, in notis ad h. l. Unde alii (uti *Ambros. Tom. 5. in Gal. 2*) τὸ πικτὶν à Sophistis Græcorum infartam existimant, prout nec *Irenæus l. 3. c. 12.* nec *Cyprianus l. 3. ad Quirin. c. ult.* legisse videntur. Alii ad tropos confugiunt, & illud quidem τὸ πικτὶν de rapina exponunt; Vid. *Thom. l. secunda quæst. 103. art. 4. τὸ αἷμα* de homicidio, uti *Chrysostomus Hom. 33. in act.* *Tertullianus*, *Cyprianus*, *Theophylactus &c.* quam expositionem & intactam relinquit *Augustinus T. 6. l. 32. contra Faustum c. 13. πορνείαν* verò de spiritali scortatione, id est idololatria. Sed non opus est recedere ab integritate textus, aut verborum proprietate, sine urgente causa. Alii verò esum sanguinis, non juris ceremonialis, sed naturalis volunt, atque inter septem præcepta Noachi *Gen. IX* referunt, quæ omnes omnino homines obligent. Vid. *Schickardum in משפט המין c. 5. th. 17. pag. 128.* item *Excellentissimi Dn. Joh. Frischmuthii, Lingg. Sacrarum in inclyta hac Salana Prof. celeberrimi, dissertationes duas de septem Noachi præceptis.* Unde in Ecclesia primitiva est observata hæc lex de sanguinis abstinencia omnimoda, adeò, ut eandem veluti clypeum contra Thyesteas epulas, quæ Christianis ab Ethnicis objiciebantur, Patres confidenter opponerent. Vid. *Tertullianus Apolog. I. Euseb. l. 5. hist. Eccles. c. 1 Minut. Felix in Octavio. Canon. Apost. 63. Novella 48. Leonis, Origenes contra Cels. L. 8. Synod. VI. in Trullo can. 67. &c.* Quamvis verò tempore Augustini labascere cœperit hæc consuetudo, ut ex loco ejusdem Beati Patris iam citati patet, & post Concilium Carthaginense & Wormatiense, ammorante *Baronio Tom. 1. annot. ad A. C. 51. § 24. pass. 406.* desueverit: in Orientali tamens seu Græca etiamnum observatur. Quin in Occidentali Ecclesia, etiamnum, non solum *Weigelia-*

nos, sed & nonnullos alios, idem locus dubios reddidit. Verum eximit scrupulum D. Paulus, *Rom. XIV. per totum, 1. Cor. II. X. 25, 1. Tim. IV. 4. Tit. I. 15.* Unde concludendum est: Synodalia hæc præcepta, *Act. XV.* (excepto eo, quod de fornicatione est, vid. *1. Corint. VI. 9. 1. Thess. IV. 3. Eb. XIII. 4.* ut & altero illo: *quod tibi non vis fieri, alteri ne faceris;* quo & pro Symbolo usus est *Alexand. Severus Imperator.* Vid. *Ælius Lampridius* in ejus vita p. m. 311.) non perpetua esse, sed saltem temporaria, pro statu illorum temporum, ne Judæi, Leviticæ munditiæ diu jam innutriti, gentium libertate in convictu offenderentur; adeoque non respexisse Apostolos ad legem vel Mosi, vel Noacho datam, sed ad legem Charitatis & ad evitacionem scandalî. *1. Cor. II. X. 13. Matth. XII. 7.* Atque de cibus hæcce.

§. 3. Caterum in *Potibus*, voluit hic egregius, suos perpetuos esse Nazaræos. *Vino* enim (quod tamen in paradiso largiter pollicetur) eis interdixit. *Surat. III. XIII.* At præceptum hoc servant, ut canes (quod verivertio dici solet) juniam. Vid. quæ diximus supra *part. I. c. 2. §. 20.* Conf. *Elm. I. I. c. 8.* Similiter & *fructibus palmarum & uvæ*. Verum de *uvæ* meretur videri *Busbeq. Epist. 4.* Causas verò quare vinum prohibuerit, referunt varias. Alii dicunt, Angelos *ملائكة* & *قهارون* occasionem huic rei dedisse. Vid. supra art. 2. §. 2. Alii causam assignant Politicam, ne scil. arcana sic Reipublicæ exteris per ebrietatem divulgentur. Alii Ecclesiasticam, ut ita suos ab usurpatione S. Coenæ arceret. Vid. & aliam apud *Busbeq. Epist. III. lege Tre. &c.* Quicquid sit: vinum modicè sumptum, Deum non offendit. Vid. *1. Tim. V. 23. Psal. CIV. 15. Matth. XXII. 29.* De *Severianis & Eneeratis*, ejus hac in parte complicitibus, vid. *Epiphani. heres. 45. 46. Osiand. cent. 2. l. 3. c. 14. 15.* Atque hæc de lege Ceremoniali.

K 2

§. 4.

§. 4. Nunc *secundò* ad *Moralem*, quam nec minus misere,
quantum in se est, disperdit: Nam (I) interiorem illam obe-
dientiam, quam lex divina requirit juxta eam Pharisaïs
veteribus (vid. Sur. XVII. & c.) & Judais hodiernis, aliisque
omnibus, qui per opera justificari volunt, ignorat, aut à
Deo pensi haberi negat, dummodo homines ab exteriori
se contineant maleficiorum exercitio. contra *Exod. XXIII.*
4. 5. Lev. XIX. 18. 17. Deut. VI. 5. XXVII. 26. Pr. XXV. 21. Rom. VII.
21. & c. (II.) Præcepta ipsa, etiam quoad exteriorem obser-
vantiam, profane truncat. Et *primum* quidem præceptum,
dum ementito cultu & *εὐταλμασιν* hominum, Deo servire
suos docet, contra *Matth. XV. 9.* (uti ex superius dictis ex
parte jam patet) præter id, quòd à vera invocatione Filium
& Spiritum sanctum sacrilegè excludat. Imprimis autem
imaginibus, unà cum Magistris suis *Judeis* (vid. saltem *Jo-*
seph. l. 15. Antiq. c. 11. lib. 7. c. 8. l. 18. c. 4. 7.) nimis offensus
est, adeò ut nullo etiam in loco eas depingi sectatores ejus
finant. Vid. *Thomas à Jesu de convers. gent. l. 10 p. 706. Canta-*
cuz. Apol. 3. pag. 61. seq. Septem-Cast. c. X. Busbeq. Epist. I. Bel-
larm. l. 2. de Imag. c. 6. Imò ne nummos quidem suos imagi-
nibus insigniunt, sed saltem literis, teste *Luthero in libro vom*
Krieg wieder den Türken. Unde nos Christiani æquè
sumus omnes illis in viti, quasi imaginum & simulacrorum
cultores, propter quosdam è Christianis, qui easdem co-
lunt: pariter ac quod propter eandem rem nos Mariam pro
una Trinitatis persona habere existimant. Vid. *Sur. 13. &*
Epist. Isphac. Id quod tempore Muhammedis præter alios,
& Collyridianos fecisse, testatur *Epiphanius l. 3. t. 2. bar. 75.*
77. Nec id etiamnum, prohi dolor! desit. Quæ res infide-
les non parum à vera fide suscipienda absterret. Extra ta-
men scandalii causam, placet nobis illud Gregorii Magni,
Episcopi circa tempora Muhammedis, Romani, *l. 9.*
Epist.

*Epist. 1. Si quis imaginem FACERE voluerit, minimè prohibe: ADO-
RARE vero imagines, omnibus modis devisa. Idque ex fun-
damentiis Exod. XXV, 18. I. Reg. VI. 23. seqq. Ad. XXII. 1. &c.*

§. 5. Circa secundum præceptum notabilis est eorum
error, quem dubio proclab iisdem suis Magistris, Judæis
puta, Muhammedes imbibit, cæteri què sequuntur; scili-
cet quòd per res alias, quàm per Deum (contra Deut. VI. 13.
X. 20. El. XLV. 23. XLIX. 1. LNV. 16. Jer. IV. 2. 2. XII.
16. Matth. P. 34. seqq. XXIII. 16. &c.) jurent. Ex quibus
duobus dictis postremis satis notum est, jam tum Christi
tempore illum impium morem invaluisse in Judaismo; ju-
randi scilicet per cælum, per terram, per Jerusalem, per caput.
Et sicut de Ethnicis Juvenalis — Nondum Græcis jurare pa-
ratis — Per caput: ita de his suis popularibus Philo Ju-
dæus πατὴρ καὶ ἀδελφοὶ καὶ ἐννομῶν testatur, quòd per πατὴρ
ἡμεῶν καὶ ζώων ὑγιάν καὶ εὐτυχίαν jurarint, πατεδευτικῶν δὲ
τῶν υἱῶν, parentum quidem vi uorum SALUTEM & prosperam
SENECTAM, de fundorum uerò MEMORIAM, quem morè
non deseruisse cæteros, vel Martialis sufficit testis, dum l. 9.
Epigramm. 95. canit:

Ecce negas, jurasque mihi per templa Tonantis:

Non credo, jura serpe per Anchialum.

Cujus distichi vocem ultimam crudiū varie exponunt. Alii
enim per Anchialum vel puerum intelligunt, vel urbem, vel
ludum, ejus meminit Balsamon ad Concilii VI. can. 51.
Ubi tamen Scaliger de emend. tempor. in proleg. ut & Voss. hist. Pe-
lag. l. 5. parte 2. Ἀχιλλεῖα legunt. Alii, idque non sine causa
hanc ex Hebræo sermone vocem corruptam existimant:
sed id modo non uno, eodemque. Samuel n. Petrus Var. Lect.
putat, descendisse ἐκ τῶν ἑβραίων Thomas Fornab. ex אֱחִי אֱלֹהִים
Selden. præf. Success. in bona defunct. ad II. Hebr. ex יִפְרַע חַי
עוֹלָם vindicet, qui in æternum vivit, qui habet ἑκατόν ὅμματα,

ut ait Homerus, ut & Paulus *Rom. XII. 19.* Nobis non dif-
 ficer sententia Hackspanii, qui Anchialū putat esse *אנכיאל*
אנכיאל ex *Num. XIV. 21. Conf. Deut. XLII. 40. Dan. XII. 7.* In-
 de enim Dei Epitheton *אנכיאל*. Alias jurabant *נחית*
נחית per Regis vitam, *נחית* per coronam Regis; apud
 Cassium l. 44. *τῇ ὑγιείαν καὶ τῇ τύχῃ* Caesaris, qui mos ὁμοῦ
 βασιλεὺς dictus est, *Sueton. l. 12.* Jurabant & Judæi per Deca-
 logum & libros sacros, R. David Kimchi ad *Es. II. 20.* Sed
 ad Muhammedem nostrum. Magistros itaque suos
 imitatus, jurat quoque hic Veterator per res va-
 rias, utpote per Angelos, per Alcoranum, *والقرآن*
 per Cælum signiferum. (id est, Zodiacum, aliquando juxta
 Muhammed Ben Achmed in Alcorano descriptum: Sicut
 & Vettius Valens Antiochenus lectorem Floridorum
 suorum adjurat: *ὁκίω σε ἐν τῇ συντάξει θεῶν ἀπὸ ἡμετέρας*
χρὺς καὶ διὰ δὲ καὶ ὡδὴν) per domum excelsissimam per nubes per au-
 roram, per navis æquore currentes: & quid non? Imò, & per ipsos
 Demones. Vid. *Sur. 62. 63. 66. &c.* passim alias Sic & Ach-
 med Turc. Imp. Anno 1604. fœdus cum Henrico M. Gal-
 lorum Rege iuratus: per *VERITATEM*, jurat, Magni Dei
 &c. mox per animas *AVORUM* suorum & *PRO AVORUM*.
 Sultan Suleiman verò, Ben Selim, cum Ferdinando I. Imp.
 Rom. per *VERA SIGNA* magni & venerandi Prophetæ
MUHAMMED. Quin Surat. *LXXIX. والسموات*
والارض والعرش العظيم
 Per calamum, & id, quo scribunt vel lineas ducunt, scilicet ju-
 ro, quòd tu, per gratiam Domini Tui, non sis Demoniacus Ubi
 impostor & Deum (uti & gentiles suum Jovem, per sty-
 giam paludem &c.) per tales res leviculas jurantem in-
 troducitur; cœu & alibi passim. Aliud verò D. Paulus *Heb.*
VI. 13. ἐπεὶ καὶ ὁ θεὸς εἶχε μείζονα ἑμῶν ὥστε καὶ ἑαυτῶν.
 Sed

Sed quid mirum de Muhammede? habuit domi, unde id disceret, scilicet Judæos. Nam non solum ipsi per creaturas jurant, uti jam dictum est, sed & Deum ipsum ita pariter iurantem faciunt. Vid. בראשית רבה sect. 48. *Talkut ad Mos.* pag. 23. col. 3. עיר גבורים pag. 48. num. 57. Similiter & reliqua præcepta corrumpit hic depravator, uti v. g. *sextum* per Sodomiam, polygamiam, divortium &c. *septimum* per rapinam, & sic consequenter. Verum ea latius deducere non patitur instituti ratio, nec foliorum angustia. Conf. & ea, quæ supra part. 2. c. 1. contr. 3. § 2. allata.

§. 6. *Tertio*, dum ab iisdem Pharisaicam illam persuasionem acceptam retinet, legem moralem in hac vita posse ab hominibus perfecte impleri: unde & homines ante Christum (nam de aliis alia res est, juxta eum, ut mox dicetur) legis Mosaicæ observatione vitam æternam potuisse mereri; imò & meritos esse; quos Moyses in extremo judicio veluti arriensis aliquis suæ villicationi subjectos, ad rationem patrifamilias reddendam magno numero adducturus sit. Vid. *Colloq. cum Abdia Judæo.* Contra *Exod. XXXIV. I. Reg. II. 4. Eccles. VII. 21. Job. VII. 19. Act. VII. 38. XV. 10. 11. Rom. VII. 14. II. 3. Gal. III. 21. &c.*

§. 7. *Quarto*, dum eandem legem moralem, non solum atque unicam bonorum operum mensuram esse concedit, sed eidem multos ἀπελογητικούς panniculos alluit, uti è dictis aliquatenus constat. Hinc XL. præcepta instituit iis necessaria, qui hortum paradisi ingredi volunt. Vid. *Hott. hist. Or. p. 243.* Contra *Deut. IV. 12. XII. 32. Psal. XIX. 9. &c.* Et de *Judæis* idem velle probare, quid aliud est, quam in meridie ac Sole splendente lumen accendere? Vid. saltem *Buxtorffius in Synag. Jud. passim.* Atque ita circa locum de lege aberrant: qua idèò deducenda paulò fufius censui quia in hoc articulo omnè sui iustificandi vim consistere putant.

ARTI-

ARTICULUS IIX. DE EVANGELIO.

§. I.

Evangeliū (1.) prout id significat doctrinā de gratuita peccatorum remissione per fidem in Christum *ἡ ἀληθινή*, Mundi Salvatorem, Matth. XI. 5. penitus hi infideles negant; cū & Christum Deum esse inficiuntur, nec verē passum dicant, uti ostensum suprà est. Sampſates Isphacanes Persa in cit. Epist. Si Christus Deus erat, & Dei filius, cur non hominem nudo verbo salvavit, ἀλλ' ὡς περ ἀδελφὸν ἐγένετο ἀνθρώπου, & ἀπέθανεν, ἵνα σώσῃ τὸν ἄνθρωπον &c. Quales Iosephos & in Socinianorum scriptis reperies. e.g. Quod nulla necessitas aut ratio fuerit, ut filius Dei morte sua satisfaceret, cū sola iussione hominem liberare potuerit à Diabolo &c. Convenit itaque utraque secta in eo, scilicet Christum venisse, ut hominibus doctrinā saltem & exemplo præluceret ad vitam æternam. Contra Matth. I. 21. XLIX. 11. XX. 28. Joh. III. 16. I. Tim. II. 5. Heb. II. 14.

§. 2. Prout verò Evangelium (2.) accipitur pro Christi in N. T. ministerio, illud non ignorant, sed corruptā ex Græca voce *Ἐὐαγγέλιον* Ingil, id est Evangelium vocant, occurritque multoties tam in Alkorano, quā alibi. Verū hoc, non nisi pro quadam lege habent, Christumque unā cum Sociniano & aliis pro novo quodā legislatore, contra Mat. IV. 17. Joh. I. 16. Gal. III. 23. IV. 4. &c. Placet hac de re audire Septē Castrensem, qui cap. XIII. ita ait. Communis opinio ferē omnium Turcarum talis est de lege eorum. Dicunt enim, primum Prophetam magnum, cui data fuit lex primitus, à Deo fuisse missum, id est, Moſen, cui datus est liber Teſrit, quem nos Pentateuchon vocamus, & omnem hominem, qui EO TEMPORE ipsam legem observasset, salvatum

salvatum esse. Cum autem per successum temporis humana malitia & negligentia hanc legem corrupisset, in hujus prævicationis remedium electus est secundus Propheta Dait, quem nos David dicimus; cui datus est liber Ezabab, quem nos Psalterium vocamus. Quo prioris modo servato & corrupto, tertius Propheta magnus subjunctus est JESSE, id est, JESUS, cui tertia LEX cum libro Inzil, quem nos Evangelium dicimus, missa est, quæ SUIS TEMPORIBUS omnibus causa salutis fuit. Ea tandem præcedentium modo evacuata, quartus electus est Muhammedus, qui legem cum libro, qui Alcoranus dictus est, à Deo accepit. quæ (evacuatis omnibus ante habitis) sola necessitatem salutis, donec alia supervenerit, plene & indubitanter ab eis prædicatur & dicitur habere. Ex quibus patet, eos Christum non nisi pro legislatore habere, & legem suam hominibus observatu ad salutem necessariam dedisse; cum aliam viam, quàm per opera legalia, salvandi ignorent. Confer. Surat. V. & XII.

ARTICULUS III. DE POENITENTIA.

§. 1.

UT autem de salubribus suis institutis, legibus & præceptis, imò & exteriori disciplina (in qua servanda nos Christianos nonnunquam multis parasangis antecedunt, confer suprâ part. 1. cap. 2. §. 18. adeoque nos vulgò *حقير* *hues* per contemptum vocant.) & sanctitate immensum quàm gloriantur! vident tamen, neminem mortalium esse, qui non peccet, unde vulgari (uti & David ait *Psal.* XIV. 1. LIII. 3.) *πασιμις*, cujus elegantiam ob Rhythmum Latine nequimus exprimere, hoc frequenter in ore habent: *آل نساوان (ابن) النقصان*
Filius minis, Filius erroris delicti, exorbitationis. Summa itaque

L

que

que illis cura, ex hoc naufragio enatandi. Sed quò minus id salubriter fiat, impedit illorum partim *cæcitas*, partim *Pharisaicus fastus*. (1.) Enim absolutam quandam in Deo misericordiam sibi miseri imaginantur, qua Deus sine ulla sufficiente accepta satisfactione, sine intuitu & merito Christi (quod negant & rident) hominibus peccata condonet, contra *Psalm. VII. 1. IX. 5. Gen. II. 17. Prov. XIX. 15. Eb. IX. 22. Act. IV. 12. Paulum ad Rom. & Gal. III. & IV. capp. Rom. V. 10. I. Joh. I. 29. II Cor. IV. 18. 19. &c.* Quod dogma, uti & cætera quàm plurima, satis ostendunt affinitatem Socinianorum & horum infidelium. Hinc *Johanni Paulo Alciato & Adamo Neussero*, deserto Socinianismo, dignissima visa est religio Muhammedana, quam proximè amplecterentur; ob convenientiam scilicet dogmatum. (2.) Hujus tamen misericordiae spēs de remissione peccatorum nulli faciunt, nisi pœnitentia, quantum in se est, demeruerit, hoc est, de peccatis doluerit, veniam suppliciter rogarit, Eleemosynis, peregrinationibus & aliis electivis operibus Deum placarit. Et hujus pœnitentiæ, dici non potest, quantam vim meritoriam effedicant! unde *آلتائب عن ذنب* *آلتائب عن ذنب* penes quem pœnitentia est, ejus peccata sunt tanquam non essent peccata. Quod a. Deus ejusmodi opera pro satisfactione acceptare velit, absolutæ ejus gratiæ acceptum ferendum ajunt, ut diximus.

ARTICULUS X.

DE JUSTIFICATIONE.

Hic errorem periculosissimū, & (ut Tertullianus eum vocat) *salutis deporativum*, cum veteribus & recentioribus justitiariis errant. Justificationem enim sui coram Deo, in bonis operibus & legis observatione collocant. Fidem reperies

reperies quidem in illorum Scriptis nominatam, sed per illam non intelligunt, nisi notitiam aliqualem historicam, scilicet esse Deum, esse librum, scilicet Alcoranum, & Muhammedem à Deo missum, fore resurrectionem & vitam æternam &c. Hincque intuitu mercedis, bonis operibus miscelli homines incumbunt; quæ tamen nihil aliud sunt, quàm, (ut B. Augustinus in re simili loquitur) splendentia peccata. Surata V. Qui credunt & bona opera faciunt, mercedem eis Deus tribuet. Unde sæpè dicitur in Alcorano, apponendas esse in extremo iudicio lances, quibus Gabriel Archangelus sit præficiendus, adque eas omnia cujusque bona opera examinaturus. Cuicunque igitur pondus B. O. præponderaverit, illum vitam victurum optimam, docet: cui verò leve contigerit, in ignis fervidi præcipitium ruiturum. Sur. CXI. & passim. Et hic error, quasi hæreditarius quidam morbus *Judaïsimo*, ubicunque tandem terrarum versanti, semper adhæsit, adhæretque. Unde & primarii illorum sectarii à bonis operibus sibi nomina imponi voluerunt; *Essæi* quidem ab עֲסָא fecit, *Sadducei* à סַדּוּכַי justus fuit q. *Justitarii*, *Pharisæi* à פָּרִישִׁי separavit, quod sc. πεποιθότες ἐφ' ἐαυτοῖς ἐτίθει. διχαῖοι, ὅς ἐξ ὁρῶν νῆς τὰς λοιπὰς, se ab aliis segregarent. Luc. XII. 9. & seqq. Et dolendum est, multos Christianos etiam nū in ead voragine natari, contra Mar. IV. 20. Luc. XVII. 7. Actor. XV. 10. Rom. III. 20. seqq. IV. 2. seqq. V. 15. 17. 21. X. 3. XI. 6. Gal. II. 26. 21. V. 4. Eph. II. 8. Philip. III. 9. Tit. III. seqq. &c.

ARTICULUS XI. DE SACRAMENTIS.

Hic præcipui illorum sunt errores. (1.) quòd V. T. Sacramenta retineant. Circumciduntur enim mares post annum nonnum, 10. &c. potissimum verò circa annum, XIII. exemplo *Ismaëlis filii Abrahami*, ut ait *Cotovic. Itiner. pag. 123.*

L 2

Sed

Sed quam ad causam utantur circumcisione, non ita inter omnes convenit. Alii enim volunt, hoc fieri in remedium culpæ & peccati: sed negat hoc Septem - Castr. c. XXI. eo quod de Originali peccato penitus apud eos *IGNORETUR* quid sit, sed solum pro quadam superstitione, scilicet habeatur. Sic & de filiis incircumcisis, quando moriuntur, non sollicitudine de salute illorum ulla tanguntur. *Ibid.* confer *Christoph. Ricerius de moribus Tarc. in descript. Arab. pag. 92.* Putant ergo Septem - Castr. & alli, propterea præscindi præputium, ne sub illa pellicula in litionibus aliquid hæreat, adeoque sic lotio reddatur invalida; quem in finem etiam præscindunt ungues, & abradunt capillos. quam anxietatem, vide & in *Judeis* apud *Buxtorf. in Synag. Jud. pag. 93.* Alii Muhammedanos circumcisionem ex more saltem recepto, apud plurimos in Oriente populos observare volunt: unde nec Prophetam ipsum circumcissum fuisse, nec in Alcorano ea de re quid præceptum, dicit auctor de *Heresi Heraclii &c. pag. 13.* & Saracenos jam olim circumcisos fuisse, testatur satis clarè *Epiphanius hæ. 30. p. m. 133.* his verbis: *Quid verò jactat Ebion circumcisionem? quando etiam Idololatra & scelerati Aegyptii circumcissionem habent. Sed & Saraceni, qui & Ismaelita, circumcisionem habent, & Samaritæ, & Idumæi, & Homeritæ. Plerique verò ex his non propter legem hoc faciunt, sed temeraria quadam consuetudine. Confer Joseph. l. I. antiq. c. XII.* Sic Coptii seu Aegyptii etiam fœmellas circumcidebant, non legis sed honoris causa, ut ait *Seid Ben Ali.* Item *Aethiopes & Colchi.* Vid. *Horod. in Euterpe. Diodor. Siculus l. 2. & 4. Origenes lib. I. contra Celsum. Ambros. l. 2. de Abrah. Clemens Romanus recogn. l. 8. Bohemus de moribus gentium &c.*

§. 2. Quæ causæ, vel conjunctiones omnes possunt; vel etiam præterea vero non est absolum, quòd hoc solenni ritu.

ritu velint parentes filios suos inaugurare ad publicam *Muhammedanz*, observationem. quemadmodum & in hodiernis *Judeis* simile quid observavit *B. Helvicus in Elench. Jud. 5. q. 2. §. 12.* Nam & tempus convenit, scilicet annus XIII. (præter propter) & causa, quod peccatum originale utrique negantes ante id ætatis hominibus propriè non peccare dicant, & cum infantes, quid agant, intelligant, & simul fidei professionem (scil. *أشهد أن لا إله إلا الله محمد رسول الله*) non est Deus, nisi Deus ille, scil. verus, & Muhammed Apostolus ejus) cum rationis usu testentur, ut ait *Sionit. de morib. Orient. pag. 78.* Sic & feminæ eadem verba confitentes, *Musleman* efficiuntur, uti testatur *Barthol. Georgievitz l. 2. de moribus Turcarum*: Non verò patiendò circumcisionem, uti vult *Gabriel Sionita c. 15. descript. Arab.* Fit autem circumcisio magna cum solennitate & lætitiâ, vid. *Georg. loc. cit.* & cum Muhammedes Amurathis III. filius anno superioris sæculi 52. d. 28. Maji circumcideretur, inauditam sæculo nostro factam fuisse pompæ magnificentiam, in plurimorum exterorum legatorum præsentia, meminit *Bucholzerus ad ann. cit.* Quicquid sit (Nam ignorant ipsi, ut *Septem. Castr. l. c.* ait, cum de hoc & quibuscunque aliis, interrogati fuerint scilicet Muhammedani, ne ignorantia eorum notari possit, involvunt sententias, & quodam obscuro modo loquentes, velamen obducunt excusationis &c.) novimus, circumcisionem in N. T. abrogatam esse, adeò ut Paulus scribat: *si circumcidamini, Christus vobis non proderit. Gal. V. 2. confer. c. IV. 31. VI. 15. &c.* Quod & contra *Æthiopes Christianos* observandum, qui etiamnum circumciduntur: testibus *Chytræo de Eccl. Orient. Phil. Nicol. l. 1. de regno Christi. c. 1. ubi & Jacobitæ*, & quidem in utroque sexu. Vid. *Thom. à Jesu l. 7. pag. 1. cap. 14. De Paschate illorum jam egimus supra art. 7. de Lege. §. 1. Nam*

arietes illos tempore Paschatis mactatos, resurrecturos in extremo iudicio, & intercessuros pro iis, à quibus immolati sunt, & dum Archangelus Gabriel in examinandis ad libram operibus hominum bonis & malis occupatus est, superpondii vicem subituri sunt. Vid. *Joh. And. Confus. Muhammed. pag. 77.* (2.) *Sacramenta N. T. v. Baptismum & Sacram Coenam divina illa obsequia fidei & remissionis peccatorum* (*Matth. XXVI. 28. Marc. XVI. 18. Joh. III. 5. Eph. V. 27. Tit. III. 5. I. Sect. III. 20. 21. &c.* cum *Manicheis*, fonte illo Muhammedismi, uti Danaus illos vocat, cumque *Mesfalianis*, aliisque veteribus & recentioribus hæreticis, rejiciunt. (3.) dum alia media à Deo non instituta, pro peccatorum expiatione usurpant, v. gr. varias lotiones, peregrinationes, jejunia, de quibus *suprà*.

ARTICULUS XII. DE ECCLESIA.

§. I.

Hic quàm plurimas itidem fovent abominaciones. 1. enim varios habent *Monachorum* ordines, qui castitatis vota voverant. Horum *alii* nudi incedunt, summæque in sanctitatis opinione sunt, eò quod humanâ veluti naturâ exuti, adversus quamlibet frigoris & caloris vim *impugnâs* sint; adeò, ut in rei periculum nonnunquam corpus flammis & ferro offerant, si vera sunt, quæ de illis feruntur. *Alii* cibi & potus abstinentiâ venerabiles sunt. *Alii* silentio; quod ne rumpant, loca frequentata hominibus fugiunt. *Alii* voluntaria paupertate & rerum mundanarum contentu: *Alii* alio sponte suscepto vitæ genere superstitioso, cultum Dei simulant. Unde hi maximè inter se differunt; (1.) *Vestitu*, dum *alii* hoc, *alii* illo genere vestium utuntur. (2.) *habi-*

(1) *habitatione*, urbes alii, alii *cœnobia*, alia sepulchra sanctorū. alii *eremum* malunt. (3.) *Officiis*. Alii, v. gr. religionis causa peregrinantes hospitio excipiunt: *Alia* aquam fontanam obviantibus ultro offerunt. &c. Vid. *Septem. Castr.* ca. 14. *Enustin.* cap. 36. *Mich. Baudiez* l. 3. *hystor. Turc. Gallicè.* *Hospit.* l. 1. de *Monach.* cap. ult. &c. Non tales ordines habet Paulus *I. Cor. XII.* 23. *Eph. IV.* 11. *Tit. III.* 5. Confer. *Num. XV.* 39, 40. *Deut. XII.* 32. *Matt. XV.* 9. *Col. II.* 23. *Rom. XII.* 23. *Eph. II.* 8. *Heb. X.* 25. *Gal. VI.* 10. *Secundo*, preces suas aliaque sacra linguâ Arabica deblaterant, quorum Turcæ minimam quidem partem (Turcica enim lingua cum Arabica, præter ductus literarū, nihil fere habet commune) intelligunt, contra *I. Cor. XIV.* 2. 6. 7. *seqq.* *Tertio*, dum riuus vanos, ridiculos, supersticiosos, è medio gentilismo & Iudaismo petitos, in Ecclesiis suis ut meritorios adhibent, contra monitum Apostoli: *In Ecclesiis* scil. *παιδαγωγους καὶ διδασκαλούς*, *I. Cor. XIV.* 40. Et huc pertinet *Ludus* ille *Examach*, in quo mirandâ quâdam & haud facillè imitabili volocitate corpus suum admodos in festiuitate quadam sua, *Machia*, ita circumgyrant, ut tandem vertigine correpti proni decident. Vid. *Sept. Castr.* cap. 14. Huc pertinet & superstitiosa illa lapidum projectio in sacra peregrinatione *Maccham*: Jubent enim sub iis membris, quæ viri sumus lap illos retrorsum jaccere. Quod quidam in honorem *Mercuri*, quidam in *Veneris* fieri volunt. Vid. *Seldenus de Dns Syr.* c. 4. pag. 285. *Hott. hist. Or.* p. 135. *seq.* *Buxtorf. Lex. Talmud.* in voce *מרקורי*, *Auctor de hæres. Heracii*, pag. 14. *Hornb. in summa contr.* &c. Hæc Sacra servavit ex gentilismo *Muhammedes*, addito commento Satanam eo ipso fugari. Unde & is propterea *المرجوم* *Satan* maledictus; propriè lapidibus percussus, *מרדכי* enim utrumque significat. Quam
enim

enim rem veteres summè execrari volebant, ei lapides impingebant. Unde in atrocissimis sceleribus lapidatio adhibebatur. Quænam autem illa sint, enumerat *Schind. in Lex. ad hanc Rad. pag. mihi 1694.* In medio quoque templo Mechano est lapis, Veneris effigiem habens, *Brachthan* dictus, & is olim ab Ethnicis cultus. hunc itidem jubentur Muhammedani osculari, quòd olim cœlitus è Paradiso delapsus, totam urbem fulgore suo collustrarit, nunc ob hominum peccata amissò, quòdque Abrahamus cum Hagar super eo sit congressus, camelumque ad eundem alligavit filium sacrificaturus. Vid. *Seldenus, aliique suprà citati.*

ARTICULUS XIII. DE MAGISTRATU POLITICO.

§. I.

PRæcipui illorum hîc errores sunt (1.) quòd Imperatores se constituunt summum caput in Ecclesia, adeò, ut qui in odio illorum diem obeant, non habeant, quod de salute sua sperent. Hinc non solum Muhammedes & reliqui Chalifæ ipsimet plurima munera Ecclesiastica administrant, sed etiamnum Otomannidæ se *Principes Mundi* appellant, ob curam scilicet, quam gerunt in rebus divinis. Hinc clamant ad eum: ארנו אור השמאלים וזהר תורתנו *Domine noster, Lux Ismaelitarum, & lumen legis nostræ, ostende nobis fulgorem vultus tui &c.* Qui tandem post multam pompam, conscenso suggesto ligneo, legem sive narrat, victimas & benedictionem impertit &c. Vid. *It in Benjamin. 63. & seqq.* Ubi pluribus hujus Capituli Ecclesiæ pompam & fastum describit. (2.) Quod homines ad fidem suam cogendos docet. Vid. *suprà part. 1, c. 2.* Hinc, ut refert Richardus c. 10. refut. leg. Muham. Quando ad doctrinam conveniunt, ut Saracenorum magister doceat; is qui debet proponere

differunt, quàm dote, & imperio. Vid. Excell. Dn. Joh. And. Bosius, *Histor. in hac Jenensi P. P. Celeb. in Discurs. Academico de Imperio Turcico*, thes. 19. De *Judeis*, ait Josephus, l. 17. *antiq. cap. 2.* πατρὶν ἐν ταυτῷ πλείων ἡμῶν συνεμαίν. Contra Gen. II. 24. Malac. II. 14. 15. Matth. XIX. 19. &c. (2.) Quod ita ductas pro lubitu, καὶ πᾶσαν ἀλλοίαν (sic & olim Pharisei docebant Matt. XIX.) dimitti posse asserat. Surar. 3. 9. 75. &c. contra loca jam cit., quibus adde Rom. VII. 7.

ARTICULUS XV. DE PRECIBUS ET INVOCATIONE.

§. I.

DE tempore illorum orandi, Septem-Castr. cap. XIII. hunc in modum scribit: *Quinque vicibus in die, quinque ad hanc deputatis horis & temporibus, oratio perficitur. Tempus PRIMÆ orationis est ortus Solis, non computando horam, sed accipiendo tempus grosso modo: eò, quòd ipsi nullam artem habent computandi, sed solum instinctu naturali de tempore judicant. (Conf. Busbeq. in Itin. Constantinop. p. m. 34.)* Ista ergo Oratio prima per quatuor Erket & duo Czalamat perficitur. Erket est geminata inclinatio, cum totidem prostrationibus: Czalamat autem est ipsa secreta oratio, quam facit sedendo post quodlibet Erket, cum salutatione à dextris & sinistris, & impressione pacis, quam utraque manu in faciem obducendo facit. Tempus SECUNDÆ Orationis est circa meridiem, quæ decem Erket & quatuor Czalamat continet. TERTIA Oratio in declinatione Solis tempore vespertino fit, & ipsa Octo Erket & quatuor Czalamat habet, &c. QUARTA oratio quinque Erket & tria Czalamat continens, tempus circa occasum Solis sibi vendicat. QUINTA & ultima reliquarum proximior, quindecim Erket & octo Czalamat habet, & post cœnam tardiori hora celebratur. Prima oratio eorū lingua DAGNAGNIAS dicitur.

dicitur, secunda ORLENANIAS, tertia KINDINANIAS,
 quarta ACHSAMNANIAS, quinta JACZINANIAS,
 conf. Georgievitz. l. 2. Sionit. de mor. Or. cap. 15. à Judæis & hoc
 est. hi enim Abrahamum trium temporum orandi faciunt
 autorem. Muhammedes verò magis pius esse voluit; *vici-*
bus que antiquis apposuit duas. Confer Lud. de Dieu ad Act. III.
 1. Non improbamus statum orandi tempus, quippe quo &
 sanctos olim usos novimus. Vid. Psal. LV. 8. CIX. 147 seqq.
 Dan. VI. 10. Act. VI. 1. X. 9. &c. Sed necessitatem servanda-
 rum horarum harum canonicarum improbamus; qua vel
 in mare dejectus potius temporis Canonici, quàm vitæ
 rationem habere, vel mulier in partu, tantisper caput in-
 fantis alio reclinare tenetur, donec demensum hoc pre-
 cum absolvat. Meritum insuper improbamus: quo Deo pre-
 ces numero admetiuntur, ut deblateratis ita iisdem ad sua
 rosaria, h. m. ingredi promereantur hortum paradisi, &c.

ARTICULUS XVI. DE MORTE.

§. 1.

DE novissimis, uti vocant, vasta se aperit mendaciorum
 regio. Nobis in ea non arbores singulas, sed sylvas tan-
 tum ostendere animus est. Itaque de morte (1.) eorum er-
 ror est, quòd peculiarem huic præficient Angelum, quem
 illi ملائكة الموت vocant, id est, *Angelum mortis*; crebra-
 que ejus fit mentio, ut Sur. XXVI. XLII. &c. Hicque ri-
 diculè fingitur Moyse per pomum è Paradiso allatum, ani-
 mam extraxisse. Vid. Doctr. Mach. pag. 194. Hoc verò unde
 mutuati sint, obicrum non est. Judæi enim similia fabulan-
 tur. Nomen itaque ipsum ductum esse videtur ex Prov. XVI.
 14. quem Aben Ezra, R. Salomon & R. Levi de Angelo
 mortis accipiunt, exponuntque: *ira Regis est, instar* (per el-
 lipsin و similitudinis, uti & alibi I. Sam. XV. 23. Prov. XI. 22.)

M 2

Ange-

Angelorum mortis. להסיר האדם מדרך חיים אל דרך המות. *Ube-*
rius verò Angelum mortis describit בית ישראל pag. 256.
 h. m. אמר עניו על מלאך המות שכלו מלא עינים ובשעת
 פתירתו של אדם עומד מעל מראשותיו וחרבו שלופה בידו ושפה
 של מרה תלויה בידו כיון שראה אותה החולה מורעור יפותח את
 פיו וזורק טיפת של מרה לתוך פיו ממנה מת ממנה מסרוח
 מוריקור *id est, Dixerunt de Angelo mortis: quod*
rotus sit oculus, & cum quis in agone est constitutus, stet ad cervicale
agroti, stricto gladio, unde gutta fellis dependet. Simul ac verò æ-
grotus videt ipsum, trepidat aperitque os suum, in quod guttam il-
lam insillat, à qua gutta alter moritur, fit facidus, & pallescit.
 Confer ורה עבודה c. i. Sicque explicant illud *Exod.*
XI. 7. לא יחרץ כלב לשנו. *Non movit canis linguam suam.* Nam,
 ut est in l. חסידים num. 12. 45. seq. כשהכרים רואין מלאך המות
canes cum vident Angelum mortis, fient. Qui canum
ante funera ululatus, nec quibusdam superstitiosis aniculis
probatur esse de nihilo. Arabibus vocatur Adriel: Hebræis
 Hebræis verò סמאל Vid. *Buxt. Lex. Tal. Rad.* סמאל. *More*
Nervoch. l. 2. c. 30. &c. In Paraphrasi Chaldaica רופא à silen-
 do, *Psal. LXXIX. 49. & CXL.* Et in lib. *Tobia cap. III. 8. 20.*
 אשמוך *ἀσμοδῶνος à perdendo.* Plura de hoc commento vi-
 de, si placet, ap. *Lud. Ver. lib. sæpius citato de Ver. Fid. Chr.*
 pag. 476. & seqq.

§. 2. Ab hoc Angelo mortis non solum animas extra-
 hi è corporibus in hoc seculo fabulantur, sed & illas ipsas
 in extremo iudicio ab eodem interimendas nugantur, a-
 deò, ut præter Deum nullum detur vivens. in lib. cit. Doct.
 Machom. contra *Eccles. XII. 7 I Cor. XV. 25. 32. seqq. I. Pet.*
IV. 19. Apocal. XXI. 4. &c. Hocverò alleville nugatori vi-
 detur Arabiana hæresis, de qua *Esebius lib. IT. hist. Eccles.*
c. 36. hunc in modum: ὁ δὲ ἀνθρώπων ψυχὰς τῶν ζώντων

ἐν ταῖς χερσὶν ἀματῇ τελευτῇ συναποθνήσκειν τοῖς σώμασι, καὶ
 ἐν διαφύξει διαμ. Αὐτοῖς δὲ ποτε χεῖρ ἢ δ' ἀναστροφῆς καὶ ἀντοῖς
 ἀναστροφῆς. a quibus non longe abeunt hac in parte Socini-
 ani. Vid. Socin. in Epist. pag. 439. ad Joh. Volkel. Smalc. exam. cent.
 error. pag. 23. l. i. de error. Arian. c. 14. pag. 147.

§ 3. Valdè quoque sibi metunt à supplicio quodam, seu,
 cruciatu sepulchrali. Postquam enim homo demortuus est, di-
 cunt; animam tamisper in corpus (sic & Judæi intra an-
 num post hominis è vivis excessum animam non deferere
 corpus, sed subinde ad illud reverti, potentiaque aliorum
 Spirituum posse adigi, ut id ipsam rursus induat, fabulosi
 nugantur. Vid. Masse de resurrect. l. 2. c. 6. & Buxtorf. Syn.
 Jud. pag. 436.) revocari, ut coram duobus Angelis nigris,
 Mungir scilicet & Quarequir, fidei & observati per vitam Is-
 lam admirationem reddat. Quam ob causam etiam sepulchra
 sua concava faciunt, ut se in pedes erigere, & stare coram
 his examinadoribus possint, reverentiamque illis exhibere,
 uti refert Bush. Epist. Leg. Turc. p. 83. Nugantur v., quòd si
 hominem nimium, dum in vivis esset, aut ignorasse aut
 violasse legem Muhammedis deprehenderint, eorum tum
 alter, qui clavâ armatus, miserum peccatorem uno ictu
 ita percussurus sit, ut is sub terram, septem cubitos detru-
 datur; alter verò Angelorum, qui uncinum aut harpago-
 nem gestat, suo hoc instrumento, ita percussum magis ma-
 gisque approximaturus sit ad inferos. Ita somniant hi in-
 fideles. unde didicerint, nec est dubium. Nam idem malum
 metunt & Judæi, quòd illi חבדו הקבר percussione sepulchra-
 lem vocant: hoc peculiari precatationis formula, quæ est in-
 תכרות משנחנח amoliri nimium quam solliciti sunt!
 Vid. Buxtorf. in Lex. Tal. in חבדו & in Synag. Jud. pag. 437.
 Addunt verò: quòd si examinandus hic inquisitoribus istis
 probeatur, alii ipsi dentur Angeli duo custodes, sed albi, ru-

M 3

rela-

telaria veluti aumina & Genii loci defuncto affuturi, ad extremum usque iudicium; à capite unus, alter à pedib9. Scriptura refellit ejusmodi vanitates. *Eccles. XI. 3. XII. 6. 7. 14. Luc. XVI. 22. 23. XXIII. 43. Heb. IX. 27. Apocal. XIV. 13. &c.*

§. 4. Aliud adhuc superest illis supplicium, sed infernale; in purgatorio scilicet luendum. Ad quem Alcorani secum hac in parte consensum provocant etiam frequenter Pontificii, uti Bellarminus l. 1. de purgat. c. 11. Salmeron tom. 14. pag. 225. Belonius lib. 3. observ. c. 30. &c. imprimis verò ad Sur. 46. ubi Araben qui ita habet:
 اَلْجَمْعُ ذَخْتُمْ عَالِبَ اَقْوَالِهِمْ
 وَتَكَلَّمْنَا اَيُّدِيَهُمْ وَتَشْتَهَى اَرْجُلُهُمْ بِهَا
 كَاذِبًا يَكْسِبُونَ ۝ وَارْزُقْنَا لَطْمًا عَالِبًا اَعْيُنُهُمْ
 قَالَتْ بَقُوا ۝ اَلْصِّرَاطُ قَالَتْ بَقُوا ۝ اَلْجَمْعُ ذَخْتُمْ عَالِبَ اَقْوَالِهِمْ

Latinus hunc medium transtulit: *hodie* (loquetur sic, juxta Muhammedem, Deus ad impios in extremo iudicio) *vo-*
bis ora vestra sigillabo, manusque nostrae vobiscum sequentur. & pe-
des erunt testes operum vestrorum. si vellemus oculos vestros claude-
remus, ne PURGATORIUM IGNEM transeundum videre-
tis. Verùm dictio *ط* Pontem quidem in inferno, per quem
 hominibus transeundum sit, denotat juxta Gigg. eum in Le-
 xico: à *ط* *cribravit*, quod in eo homines qui cito ab
 igne infernali liberantur, cribrentur veluti & secernantur
 ab iis, qui ulterius ibi adhuc scelerum suorum poenas per-
 solvent: attamen, an hoc loco ita reddenda sit, valde dubito.
 Significat enim *ط* aliàs idque multo frequentius, *viam,*
femitam, callem, ut verb. grat. in *اَلْكِتَابُ* in aper-
 tione Libri, (quæ & *اَلْكِتَابُ* *م* *mater libri*, item *سُورَةُ*
الْحَمْدِ *الْحَمْدِ* *thesauri* *الْحَمْدِ* *precationum* dicuntur
 quia cottidie illam *Sûratam* loco precis recitant, estque
 primum Alorani caput) dicitur: *اَلْجَمْعُ ذَخْتُمْ عَالِبَ اَقْوَالِهِمْ*
deduc nos viam rectam. Unde sensus hujus loci hic esse potest:

No;

Nos illorum (impiorum) ora obstruimus, (ut non possint respondere ad unum ex mille, ut Jobus ait, cap. IX. 3.) manus enim illorum propriè loquentur contra illos, & pedes illorum testimonium exhibebunt illorum machinationibus. Nam & nos si voluissemus, jam dudum oculos illorum cæcitate (justo judicio) percussissemus, ut rectâ viâ relicta, nescivissent, quorsum pedem movissent. &c. Verum quia ex Septem-Castr. c. XXI. allisque satis notum est, Muhammedanos purgatoriū admittere, nolumus hanc responsione uti. Non tamen dicimus, ex naturali lumine, omnibus hominibus communi, haussisse hanc opinionem de purgatorio Muhammedanos, ut vult Cardinalis loc. cit. sed à Judæis, ut pleraque cætera sua omnia deliria. Hi enim homines in bonos, malos, & ביכונים seu intermedios distinguunt, ut notum est: & his quidem postremis scorias peccatorum in purgatorio amburendas esse fabulantur, Vid. B. Helvicus Elench. Judaicorum V. thes. 35. seqq. Hornb. de convincendis Judæis. Contrà Scriptura nescit ejusmodi Benonjim, sed genus humanum ἀνθρώπους dividit in duo genera, credentes scilicet & incredulos. Prov. XI. 7. Ex. XIX. 24. XXXIII. 13. Dan. XII. 12. Marc. XVI. 15. 16. Joh. III. 18. V. 24. seqq. Rom. IX. 14. &c.

§. 5. Super hoc arenoso dolo, que fundamento, pro liberandis ex hac præsentissima (ut sibi imaginantur) tortura suorum animabus, varias extruxerunt satisfactiones. Hinc frequentissimæ sunt pro defunctis orationes, uti Elmacin in Hist. Sarac. singulis ferè paginis testatur. Quas ordinariè quidem pro quolibet quinque fundunt; pro Adamo autem, utpote generis humani parente, nonaginta quinque à Setho dictas garriunt. Stipem insuper & Eleemosynas elargiuntur, non solum pauperibus, sed etiam bestiis. Hinc manumittunt è caveis aviculas; solito quodam tempore pascunt in aqua pisces, in aëre volucres, &c. Vid.

&c. Vid. *Johann. Ulrichum Wallich/in de Relig. Turc. Tr. Germ.*
p. 55. seqq. Et quis potest omnes illorum superstitiones enu-
 merare? Imprimis autem sibi ipsis cavent, ut, antequam
 è vita, prius are exeant (si quod habent) alieno; ne scilicet
 in purgatorio solvant animâ, quod hic quierût pecuniâ. un-
 de summo opere allaborant, ut Chirographam à creditoribus
 suis (saltem vel furto) recipiant, quam possunt (si Diis
 placet!) in soluti nominis testimonium apud inferos exhi-
 bere. Fabulæ! Diversum enim ex superius allatis Scri-
 pturæ dictis liquidò patet.

§. 6. Nec verò solum preces faciunt pro defunctis,
 sed etiam ad eosdem. Nam est quidam Divorum apud
 Turcas principalis, *Sedi Chasi* nomine, qui — *casu succur-*
rit in omni : hunc frequenter invocant, maximè in bello
 & in præliis. Alius est *Hatschipettesch* dictus, qui pere-
 grinantibus auxiliari creditur; alius *Afchikpassa*, qui amo-
 ribus, rebusque matrimonia concernentibus. Alius *Van-*
passa vel *Alirvanpassa*, qui discordantibus patrocini-
 um præbet; *Scheychpassa* verò, conturbatis solatium. *Goy v.* vel
Mirtschin, itemque *Bartschumpassa*, — *Curant & oves, ovium-*
que Magistros: Chidirelles a. itinera &c. Vid. *Septem- Astr. cap.*
XV. Emest. cap. 39. Hinc & ad illorum sepulcra peregrina-
 tiones instituunt, ibique preces efficaciores, quàm alibi,
 censent. Vid. *Breidenb. in peregrinatione sua, cap. 3. Lonicus*
in Chron. Turc. l. 2. cap. 14. Zvinger. in Theatr. pag. 31. 41. 577.
Ludov. Rom. in navigat. l. 1. cap. 17. Tevet. Cosmograph. l. 6. c. 5. &c.
aliosque. Contra Deut. VI. 13. Job. XIV. 21. Psal. L. 15. Ec-
cles. IX. 9. Es. XLII. 8. XLIX. II. LXIII. 16. Matth. IV. 10.
Job. IV. 21. 23. I. Tim. II. 5. 8. &c.

ARTI-

ARTICULUS XVII.
DE RESURRECTIONE MORTUORUM
ET EXTREMO JUDICIO.

§. I.

Hic rursus notandum agit Muhammedes maximum!
Et primo quidem quoad ordinem & modum hujus pro-
cessus: cuius summa ex Theologia Muhammed. hæc est. In
extremo die mandabit Deus Angelo mortis, ut omne animatum in-
terficiat, sc. homines, aves, pisces, &c. Quo facto iubebitur &
Angelus mortis semetipsum interficere: alis itaque suis involutus
exequetur id tanto quidem boatu, ut vel eo ipso mugitu vivencia
extinguerentur, si jam superessent. Stabit tunc mundus vacuus per
40. annos. Tum prodibit Deus, strageque hæc creaturarum veluti
exultant, dicit: ubi nunc principes, & reges & potentes seculi?
Atrox excitato Seraphieli tradet tubam 500. annorum itinera lon-
gam, addito mandato, ut descendat Hierosolymam, validissime-
que clangat. Ad hunc sonitum in omnem terram ad sua quæque
corpora animæ evolabunt, congregabuntur que sic ossa. Iterum
Archangelo post 40. annos sumante induent ossa carnem &
nervi; uti rursus post alios 40. annos, subibunt completa sua
corpora ipsæ animæ. Tum ignis accensus ab occidente, omnem crea-
turam Hierosolymam coget. Quo facto, ignis ipse quidem cessabit:
homines vero per 40. annos in sudore suo natabunt. Miseriorum
denique peccati, Adamum primum, deinde Noachum, mox Abra-
hamum, post Moysen, denique Jesum Mariæ Filium accedent, ut pro
se apud Deum intercedant: miseriorum faciat finem, & quid de his
deceat, tandem exprimat. Rejussi ab his, indignitate vel sua
vel ipsorum, ad Muhammedem ultimo (unicam jam spem super-
stitem) confluent. Hic tandem, suffragante Gabriele, fideissimo
N suo

suo in aula Dei Patrono, à Deo obtinebit, ut ponte super infernum factò, apponantur statera, ad quas bona & mala opera eorum ponderentur. Hic aderunt non solùm advocati, Moses, Christus, &c. quilibet pro suis: verùm etiàm arietes tempore Paschatos mactati, aves fœlesque olim pastæ, &c. in bonorum operum lancem ascendent, ne altera, in qua mala opera sunt, huic in qua bona sunt, præponderet. Imo, charta olim è terra in honorem Dei & Muhammedis sublata, pedibus illorum per ferream, eandemque igne candentem cratem ituris, derepente subterneitur. Vid. *suprà* part. 2. c. 1. *controv.* 3. §. 1. & part. 3. art. 10. Damnatis dabitur charta seu tabula damnatoria in sinistram, faciesque tota denigrabitur: Bonis absolutoria in dextram. Confer Sur. 79. &c. Et ita hic homines fabulis dementat! Ali-
ter *Matth.* XXV. 34. *seqq.* *Joh.* V. 28. 29. *I. Cor.* XV. 51. *seqq.* *S. Thess.* IV. 15. 17. *Phil.* III. 21. &c.

§. 2. Inter hæc tamen fabularum nebulas, non obscure se produnt splendentia Judæorum cæterorumque mendacia. Nam (1.) quod de gemina resurrectione, unusque ab altera distantia nugatur, originem habere videtur ex *Chiliasistica* opinione (quæ natales suos Talmud debet, vid. *Sanhed. Cocc. pag.* 246. 391. & autorem *clavis Apoc.* p. 273. mansitque veluti genethlium signum aliquod semper aliqua ex parte in domo illorum, qui Judaica Sacra postliminio reducta voluerunt. Vid. *Exseeb.* l. 3. *histor. Eccl.* cap. 38. l. 7. c. 24. 25. *August.* ad *Quodvult.* bar. 8. l. 20. de *Civit. Dei* cap. 7. *Nicoph.* l. 3. cap. 14. Etiam in *Anabaptistis* & *Rosencreuzianis* hoc & superiori seculo. Vid. *Melanchthon* in *disp. de furor. & deliriis Anabapt.* tom. VI. *itteb. Lat.* Chytraus in cap. 20. *Apoc.* *Sleidanus* l. 10. *comment. de reform.* &c.) de terreno regno *Messia*, vid. *Clariss. Pokock.* *miscell.* pag. 276.
Expres-

Expressè autem meminit secundæ resurrectionis *Aben Ezra* ad *Dan.* 12.2. Quod autem animas interficiendas prius dicit videtur affricum ei aliqua ex parte esse ex *Arabiana* hæresi. Vid. *suprà* art. 16. §. 2. Confer *August.* ad *Quodvult.* de hæres.

§. 3. Similiter (2) quod credunt Arabes, Osciculum quoddam superesse ad interiorē dorsipartem, juxta os sacrum, quod illi *عقصة* vocant (vid. *Golinius* in *Lex. Pocock* miscell. pag. 255. *Ecchell.* *hist. Arab.* cap. 19.) quod omnis corruptionis sit expers, primaque resurrectionis materia: Eadem de hoc osciculo credunt & *Judæi*, licet sub alio nomine. illi enim illud ipsum *עצמות* vocant. Vid. *Targ. Jerus.* cant. 8. 5. *R. Salomo Jarchi* ad *Gen.* 27. 29. *Buxtorf.* in *Lex. Talm.* pag. 1127. *Cameralis Oper. Succisr.* part. I. c. 12 p. m. &c. Contra *Gen.* III. 19. *Eccl.* XII. 7.

§. 4. Resurrectionem mortuorum (4) in Syria, idque *Hierosolymis*, uti ex citata *Theol. Mach.* seu *Colloq. cum Abdia* *Judæo* patet, itemque judicii extremum ibidem fore, credunt *Muhammedani*. Unde dixit *Iba Abbas*: Qui dubitat conventum (ultimi Judicii) futurum in Syria, is legat hunc versiculum: *وَأَنزَلْنَاكَ فِي بَيْتِ الْمَقْدِسِ* Et fuit prima (Judæorum) expulsio vel *persecutio* in Syriam. Dixit enim eis (Judæis) *Propheta*, scilic. *Muhammed*: Exite, Rogarent: Quo? Respondit: ad terram conventus seu congregationis. Congregabuntur enim creature die resurrectionis in Syria. Vid. *Hott.* *hist. Or.* p. 214. unde hoc desumptum sit, *Phaëthon* tis quadrigis non opus est. Notum enim *Judæorum* pariter *גלות המוות* seu *גלות המתים* id est, revolutio mortuorum seu cavernarum: in qua mortuos extra terram *Canaan* per penitissimos terræ meatus in eandem revolvi debere credunt, ibique tandem resurrecturos fore. Unde hujus mali (neque enim sine dolore fit, prout volunt) præcavendi

N 2

causa,

causa, vivi adhuc eò se conferre cōsueverunt. Vid. *Buxi. Lex. Talm* p. 438. *seqq. Hornb. de convinc. Jud.* Quin etiam plurimis aliis hodieque idem sentiendi (puta de habendo Iudicio extremo circa Ierosolyma) Locus *Joel. III. 7.* imposuit, indeque frequenter ad *vallem Josaphat* appellari solet. Contra *Dan. XII. 5. Matth. XXIV. 31. Job. V. 28. I. Theff. IV. 15. seqq. Apoc. XX. 13.*

§. 5. (4.) De forma & statura incolarum Paradisi, incit. *Theol. Mach.* hunc in modum ait: *Perfecti omnes in statura quidem Adæ, in forma verò Jesu Christi, nunquam incrementum aut detrimentum aliquod patientes.* Hic verò ex eorum sententia quid hausisse videtur, qui ex *Eph. IV. 13. Phil. III. 21.* omnium resuscitatorum corpora ad instar corporis Christi resurrectura existimant. Verum Apostolus iis in locis non de resurrectione hominum è mortuis: sed in priori quidem de spirituali eorundem incremento in fide & charitate; in posteriori v. de transfiguratione, non formæ, d. gloriæ loquitur, ut patet. *D. Augustino & aliis* placet sententia, quod unusquisque recepturus sit mensuram corporis, quam vel habuit in juventute; etiamsi senex abiit; vel habiturus fuerat, si ante esset defunctus. Nobis hæc: quemque in resurrectione eam staturam formamque recepturum, quam hic reliquit abiens. Vid. *Job. XIX. 25. seqq. Matth. XXII. 30. Apoc. XI. 18. XIX. 5. XX. 12.*

ARTICULUS XIIIX. DE INFERNO.

§. 1.

Quemadmodum de extremo iudicio, nonnisi ad modum actûs alicujus forensis, homo hic mundanus, suos docuit eadē chorda in executione similiter ejusdē, nonnisi mundanus loquitur. Infernum enim ut — *tristes sine sole domos, loca turbida* — (quemadmodum *Ethnici* suat

tartara) describit, seu, ut carcerem aliquem squalidissimum. Solum enim facit sulphureum, crebra pice confutum. Facit ibi puteos profundissimos. facit lacus, ut Virgilius, aliique Acheronta:

Turbidus hic cæno, vastoque voragine gurgēs

Æstuat, atque omnem Coccyto eructat arenam.

inò & arbores, quarum fructibus vescantur damnati; quo quidem cibo, acerbius excogitari possit nihil. vid. Theol. Muhammed: Dividit Plutonis hanc anlam, quemadmodum & Judæi, in septem cellulas, & quæ sunt hujus generis alia. (2) Ex hoc tandem cruciatu cum Origenianis & aliis *Liberatoribus*, de quibus vid. *Aug. ad Quodv. de hæresibus*, Angelis & hominibus vanam spem facit, ut post aliquod tempus eripiantur. Vid. & supra art. 2. §. 4. Hinc absurda non minus quàm ridicula fabula narratur in cit. *Theol. Muh.* de liberato quodam ab inferno, qui cum in aërio fonte ab Angelis jussu DEI lavatus nigram adhuc in fronte maculam ex pice inferni retinisset inter cæteros cœlites obambulans tantâ verecundiâ suffusus sit, ut mallet inferno potius reddi, quàm conjectum oculorum pati, quibus à cæteris indignus adhuc & immaturus huic honori destinabatur: jussu itaque adhuc quinquies laevi ignominia simul cum macula tandem demitur. Nos, æternos scimus inferni fore cruciatus, nec ullam inde liberationem. vid. Dan. XII. 2.

Marc. IX. 43 Joh. V. 28. 29. Epist. Jud. vers. 7. &c.

Quod & contra Socinianos observandum.

ARTICULUS XIX. DE VITA ÆTERNA.

§. 1.

Hic sanè impostor optimè potuit scenæ inservire, & ad ingenium suorum Arabum se accommodare. Summam itaque hominis beatitudinem, ultimum finem seu vitam æternam constituit in voluptatibus corporis: cibi, potus & Veneris: quibus rebus sciebat Arabes imprimis, præ cæteris mortalibus, velle libenter esse assines. Cujus belluini dogmatis saniores inter illos, uti olim Abu Ali Ibn Sin (vulgo qui nunc corruptè, Avicenna dicitur) l. 9. Metaph. c. 7. & h. t. Ahmed Persam, puduit. Unde & alii quidam recentiorum, legislatorem suum excusatum volunt, quasi is parabolicè (quemadmodum & Prophetæ & Apostoli nostri nonnunquam) per res mundanas spirituales voluerit adumbrare. Verùm non hanc fuisse Muhammedis mentem, nec omnium quoque cæterorum ejus asseclarum, tum multa alia probant, tum imprimis quòd tam propriè & clarè locutus sit, ut ejusmodi parabolica explicatio hic locum habeat nullum. De Scriptura Sacra alia est res. Eam se in aliis locis satis rotunde explicat: quod hic seductor non facit.

§. 2. Hinc audies apud ipsum: يَطَافُوا عَلَيْهِمْ وَأَعْيُنُهُمْ كَالْذُرَى
(من) دهب وازكواب ونبها تشنهج لا نفس وتلد
(عـ) وانهم فيـها خـالـدون
circumferentur in eos (beatos in Paradiso) PATINÆ ex
AUR0, & PHIALÆ, in quibus ERIT, quicquid animæ concu-
piverint: dulces erunt FONTEs, vosque perpetuò ibi vivetis.
Sur. 53. & passim Paradisum ipsum describit ut aulam alicu-
jus principis, ubi ad luxum & splendorem omnia instructis-
sima sint. Hinc audies apud illum, ut quondam in Bœoti-
cis

ticis Tempe, aut hortis Adonidis, esse v. g. jucundissimas
arbores, quæ hominibus, in otio & lascivia sub iisdem re-
cubantibus, opacam umbram dulcesque fructus præbeant.
Hic scaturientes fontes: hinc oberrantes rivos, nunc
melle, nunc lacte, nunc vino. Palatium ipsum in
septem veluti concamerationes distinguit; in argenteam,
auream, gemmeam, smaragdinam, adamantinam, quas
excipiunt sexta è carbunculis, & septima è luce divina. Et
ex hocce palatio seu Paradiso Adamum olim expulsus
voluit, Muhammedemque huc fuisse *ἔχνοβάν*, ad le-
gem petendam. Quamquam nec in posteriori hoc omnes
conveniant: nam alii legem ipsam cælitus demissam vo-
lunt. Hujus Paradisi portas olim interdum noctuque patuis-
se dicunt: nunc autem postquam deprehensum est, Diabolo
illuc clanculum subrepere, & consilia Dei expiscari, appen-
sas esse foribus seras; quarum claves in thesauro Dei asser-
ventur. Lucidissimam insuper stellam præ portis appositam,
quæ continuas agat excubias. Intus verò, fabulantur, viros
aureis sericisque & omnis generis pretiosissimis vestibus
amictos, ornatosque aureis annulis, gemmis, coronis &c.
super auro ostroque decumbere, exquisitisque cibo-
rum mistibus suffarciri, vinoque (quod tamen hic inter-
dictum erat) ad utramque usque aurem repleti. Et ne quid
voluptati desit, addi apparatus epularum, jus quoque fami-
liaritatis. Virgines enim ab æterno à Deo ad hanc rem
conditas ajunt: tantæ majestatis, ut si una noctu in terris
appareret, totum æra collustraret; si verò in mare despue-
ret, omnem mari saltem interciperet, &c. Hujusmo-
di suavitatis unde desumpta sint, longâ conjecturâ non opus
est. ex *Chiliasmo*, sc. quem B. Hieron. in Ezech. l. ii. rectè
appellat *fabulam*, ex *Judeis fabulis confutam*. Nam quid illi
de


de regno & convivio Messiae garriant, notum est. Vid. Buxt.
Syn. Jud. pag. 456. seqq. Cæterum ne quis cum *Foreo in Ma-*
nuali Luther. pag. 384. & seqq. fortè calumniatur, nos quoque
cum Muhammede, hac in parte sentire, meritò opponi-
mus errori illi dicta *Gen. XV. 1. Es. LXIV. 4. Matth. XXII.*
30. Luc. XX. 36. Rom. XIV. 17. 1. Cor. II. 9.


Tibi verò, DEUS Clementissime, PATER, FI-
LI, & SPIRITUS SANCTE, ex intimis cordis
nostri penetralibus, quantas & mente concipe-
re & ore proferre possumus, gratias agimus ma-
ximas, quòd nos in hisce stupendis tenebris, tam
horrendis Satanae prætigiis nasci non volueris;
salvifica sed cognitione JESU imbui, ejusque san-
guine à peccatorum sordibus ablui. Quot ibi
myriades infantum nascuntur! quot millia ho-
minum sine vera fide moriuntur! Distamus nos
ab illis, non naturà, non meritò nostro, sed gra-
tià Tuà. Et Arabes erant peculium Tuum olim,
gens Tibi dilecta: Da misericors PATER, n-
communione culpæ communionem cum iis
incurramus pœnæ, vel nos, vel posterì nostri,
propter eundem JESUM CHRISTUM,
Salvatorem nostrum!

AMEN.

يا يسوع المسيح ارحمنا واسدعنا مع
الاب والروح القدس ابا ابد الابديين امين *

F I N I S.





005647151

